

民國郵務總局特准掛號認為新聞紙類

1917年1-89 91-103

（模糊不清的印章或文字）

鹽政彙覽

民國六年一月分第一編

（模糊不清的出版信息）

567.465
425.3

鹽政彙覽第一編目錄

命令

令五則

指令一則

通行規程

訓令各運使運副局長商人遺失準單運照查明補發並將情由分別呈報文

訓令各運使運副局長等填送機關表文

訓令各運使運副申明慎用屬官並另定任人簡明辦法文

單行規程

訓令長蘆運使關於收稅各員立具保結及繳納保證金辦法抄飭遵照文

指令長蘆鹽運使石碑場蝦油醫稅應仍劃歸分所徵收文

訓令直隸財政廳長長蘆石碑場蝦油醫稅劃歸長蘆分所徵收文

指令長蘆運使蘭封等縣添設織工傳習所應准酌量情形分別辦理文

咨交通部漢沽岔道拖車費仍定為每車四元文



目錄
鹽務署刊行

指令長蘆運使通久號接認包辦祁徐呂蝦醬稅錄送合同保結應准備案文

指令福建運使久大公司精鹽由運署發局代售文

訓令長蘆運使久大公司精鹽交由福建運署代售文

指令松江運副精鹽行銷自以通商口岸爲限仍仰轉飭接洽文

指令兩浙運使浙境各口岸引商既無願銷精鹽情事候飭長蘆運使轉行該公司照章辦理文

指令雲南運使久大公司運滇精鹽應准緩議推行文

訓令長蘆運使兩浙轄境各口岸行銷精鹽應照本署前定章程辦理文

指令長蘆運使久大公司精鹽行銷如逾範圍即以私論文

訓令兩淮運使湘商清吉昌等擬組精鹽公司應准擬章呈核文

咨稅務處轉行各關嗣後遇有精鹽應隨時查照放行以免阻滯文

訓令津海關監督嗣後遇有精鹽應照部定辦法隨時查照放行文

訓令長蘆運使核定久大公司運銷磚鹽納稅辦法文

訓令官硝廠准陸軍部咨明辦理商人馬警五運硝一案轉行知照文

指令官硝總廠核准酌加售硝價目文

指令官硝總廠核准試辦酌加山東各局處收硝售價值文

指令東三省運使奉天鹽稅折收錢幣辦法文

訓令東三省運使分所派駐營口安東等處驗放員改爲稽查員駐場查驗員改爲驗放員文

訓令吉黑權運局核准在滬繳稅應以墨洋交付中行文

訓令山東運使核定各支所驗放員司秤員書記等及各場署灘務書記等旅費章程文

訓令山東運使核定徵收濤維鹽稅暨設局派員辦法文

指令河東運使核准豫岸車運運單辦法文

指令兩淮運使北鹽配濟南銷前六後四作爲年額定案文

訓令淮北運副新安鎮等處稽查局應歸運副節制並由分所派員接洽准單及辦理秤放事宜文

咨呈國務總理兩淮及蘇五屬緝私營歸江蘇督軍指揮與成案相符文

訓令兩淮運使兩浙運使各緝私營隊數目駐紮地點應呈報江蘇督軍文

訓令兩淮運使核定變通充公物件拍賣辦法文

訓令兩淮兩運使和土功鹽查非故意攙雜准按每斤十六文價交棧文

指令兩淮運使江船編號清冊應準備案嗣後凡未編號入冊之船概不准承裝鹽斤文

訓令兩淮運使淮北薪餉應歸海州分所簽發文

電淮北運副據呈請增設青口事務所及增加稽查局員額各端已交所核議文

訓令淮北運副青口設立事務所經費已由所核准抄函飭遵並將稽查局增加經費會同查報文

指令淮北運副淮北六岸招商辦法現已另行規定該運副所擬臨時辦法應勿庸議文

電令淮北運副核准六岸招商辦法文

訓令淮北運副稽核所付陳六岸招商辦法文

訓令淮北運副稽核總所函復海分所六岸招商辦法抄錄原件令行遵照文

訓令兩淮運使淮北運副松江運副飭知修正山東魚鹽執照准單及漁船註冊單各式樣文

電湖南省長廢除湘省鹽斤六項附稅由中央撥款抵補文

訓令兩淮運使淮南各場運鹽赴十二圩核准每担給滷耗四斤皮重五斤並實行保結辦法文

訓令兩淮運使淮南由場運圩碱片滷耗減為每担三斤文

訓令兩淮運使淮南場商運鹽往圩保結辦法文

指令兩浙運使開放永武縉釐地文

指令兩浙運使紹蕭六圍灶商改運餘鹽辦法現經飭商集議應俟議定轉呈核奪文

指令兩浙運使解釋售鹽規則尙屬正當惟商人所陳不無可採抄飭另定細則宣布文

訓令兩浙運使上塢局改爲上望場准將局支政費改爲該場政警兩費文

指令兩浙運使餘姚稅則應仍舊征收文

指令兩浙運使議覆取締售鹽規則應准將所擬布告刷印頒發文

指令兩浙運使上望場知事擬訂煎丁短交產額處置規則九條應准備案文

指令兩浙運使准將查驗所名稱劃一鹽巡官弁准稱鹽巡長並定各督銷局長及警長資格文

指令兩浙運使肩商設廠納稅辦法准照綱商辦理文

指令兩浙運使所擬整頓辦法六條均尙妥協仰即妥擬詳細辦法分別呈報候核文

指令兩浙運使溫處鹽行鹽店暫行規則應准備案文

訓令兩浙運使核定新塢義橋兩處查驗所預算經費二百八十元應即照准文

指令福建運使省議會調查鹽務無庸將案卷正式交會文

訓令兩廣運使福建運使潮橋運副由閩運粵鹽斤未經在閩抽厘應由廣東分所補征文

電兩廣運使東港官塢已定出租辦法逕與分所商辦具復文

訓令兩廣運使香安漁船發給料票一律由分所辦理文

訓令兩廣運使核定廣東海南三亞場及各局廠鹽警開辦經常各費文

訓令兩廣運使據總所稱關於核擬水程照費及繳稅收據秤鹽丈量各辦法抄飭知照文

指令兩廣運使呈報續行審定南櫃運商應准備案文

訓令西岸權運局潮鹽已收足稅款者應予免除口捐惟積存舊鹽仍應照章抽捐文

訓令兩廣運使取銷鹽業專利及嗣後商人稟請註冊辦法文

電令潮橋運副核定潮鹽掣驗辦法文

呈 大總統陳明四川辦理鹽務經過情形及現在變通辦法文

電四川運使所擬設查驗局辦法已交所核議可即照此籌辦文

電令四川運使填發運照按照前發分岸配銷單辦理文

訓令四川運使川北運副飭知川北收稅監秤委派收稅員秤手辦法文

電令四川運使調回銷岸鹽巡分駐各場並核定冬季軍衣價目文

訓令四川運使核定雲陽場暫派收稅官文

訓令四川運使鹽務人員不得兼任他職文

呈 大總統爲劃一滇省鹽稅定期實行文

電雲南運使劃一稅率一案遵照籌備文

電雲南運使官運邊鹽直征二元一節已據情商所俟得覆再行核飭文

訓令雲南運使同省劃一稅率一案總所函電原稿抄粘令知遵照文

訓令口北蒙鹽局長興豐合併擇要先設局卡經費應准由鹽款帳內照支文

指令晉北權運局此次呈送合同姑准備案嗣後事關出入之件務宜先行呈報毋得疏漏文

電覆甘肅省議會調取鹽務章程咨准國務院核覆毋庸照送文

電令花定權運局甘省議會調取鹽務章程無庸照送文

附錄

意大利製鹽方法摘要

鹽政彙覽第二編

命令

民國五年十二月三十一日奉

大總統令李思浩給予二等大綬嘉禾章此令

民國六年一月一日奉

大總統令王其康晉給三等嘉禾章此令

同日奉

大總統令丁乃揚劉文揆胡思義均給予三等嘉禾章此令

同日奉

大總統令吳迺翼晉給三等嘉禾章此令

同日奉

大總統令俞人蔚裴景元均給予四等嘉禾章此令

本部呈鹽務署暨所屬各機關辦理鹽務得力人員吳迺翼等擬請獎給勳章由

六年一月一日奉

鹽政彙覽第一編

通行規程

訓令各運使運副局長商人遺失准單運照查明補發并將情由分別呈報文五年八月十六日訓令第八十七號

據稽核總所文稱商人遺失所領放鹽准單或運照各案現經核定辦法如查明確係遺失應准將該項准單或護照補發免予繳費其遺失之准單或運照號數應即註銷並出示聲明一面由各該局署設法慎防以免冒用該項准單或運照重行運鹽其辦理補發准單一切情形應隨時呈明總會辦以憑核奪除通飭外請查核飭遵前來查補發運照亟應慎重嗣後各該局署遇有商人稟報遺失運照呈請補發事項仍應先將情由調查明確呈報本署核准後方准照發合行令仰該運使運副局長遵照此令

訓令各運使運副局長等填送機關表文 五年九月二日訓令第一百七十八號

查本署所屬各機關近年設置裁併屢有變更新舊名目既有不同駐在地點亦復互異非詳為調查無從考核茲經製定表式發交各該司局即將所屬各分機關如場倉坵棧等以及分局分卡逐一查明按照填列尅日送署以憑彙核除分行外合行令知該 仰即遵照辦理此令

附鹽務機關調查表

機關類別	駐	地	備	考
	舊			
通行規程				
鹽務署刊行				

表解

一表內所稱機關類別一闌例如鹽運使即填某某鹽運使如權運局即填某某權運局餘可類推其所屬之分機關各處即以次填列於後如所屬者又有附屬機關各處一併接填於所屬機關之後惟於類別闌內應將附屬機關名目低一格寫以清眉目

一表內駐在地一闌務須將舊駐在地點屬於某縣境現駐地點屬於某縣境分別詳細列明以便考核

一表內所指倉坨鹽棧各處如有名稱不同者均應辨明性質即用原有名稱依類填列不得漏畧

一表內所列地點必須加以說明即於備考闌內聲叙不得含混

訓令各運使運副申明慎用屬官並另定任人簡明辦法文
五年十一月二十五日
訓令第五百三十一號

照得官惟久任績效乃成人有恆心志意斯定現在全國鹽務正當整頓進行之際各運使運副俱由中央妙選賢能畀之重寄程功責效期以歲時該運使等既荷政府倚任之殷所有行政用人自當慎審圖維規畫久遠庶屬僚任事得所秉承不至匏繫一官視同傳舍此事該運使等本皆素悉無待於本署之申言惟數年以來默察外省鹽務官吏進退情形往往易一長官隸屬員司即隨而搖動甚至一任之內自用之人亦復更調頻煩道途相望在賢者既不安厥居違言奉職不肖者或因以爲利益便私圖雖非各省皆然要亦有時不免本署內縮離綱外承債約全賴羣策羣力克竟其施故對於用人必慎必察而既用之後則不願數數更易以撓其才該運使等任使屬官皆有實地辦事之責所關尤重爲此申明大要並另定任人簡明辦法三條通行各該運使等切實遵照毋得視爲具文切切此令

運使運副任人簡明辦法

- 一運署機關內部辦理重要事件之人員倘非不能稱職或其自行求去者不得輕易更動
- 一運使運副所屬人員之兼收稅官任務者如其不能稱職必須更換時除報鹽務署及知照分所轉詳總所外仍候分所對於撤任之兼任稅官所辦之經手款項賬目認爲清結時方准實行更動否則該運使應負責任

鹽政彙覽第一編

單行規程 長蘆一

訓令長蘆運使關於收稅各員立具保結及繳納保證金辦法抄飭遵照文

五年十月二十四日
訓令第四百二十四號

場產廳案呈據稽核總所漢文股付稱據長蘆分所先後函稱關於收稅各員立具保結各等情查該兩函所陳各節不無矛盾應飭由該分所再行呈報關於責令場務暨坵務各局人員出具保結一節應毋庸議惟此項人員凡在蘆台石碑徵收油塊硝鹽蝦油蝦醬等稅及在豐財各局暨石碑之大清河洋河口等處徵收漁鹽稅者均應責令繳納相當之保證金如秦上總局局長可定為一千元其他各局定為五百元究竟此項辦法能否實行之處應由該分所妥為酌議至該分所第一千五百零一號函第三第四兩節所擬各辦法應予照准但運使所派之各場務員祇於辦理收稅事宜時歸分所管轄除函飭該分所外將該函稿連同原函抄付查照轉陳查核等情據此合行抄錄總所付送各原件令飭該運使遵照可也此令

附稽核總所致長蘆分所函

逕復者據民國四年十二月六日第一千四百三十二號暨民國五年一月四日第一千五百零一號先後兩函擬陳關於着令收稅各員立具保結各辦法等情茲奉總會辦諭令知查自接到貴經協理

先後兩函以後迄今已閱數月而該兩函所擬陳各節又有諸多矛盾之處故現已核定着令貴經協理再將此事呈報前來關於責成場務暨坵務各局之人員立具保結以資担保收發鹽斤之責任一節現在無須酌議但此項人員凡在蘆台暨石碑徵收油塊硝鹽蝦油蝦醬等稅及在豐財各局暨石碑之大清河洋河口等處徵收漁鹽稅者均應責令繳具相當之保證金譬如秦上總局局長可定為一千元而其他各局之局長則定為五百元於呈送報告時貴經協理應將此種辦法能否實行之處妥為酌議貴經協理民國五年一月四日第一千五百零一號函第三暨第四兩節所陳各辦法現已照准但所有由運使委派之各場務員祇於辦理收稅事宜時始歸貴經協理管轄此節尙希注意關於此層業經總所民國四年九月二十一日第一百零二號函詳細令遵矣此致

指令長蘆鹽運使石碑場蝦油醬稅應仍劃歸分所徵收文

五年十月二十八日
指令第八百一十一號

呈悉查蝦油醬稅為長蘆鹽稅之一部分蘆台場既已劃歸分所徵收所有石碑此項稅款自應仍照分所所擬辦法以歸劃一除由部令飭直隸財政廳照辦外仰即遵照此令

附長蘆鹽運使原呈

呈為准稽核分所函商石碑場蝦油醬稅劃歸分所徵收並招商包辦咨行直隸省長飭廳遵照是否可行陳請鑒核示遵事案准長蘆稽核分所函開茲據石碑支所十月二日第三一八號函報調查蝦

油醬情形並條陳意見請招商包辦等情查蝦油醬稅係鹽稅之一部分自應援照蘆台成案招商包辦將所繳之稅歸入鹽款項下以昭劃一惟此項稅款向由直隸財政廳第五區魚稅徵收局徵收似當呈由署所請財政部咨行直隸省長飭廳遵將蝦油醬稅劃歸本分所徵收以重鹽稅除將石碑支所原函抄寄外相應函請貴使查照如荷贊同其應如何辦理之處尙希見復爲荷等因附抄函准此查此案前准分所函請飭查即經飭據石碑場知事段芝清覆稱附近居民販賣蝦油蝦醬爲數寥寥專設機關徵稅誠恐入不敷出徒見煩斂病民若改令商包又恐受人難覓偶一不慎百弊叢生此項稅款可否免予徵收等情前來當經據復分所在案茲復准函前因所有石碑蝦油醬稅劃歸分所徵收並咨直隸省長飭廳照辦之處是否可行理合備文呈請鈞署核奪指令遵行實爲公便謹呈

訓令直隸財政廳長長蘆石碑場蝦油醬稅劃歸長蘆分所徵收文

五年十月二十八日訓令第四百四十四號

據長蘆鹽運使呈稱准稽核分所函商石碑場蝦油醬稅劃歸分所徵收陳請鑒核示遵等情前來查石碑場蝦油醬稅向由直隸財政廳第五區魚稅徵收局徵收惟此項稅款係長蘆鹽稅之一部份蘆台場現已劃歸稽核分所管理石碑一場未便獨異自應仿照蘆台成案辦理該運使所請各節應即照准除批令該運使遵照外合行令飭該廳長將該場蝦油醬稅一項劃歸長蘆分所徵收以歸一律而免歧異仰即遵照此令

指令長蘆運使蘭封等縣添設織工傳習所應准酌量情形分別辦理文

五年十一月十一日指令
第九百一十一號

呈悉蘭封等縣平毀硝池之後既據聲稱非添設織工傳習所不可應准酌量情形分別辦理惟所需經費現在無款可撥仍應由該運使設法籌措以資應用仰即遵照此令

長蘆運使原呈

呈為蘭封等縣出產硝鹽目今硝池平毀懇請添設織工傳習所為硝戶子弟後日生計據情呈請鑒核示遵事竊據緝私營統領宋明善函稱竊統領於本月二十七日督隊馳抵蘭封調查硝鹽情形暨會商黃知事擬於二十九日帶隊出城平池是日調齊隊伍約同黃知事將屆出城適有產鹽各村鹽戶扶老携幼盈市填街前來要求善後生計據稱自本營撥隊駐紮以來咸知禁令森嚴少壯者均往鄰境別圖生業贖此老弱者不能不借淋鹽暫為餬口今一旦將鹽池平毀祇有延頸待斃而已統領諭以鈞使體恤該民等已呈明部署將產鹽地畝准予免糧在案等語據云地如能種一年完糧不過一次而衣食則日日必需且產鹽之地多係被水後已經免糧者仍求為籌生計等語統領查該民俱屬良善而情實堪憫允為代懇恩施於蘭封城內設立織工傳習所一處專收鹽戶子弟入所學習以為日後生計該民等均為首肯散歸各村統領復與黃知事約會改定十一月一日帶隊出城平池屆時當無他變容俟辦理完竣再為稟報查核至擬請設蘭封織工傳習所暨本年春間督隊平池會允

代懇在滑縣設立織工傳習所一處陽武原武二縣共設立織工傳習所一處太康縣平池之後亦須設立織工傳習所一處以上擬請設織工傳習所四處均係荒沙壓境斥鹵徧野現既禁其做鹽若不令鹽戶學習工藝則無計謀生恐不免藉口復立鹽池想鈞使慈惠爲懷向以貧民生計爲前提敢乞令行善後興利總局分別辦理以普德澤而免向隅統領因公起見理合稟懇施行等情據此查該統領所陳各節均屬實情產確之地若非另籌生計實不能望其盡絕查使署所屬之興利局原係爲確戶子弟生計而設但該局開辦多年向無的款所需經費專仰鈞署指撥近以經費支絀鈞署亦無款可撥本使以該局關係匪輕萬難停止東挪西借款費經營業已捉襟見肘明知各產確之地均應開設工所而後能絕其淋晒每以經費無着難於實施欲謀而止現在蘭封各縣揣其情形似非設立工所不可本使爲維持鹽務起見所有擬請在蘭封等縣添設織工傳習所各緣由理合據情呈請鑒核指令遵行謹呈

咨交通部漢沽岔道拖車費仍定爲每車四元文 五年十一月二十三日

爲咨行事前准貴部咨以漢沽岔道拖車費飭據路局議復仍應定爲四元咨請查照等因當經飭付稽核總所查照去後茲據復稱業已飭行長蘆分所將該拖車費仍定爲每車四元等情抄稿付廳轉呈前來相應抄黏咨復貴部查照此咨

交通部原咨

為咨復事接准咨開據總所聲稱漢沽岔道工程應咨商交通部務於本年十一月十五日以前完工至拖車費如能減為三元於長蘆鹽務尤有俾益等情並抄附長蘆分所來函前來抄錄原函咨請查核見復等因查漢沽岔道拖車費前由長蘆洋助理員谷塞額與該路車務副總管史梯理會商時經谷塞額聲請由五元減為四元本部據該路局呈請前來格外通融批准照辦並咨准貴部在案此次谷助理員所稱京奉車務詳請交通部漢沽鹽車拖費每二十噸由五元減為三元等語本部無案可稽當即令行京奉路局轉行車務處查復茲據稱谷塞額前次來局面商並無應允鹽車拖費由五元減為三元之事等語案經雙方協定並經由兩部核准自未便變更原議所有該岔道鹽車拖費仍應定為四元至該岔道工程約於十月杪可望竣工業於九月九日咨復貴部在案相應咨請貴部查照轉飭遵照此咨

指令長蘆運使通久號接認包辦祁徐呂蝦醬稅錄送合同保結應准備案文
五年十一月二十九日
指令第一千八十五號

據呈報豐財場祁徐呂蝦醬稅務現由通久商號接認包辦照錄合同保結轉陳鑒核等情尙無不合應准備案合同保結存此令

長蘆運使原呈

呈爲通久商號接認包辦豐財場祁徐呂蝦醬稅務錄送合同保結據情轉陳鑒核事案據豐財場知事張佑賢呈稱竊查祁徐呂蝦醬稅務前因舊商認期已滿是否准歸新商通久號接辦請示辦法當奉運使批示已據情詳請鹽務署核示復到再行飭遵等因嗣奉第五四號訓令內開案准稽核分所函開准七月二十五日及八月十五日貴使第三六四及三九四號函開祁徐呂蝦油醬稅務由去年六月起由商承包現已期滿此後收歸官辦爲宜抑仍商包爲便徵求本分所意見各等因當經函飭塘沽支所查復去後茲據谷助理員函稱祁徐呂蝦油醬稅款收入甚少不敷局卡經費及人員薪工且祁徐呂距漢沽頗遠交通極爲不便每年收稅最多月分不過五六月三個月餘皆入不敷出按此情形寔以招商承辦爲便等情前來查谷助理員函稱自係寔在情形似應仍令商人承包至前次包商不願接續可另招新商再行試辦一年用特商詢貴使意見以便陳請總所核示遵辦爲荷等因准此除復准貴分所函復祁徐呂蝦醬稅務擬仍招新商承辦商詢意見等因查此項稅務稅收有限難覓專商包辦劉景范以承辦滄六引岸之故就便帶包嗣該引岸改歸通久商號承辦劉商遂亦不願包認此稅未至期滿即已移交新商通久代辦惟通久業經接辦三四個月現既仍令商包似可即令通久認辦統照原包條件飭場換訂合同以免紛更而省另覓等因並呈明鹽務署外合亟令行該知事即便傳令新商換訂合同以專責成仍將繕就合同呈送二份以備存轉仰即遵照此令等因復奉

第二一號令奉鹽務署指令前因飭即會同支所助理員換訂合同呈送轉報各等因奉此遵經函據通久商人鄧崇光派號夥張清泉來場比經交閱前久大號合同該號夥極爲承認所有認數期限及繳款收稅一切條款悉願循照辦理復經會同核議將前項條件查有與現時情形抵觸之處一律改正仍交該號夥携回徵求該商同意去後旋據函覆認可繕具正式合同三份雙方簽押蓋章完全並據送到桐興義鹽店保結一紙前來知事查核無異隨即互換騎縫合同各執一紙以資憑證惟接認日期該商原請以換訂合同之日爲始知事告以前議暫行代辦儘徵儘解原以由商接認之案未經解決不便遽爾允許茲既奉准仍由貴商包辦何必執持前議轉費手續不如直接久大認期繼續辦理較爲周妥該商亦即允諾查久大號於本年六月二十三日日期滿應自六月二十四日起爲該商接認之日截至民國六年六月二十四日止適屆一年標立合同日期應即以六月二十四日爲準藉昭核實所有遵令換訂包辦祁徐呂蝦醬稅務合同緣由除照錄合同保結函卸谷助理員并備案外理合轉送原立合同一份並照錄合同一份保結二份具文呈請鑒核分別存轉寔爲公便等情前來本使復查無異除將原立合同一份保結一份存案外理合將照錄合同暨保結各一份備文呈請鑒核備案施行謹呈

附合同

一議祁口徐堡呂家橋三處蝦醬稅下現經詳准歸通久商號包辦全年認繳洋一千五百元先行試辦一年期滿如願續認再行詳請憲示另議

一議由通久商號覓具殷實舖保切結一紙以便轉陳備案藉資保證

一議設卡用人官家概不過問但原設之卡惟祁口徐堡呂家橋三處如因事寔必須增設卡所不得逾前滄六官運局舊管區域以外致滋繁擾

一議稅收最旺時期以陰歷五六月七八九等月為常今為體恤商收起見認繳之一千五百元酌分兩期繳納以陰歷五月為一期十一月為一期每到月初即須照繳不得藉詞拖延

一議到期繳款應由場署轉解以清權限

一議蝦醬稅率具有定章應由承辦商人嚴誠司巡不得違章浮收勒索致咨競爭而貽口寔

一議稅收盈虧本難逆料如或收成歉薄應歸通久號自行担負不得希求減少致違包辦性質

一議各卡應用之運單印收兩項應隨時備具領字送由場署轉請運使核發

一議每月收數多寡應將填過之運單印收存根按期隨款報解場署轉繳運使查核並另造清冊送場備考以資比較

一議久大號未經用完之運單印收應截至本年六月二十三日止由通久號接管填用並將所收

數目報場轉詳備案

一議此合同係根據久大號舊訂條款將事寔不符之處酌量更改兩方面均已承認核與久大號合同同意旨無甚出入毋庸上呈請示以省繁牘今推定代筆人正式繕寫三分各蓋圖章以資憑証以一分呈送運署備案餘二分場署商號各執其一俾成信據

一議兩方面認定接續久大號期限於民國五年陽歷六月二十四日爲包辦日期至六年六月二十四日爲止所有未接包辦之前一日稅務雖由久大號於四月二十七日移交商號代徵乃係另一問題不與此次正式包辦相干應由場將正式包辦日期呈報運使備案

以上議訂條款寔係兩相情願毫無逼迫僞飾情事由兩方面暨代筆人簽押蓋章以昭信守恐後無憑特立此合同存照

指令福建運使久大公司精鹽由運署發局代售文

五年十月三十日指
令第五百三十號

呈悉查閩省既無引商所有該項精鹽自應由該公司稟准運署發局代銷作爲特別辦法原定代銷章程乃對於商人而言運署爲行政機關當然有別應即毋庸修改至所稱閩省繼續製練出品之後即當知照該公司停運一節是否可行應俟屆時再行核定除行長蘆運使轉諭該公司遵照外合即指飭遵照此令

福建運使原呈

呈爲遵飭認銷精鹽并請飭行另定辦法事案奉鈞署第八百五十一號飭開查前據久大精鹽公司景學鈞等稟請在天津設廠試製精鹽行銷通商口岸等情一案當經核准特許並訂定該項精鹽運銷繳稅辦法飭行遵照嗣據該公司擬陳各口岸引商代銷章程稟送察核並請將原定精鹽運銷繳稅辦法第三及第九各條酌予變通等情又經本署批准並將原定精鹽運銷繳稅辦法各條文修正飭知在案茲據該公司稟稱前奉飭知遵即督同廠工加意製鍊現幸各種出品次第告成擬將仿造洋鹽一種先行裝樣輸出查此項仿製洋鹽係用瓶裝專供西人食用與普通精鹽不同應就各著名通商口岸委託向售洋鹽之洋貨舖代售或能取悅外人即足抵制外貨務請鈞署趕將應貼印花給發具領一面分咨各海關查照放行至大宗紙包精鹽自應遵照規定先儘各口岸引商代銷伏乞飭下各鹽務機關諭知依限具復如逾限不復即照原定辦法辦理等情前來查此項精鹽既經次第製成自應准其裝運惟據稱自行委託洋貨舖代售一層查與本署前定之運銷繳稅辦法不合姑念此次所運係屬樣鹽准予略事變通凡無指定引商之口岸准由該公司自行裝運赴埠交洋貨店代售但須由長蘆運使嚴定數目限制不得任意多運以杜影射其素有引商銷鹽之口岸仍應與大宗紙包精鹽一律照章辦理除咨行稅務處並飭知各海關監督遇有前項精鹽入口查明粘有印花貨照

相符即予查照放行外合行檢同印花並抄粘修正精鹽運銷繳稅辦法暨該公司稟准之代銷章程各件飭仰該運使遵照並轉飭所屬各機關一體轉諭轄境口岸引商如有情願認銷該公司此項精鹽者即行查照定章自向該公司訂運承銷或不願代銷亦即依限具復不得遲延等因奉此查閩省鹽務係完全官專賣性質並非引商認地行銷自無從轉諭商人代認銷額惟該公司仿造洋鹽係爲抵制外貨挽回利權起見本司極表贊同福州廈門等處皆爲通商口岸此項精鹽爲西人食品所必需銷路自能發達從前閩鹽商辦之時亦經試行仿造行銷頗暢本署正在研究繼續辦理現時尙未出品如果該公司所製足以抵銷洋鹽即由官專賣之各分機關代其試售尙屬可行應請鈞署飭行該公司將所擬代銷章程之第五條所開稟准鹽務機關自設支店行銷一節改爲稟准鈞署委託福建鹽運署暫代行銷緣閩鹽既無引商則所有訂定合同之辦法均不適用將來閩省繼續製鍊出品之後即當知照該公司停運以免妨礙官銷奉飭前因理合將遵飭認銷精鹽並請另定辦法情形具文呈請鈞署察核示遵謹呈

訓令長蘆運使久大公司精鹽交由福建運署代售文

五年十月三日訓令
第三百四十六號

據福建運使呈稱前奉署飭據久大精鹽公司稟請製鹽運銷通商口岸等情一案查閩省鹽務係完全官專賣性質並非引商認地行銷自無從轉諭商人代認銷額惟該公司仿造洋鹽係爲抵制外貨挽回

利權起見本司極表贊同福州廈門等處皆為通商口岸此項精鹽為西人食品所必需銷路自能發達從前閩鹽商辦之時亦經試行仿造行銷頗暢本署正在研究繼續辦理現時尙未出品如果該公司所製足以抵銷洋鹽即由官專賣之各分機關代其試售尙屬可行應請鈞署飭行該公司將所擬代銷章程之第五條所開稟准鹽務機關自設支店行銷一節改為稟准鈞署委託福建鹽運署暫代行銷緣閩鹽既無引商則所有訂定合同之辦法均不適用將來閩省繼續製鍊出品之後即當知照該公司停運以免妨碍官銷等情據此查閩省既無引岸商人所有此項精鹽應由該公司稟准運署發局暫行代銷免訂合同作為特別辦法原定代銷章程乃對於各處引商而言連署為行政機關當然有別應即無庸修改除指令遵照外合行飭仰該運使轉飭該公司遵照辦理可也此令

指令松江運副精鹽行銷自以通商口岸為限仍仰轉飭接洽文

五年十月六日指令
第五百五十七號

呈悉查此項精鹽行銷地點前於該公司運銷繳稅章程內業已規定明白以通商口岸為限自不能任其侵入內地致碍商銷至印花一層亦祇為海關入口查驗標準並非完全作為繳稅根據其起運到岸仍以領有運照為憑所慮層迭轉運侵引損稅等詞亦屬誤會仰仍轉諭該商等遵照本署前令逕與該公司接洽商訂依限具復可也此令

松江運副原呈

呈爲久大精鹽行銷通商口岸有妨稅收請示遵行事竊查本年七月二十八日奉鈞署八百五十一號飭開(原文見前)等因奉此當經轉行蘇五屬鹽商公會遵照辦理去後茲據呈稱奉此幹事等遵即照案函邀吳縣丹徒上海三地引商來滬集議據稱久大公司行銷精鹽指定通商口岸爲限專供西人食用藉以抵制外貨所見未嘗不遠惟查吳縣丹徒兩地雖係通商口岸但租界狹商務未見繁盛僑寓西人尤寥若晨星計口授食銷數甚微惟上海一埠租界較廣據工部局報告西商旅居者男婦大小約有萬人商等有鑒於此曾由上南經引商發起會同浙西總商沈謙吉等於前清光緒三十二年分稟請兩浙院司暨南洋大臣核准在滬北潭子港地方集資建廠開設浙西華興煉鹽公廠當時援照上南極重稅則繳納滷稅製成之鹽係用瓶裝每瓶兩磅售洋二角細白潔淨無異洋鹽而味美過之初以爲抵制洋鹽在此一舉詎料發售數年銷數極微揆其原因僑華洋商究在數少即使盡食煉鹽能得幾何供過於求有儲無銷迄今十餘年公廠早閉而存積尙多求銷無術今該公司所製精鹽無論瓶裝紙包如果專供西人食用則銷數之微無待著蔡若藉通商口岸希圖侵銷租界之外則天津亦通商巨埠戶口繁盛以三萬担之年額不難立見銷罄更何必舟車轉運乃令全國之商納諸久大公司範圍之內哉商等愚昧誠百思而莫解其故所有碍難代銷情形應懇據情轉呈請示辦理等情前來幹事等查久大公司所製精鹽如專銷租界抵制洋鹽固無不可但上海租界早

有華興煉鹽迄今尙未銷竣固不能舍己耘人該商等所稱碍難代銷尙係實情若圖行銷租界之外無論其價格能否相等長蘆有稅額比較兩浙亦有稅額比較彼盈而此絀非惟全國引商不能承認即鹽政官廳亦難善後所有該公司精鹽似祇能試辦不得任令通銷致漫無稽考况代銷章程第十二條之改良包裝第十七條之報酬紅利其貪多務得之心躍然紙上流弊所及必致影射岸銷侵蝕稅項幹事等察核各商所陳證以己辦之華興煉鹽成績所論不爲無見未敢壅於上達爲此據情轉呈並附呈華興公廠煉鹽四瓶仰祈司長俯賜察核迅予詳請嚴加取締不得藉通商口岸任意侵銷致紊鹽法等情據此伏查蘇五屬各岸惟吳縣上海丹徒三處係屬通商口岸吳縣雖已通商東西各國之人迄無居留亦無正當營業丹徒雖有洋商人數寥寥上海一處旅居西人較多第華興煉鹽公廠創製十有餘年迄無效果以土著鹽商有駕輕就熟之功尙不能達到目的久大精鹽來滬如果恪守範圍亦恐無利上海爲東私蘆私閔私蒼萃之區丹徒又爲准私入境要道偷久大紙包精鹽准予行銷設或認商廣收私鹽從中影射以滿包出以空包入一紙印花千百次轉運無窮侵引損稅莫可究詰就蘇五屬情形而論流弊將不可勝言惟案經鈞署核准蘇五屬商人所請不令通銷自難照准所請嚴加取締似尙不爲無見擬請量予限制凡久大精鹽運銷蘇五屬通商口岸祇准在租界售賣食用不准運入內地如運入內地即以私論運副爲杜漸防微起見是否有當理合呈請鈞署鑒核示

遵謹呈

指令兩浙運使浙境各口岸引商既無願銷精鹽情事候飭長蘆運使轉行該公司照章辦理文
年五

十月十七日指令
第六百三十六號

呈悉查此案前據蘇五屬鹽商公會以代銷精鹽有妨稅收等情稟經松江運副具呈到署當以所慮各節多屬誤會即經指令轉飭該商等仍遵前飭逕與該公司接洽商訂在案現在限期既屆復據該公會呈稱不願代銷其餘杭縣溫甯各口岸亦無呈請代銷情事所有該屬轄境各口岸行銷精鹽一事應即由久大精鹽公司遵照本署前定運銷繳稅辦法第三條之規定辦理除飭長蘆運使轉行遵照外仰即知照並轉行松江運副一體知照可也此令

附兩浙運使原呈

呈為通商口岸引商未願承銷精鹽遵限具復仰祈鑒核示遵事本年八月一日案奉鈞署第八百五十一號飭開(原文見前)到司奉此遵即分飭杭縣甯屬蘇屬引商暨溫處督銷總局遵照去後據蘇五屬鹽商公會稱遵即函邀引商來滬集議據稱久大司行銷精鹽指定通商口岸為限專供西人食用藉以抵制外貨所見未嘗不遠惟查吳縣乃係兩地雖係商口岸但租界狹窄商務未見繁盛僑寓西人寥若晨星上海租界範圍較廣據工部局報告西商旅居者男婦大小約近萬人商等

有鑒於此曾由上南經引商發起會同浙西總商沈謙吉等於前清光緒三十二年稟准在滬北潭子港地方集資建廠開設華興煉鹽工廠當時援照上南極重稅則繳納滷稅製成之鹽係用瓶裝每瓶兩磅售洋兩角細白潔淨無異洋鹽而美味過之初以爲抵制洋鹽在此一舉詎料發售數年銷數極微迄今十餘年鹽廠早閉而存積尙多求銷無術今該公司所製精鹽如果專供西人食用則銷數之微無待著蔡所有碍難代銷情形不得不據實陳明等情其餘杭縣及甯溫各處亦無有具文呈請代銷之事惟限期已屆自應遵照辦理理合具文呈復仰乞鈞署鑒核示遵謹呈

指令雲南運使久大公司運滇精鹽應准緩議推行文

五年十一月二十四日指令
第一千五百二十二號

呈悉所有久大公司運滇精鹽應即准如所擬緩議推行仰即知照此令

雲南運使原呈

署理雲南鹽運使呈爲蜜呈滇鹽供過於取外私尙須嚴禁碍難代銷精鹽懇祈查核事案奉鈞署八百五十一號飭開(原文見前)等因奉此查滇省鹽務向係灶煎官賣除西南邊岸因有外域私鹽之關係另訂特別辦法外其餘行銷內地之鹽皆就場現征稅薪工本任聽商民繳款領鹽自由運銷與他省設有商岸者不同緣滇省素無引商口岸對於此項精鹽既無憑轉令承銷且此各大井場要皆滷礦充足不患產製之不多特患消納之無地故各井之鹽常有存餘時形供過於求與他省之產不

數銷者適又成爲反比例至於本省通商口岸僅只蒙自思茅騰越等關而此數處皆地接越緬對於外來海鹽向主照約嚴禁今此項精鹽若來滇代銷勢必假道於越緬兩境誠恐外界影射假借將由此啓外私入關之漸是則利猶未見而弊已先伏此又滇省通商口岸不適行銷此項精鹽之特別原因也如上述關於滇省運銷產製外交各事實對於此項天津製銷之精鹽實有碍難代爲承銷之理由奉飭前因理合據實呈覆請祈鈞署俯賜查核將本案辦法于滇省緩議推行以免兩有窒碍實爲公便仍祈指令示遵謹呈

訓令長蘆運使兩浙轄境各口岸行銷精鹽應照本署前定章程辦理文 五年十月十七日訓令第四百二號

據兩浙運使呈稱奉飭轉諭轄境各口岸引商訂銷久大公司精鹽一案飭據蘇五屬鹽商公會呈復不願代銷其餘各處亦無呈請代銷情事惟限期已屆自應遵照辦理等情據此查此案前據蘇五屬鹽商公會以代銷精鹽有妨稅收等情稟經松江運副具呈到署當以所慮各節多屬誤會即經指令轉飭該商等仍遵前飭逕與該公司接洽商訂在案現在限期既屆復據該公會呈稱不願代銷其餘杭縣溫甯各口岸亦無呈請代銷情事所有該屬轄境各口岸行銷精鹽一事應即由久大精鹽公司查照本署前定運銷繳稅辦法第三條之規定辦理除指令遵照外合行令飭該運使轉飭久大公司遵照辦理可也此令

指令長蘆運使久大公司精鹽行銷如逾範圍即以私論文
五年十一月十四日指令
第九百五十一號

呈悉查本署前定久大公司精鹽運銷繳稅章程第一條精鹽行銷地方本以通商口岸爲限自不能任其侵入內地致碍常銷應即由該運使遵照原章所定暫飭緝私營隨時查察如該項精鹽行銷不守法定範圍即以私論俾免滋生流弊並仰轉飭知照此令

長蘆運使原呈

呈爲精鹽行銷定章以通商口岸爲限惟恐代售之商或踰範圍亟宜預籌防維據情呈請鑒核示遵事竊據長蘆通綱商人桐興義豫蘆綱公運永七商人東盛長汝光商人豫豐厚等呈稱呈爲精鹽行銷定章以通商口岸爲限惟恐代售之商或踰範圍亟宜預籌防維請示遵辦事竊久大精鹽公司修正章程奉鹽務署核准第一條精鹽行銷地方以通商口岸爲限查直隸通商口岸則止天津一處其他蘆綱行銷各岸不屬通商口岸者當然不在銷售精鹽之列在該公司訂有專章自應恪守地點範圍絕不妨碍各岸額銷特恐委託代售之商偶有希圖射利不顧公司規章私行運銷於內地各岸者將於各岸銷額隱有侵佔各岸引商均定有每年運銷額數責任所在不能不先事防維設若內地各岸見有販賣此項精鹽之處應如何辦理亟宜預籌理合呈請鈞示祇遵實爲公便等情據此伏查鈞署核准精鹽行銷章程第一條精鹽行銷以通商口岸爲限直隸通商口岸僅止天津一處其他各岸

自不在售銷精鹽之列該商等所稟或有代售商人破壞規章亦爲防弊起見自應明訂懲罰以資遵守所有精鹽行銷定章以通商口岸爲限倘有代售之商或踰範圍應如何預籌防維各緣由理合據情呈請鑒核指令遵行謹呈

訓令兩淮運使湘商清吉昌等擬組精鹽公司應准擬章呈核文

五年十一月十四日訓令
第四百九十九號

據淮南四岸運商清吉昌等電以淮鹽引地商等世業所在擬公籌資本購機設廠製練精鹽專銷四岸通商口岸懇飭久大公司不得以所製精鹽運至湘鄂西皖境內等情據此查製造精鹽事關改良鹽業本署無不力予提倡該商等果欲就地設廠仿照提鍊自可准行所有辦理情形應即妥擬章程呈候核奪至所請禁止久大精鹽不准運往四岸之通商口岸一層無非爲妨其侵入引地起見應飭久大公司恪守鹽署規定章程辦理不得逾越通商口岸以外合行令飭該運使即便轉飭遵照可也原電抄發此令

淮南四岸運商清吉昌等原電

鹽務署鈞鑒前奉飭行久大公司精鹽行銷通商口岸章程商等詳加猜索該公司以抵制外貨爲題意在侵人引地奪人銷場蓄謀深遠當經直揭其隱公稟運司轉詳商清吉昌等嗣又逕稟鈞署諒邀省覽迄未奉示正切旁皇近者忽聞該公司代表景學鈞已至鄂湘多方招攬覓人代銷曷勝駭異伏

思鹽務非法不行不但商人恃法爲保障卽政府稅率雖重而銷數不致大細者亦賴有此法耳今以票鹽之口岸淮鹽之引地而輒任該公司之鹽自由行銷成法何存貽害匪淺若謂行銷僅及通商口岸將爲抵制洋鹽無非欺人之語微論湘鄂西皖境內之通商口岸外人居留有限從無洋鹽盛行之說何勞抵制商等昨詣該公司所印說明書其中語氣純係與中國食鹽爭銷命意所在不待智者而後知矣商等世業所在引界所關杜漸防微斷不容該公司借詞破壞持空言拒絕該公司猶不免有所藉口鈞署或亦以其名義近似禁阻爲難商等唇齒相依休戚與共現已一再會議擬即公籌資本購機設廠制煉各種精鹽專銷四岸引地以內之通商口岸於抵制洋鹽之中兼厲保固藩籬之意必更爲鈞署所樂許一切章程悉照久大稟准之案辦理除俟奉批卽行趕辦外用特聯名電陳敬祈迅賜訓示並懇速飭久大公司遵照不得以所製精鹽運至湘鄂西皖境內以保准釐免素票法不勝迫切待命之至淮南湘鄂西皖四岸運商清吉昌等通泰場商公恆茂等濟南場商大德等食岸商人公寶豐等公叩麻

咨稅務處轉行各關嗣後遇有精鹽應隨時查照放行以免阻滯文 五年十一月二十三日

爲咨行事據久大精鹽公司呈爲常關無故扣留精鹽懇轉飭隨時驗放以符定案而利運輸等情查此項精鹽業在產地完稅各海關常關均應查照放行前已檢送印花運照式樣咨請轉行各關暨各稅務

司並由部選飭各關監督一體遵照在案茲據該公司呈稱前情相應抄呈咨請貴處再行轉飭該監督等嗣後遇有精鹽仍照部定辦法隨時查驗放行以免阻碍此咨

久大精鹽公司總董景學鈐原呈

為常關無故扣留精鹽懇轉飭隨時驗放以符定案而利運輸事竊敝公司精鹽運銷各通商口岸皆係業經完足課稅疊次起運均遵鹽務署定章於箱外粘貼印花並向長蘆鹽運使請領加戳運照填明箱數以資沿途查驗乃由塘沽本廠運至天津銷售之鹽每次運經陳塘莊鈔關分卡輒被留難前月曾因該卡扣留精鹽十五箱至兩日一夜之久即將情形呈請長蘆鹽運使轉咨津海關監督轉飭各關卡遵章放行業於本月三日奉運署四二二指令內開據情轉咨在案不料十三日敝公司用精字第四號運照運送精鹽十三箱來津至陳塘莊地方又被該分卡截留不放據理與爭堅稱必將運照送至常關簽字不能放行當時因津店待銷孔亟不得已姑從其說辦理暫濟津銷然已歷兩日之久矣伏念查緝鹽斤向不屬鈔關管理如蘆鹽運銷各內地所過鈔關並未見有干涉盤查等事乃明証也即敝公司精鹽之運銷各通商口岸者報運時雖須由海關驗放然前奉長蘆鹽運使奉轉飭知之稅務處咨復文內亦聲明各海關俟其報運時按照所發運照印花式樣及數目地點日期驗明照章放行是無論經過何種關卡祇須驗明上列五項毫無錯誤即當遵章放行斷不能故意留難致稽

銷運今該分卡兩次皆扣留至二日以上又復增添簽字一層明明與定章不符且回津簽字往返必須兩日又須另加印花稅加以各處華洋商人向敝公司定貨皆有一定時刻稍一稽延皆須議罰若常此以往敝公司則受虧實甚爲此備文呈懇鈞部迅飭津海關監督轉飭各分卡一律遵照定章辦理遇有精鹽運過立即依法放行更有進者津關如此其他各處常關將來亦難免不有此種事實發生仰祈鈞部再將前定運銷章程及運照印花等通飭各處常關各分卡一律遵照辦理俾免再有阻碍實爲公便謹呈

訓令津海關監督嗣後遇有精鹽應照部定辦法隨時查照放行文

五年十一月二十三日訓令第五百二十二號

據久大精鹽公司呈爲常關無故扣留精鹽懇轉飭隨時驗放以符定案而利運輸等情查此項精鹽業在產地完稅各海關常關均應查照放行前已檢同印花運照式樣咨請稅務處轉飭各關並由部逕飭該關監督遵照在案茲據該公司呈稱前情除再申明定章咨由稅務處轉行各關監督遵照外合行令仰該關監督迅即轉飭所屬常關各分卡嗣後遇有精鹽仍遵部定辦法隨時查照放行不得留難稽延爲要原呈抄發此令

久大精鹽公司總董景學鈐原呈見前

訓令長蘆運使核定久大公司運銷磚鹽納稅辦法文 五年十月五日訓令第三百五十七號

前據久大精鹽公司稟送磚鹽請咨行陸軍外交等部轉知訂購等情業經分別咨准核復令知遵照在案茲查此項磚鹽與精鹽製品大致相同其一切運售手續自可仿照本署前定之精鹽運銷繳稅章程辦理惟前項章程關於稅款一層除自行設店各處由該公司完全認繳外其餘各岸訂購之人即係代銷之商故行銷四岸之鹽由商交局代售其應補稅款亦即由局扣收今此項軍用磚鹽訂購出自用戶若赴岸扣稅一層仍照章辦理必多困難茲經本署核定嗣後凡軍事機關或外洋來華遊歷人員如需訂購此項鹽斤者無論運往何處其有應補銷地稅款者應由該公司在長蘆一道繳足方得交鹽與訂購之人照章起運關於運鹽應用之印花執照及粘貼繳驗手續仍由該訂購之人查照前項章程辦理不得違誤除咨明陸軍部外合行令飭該運使轉飭該公司遵照此令

訓令官硝廠准陸軍部咨明辦理商人馬警五運硝一案轉行知照文

五年十月二十六日訓令第四百二十九號

准陸軍部咨開據東海關監督呈據本關稅務司聲稱商人馬警五等在煙台常關報運進口土硝七千斤持有濟南官硝分廠發票應否驗放請查明核辦當經監督以數目太多應行扣留查明辦理旋據馬警五等具稟聲明並非私販並准山東官硝分廠來函證明該商購用此項硝斤之用途及斤兩數目等情請查照前來查土硝雖可製造工藝之用然關於軍火本關非奉鈞部及省長護照不能驗放此案馬警五等在濟南官硝分廠購硝至七千斤之多雖據官硝分廠來函證明係供花爆銀爐香店之用然非

該商個人自用所必需是該商之販運全在謀一己之私利事關軍火當此內地不靖未便聽商人隨意販運但既係在官硝分廠所購尙與私販有間可否從寬驗放發交商會存儲由商會分批給與馬警五領回售與製造工藝各家應用每批以十五斤爲限售完再給並飭警察廳監視售賣以杜濟匪之弊此後海常兩關凡無護照之硝無論多寡一律充公不再發還至濟南官硝分廠於並非製造工藝之人一票售至七千斤之多亦未免太濫應由山東省長加以限制以昭慎重呈請查核指令遵行等情到部除將此次准予從寬照辦以恤商情此後無照之硝經關查出一律充公以免冒混而昭慎重等因指令遵行外相應咨請查照轉令官硝總分各廠此後如有商人運硝經過海常各關時必須由商人稟請該省督軍或省長先行咨部核准轉咨令放行填發護照否則由關查出一律充公等因前來查部署核定該廠發售官硝施行細則第七條內載明其他之購用大批常硝者無論到總廠或分廠購買除照章陳明用途運地及征足規定價額外並須備有陸軍部認可之護照方許領運等語此次該商人馬警五等購運之硝並未領有護照辦理殊屬不合嗣後關於大批官硝之發售概應照章請領護照其零售硝斤亦應格外慎重不得濫售即由該廠長轉行該分廠切實遵照此令

指令官硝總廠核准酌加售硝價目文

五年十月二十八日
指令第八百零七號

據呈收硝成本較鉅各外縣銀洋跌價於該廠營業損失匪細擬請嗣後售硝暫定爲整售每百斤原售

十二元現加價銀一元計應售十三元零售每百斤原售十三元二角現加價銀一元計應售十四元二角先就直隸一省試辦等語所陳自係實情應准照辦至山東分廠收售官硝情形仰即查明厘訂後呈報備核可也此令

附官硝總廠廠長原呈

呈為擬請售硝酌為加價以裨營業仰祈鈞鑒事竊本廠成立以來概按前北洋官硝局舊章辦理收售硝勛亦經酌定價值詳奉鈞署批准在案現查本廠自四年七月成立至本年六月分止全年收硝計共八十六萬有奇比較前北洋官硝局成案有盈無絀煉硝逐漸改良銷路亦日見暢旺幾有供給不及之勢故於本年四月間詳請鈞署將收硝酌量加價俾得增多收數蒙鈞署批准在案試行以來不無成效惟收硝加價成本較鉅再加以近來外縣銀洋跌價本廠營業攸關損失匪細查自歐戰影響洋硝進口日少官硝日暢即便稍為加價亦不至有妨銷數迭經廠長一再籌商尙無滯碍擬請嗣後售硝暫定為整售每百斤原售十二元現擬加價銀一元計應售十三元零售每百斤原售十三元二角現擬加價銀一元計應售十四元二角仍當督飭各局員經理隨時查考地方商民情形酌量試辦是否有當伏候鈞裁如蒙批准擬先就直隸一省試辦至山東分廠收售各項價值亦須逐厘訂現已令行該分廠長查明該省情形具報一俟呈報再為轉呈所有擬請售硝加價緣由理合呈請鑒

核施行實爲公便再查 本廠遇有外省大批購運者其價值均係隨時商定呈報與尋常售硝稍有出入前與德縣兵工廠暨華蔭號等處訂有售硝合同均經詳報在案現雖售硝加價仍應履行舊約合併陳明謹呈

指令官硝總廠核准試辦酌加山東各局處收硝售硝價值文

五年十一月二十八日指
令第一千零七十一號

據呈報山東分廠呈請變通收硝售硝價值擬具辦法據情轉請鑒核等情查所擬酌加各局處收硝售硝價值各辦法尙屬妥協應即准如所擬暫行試辦仰即轉知遵照此令

附官硝總廠廠長原呈

呈爲山東官硝分廠呈請變通收硝售硝價值擬具辦法據情轉懇核示事竊查山東官硝分廠自成立以來所有收硝售硝價值均經 廠長 飭行該分廠長將以前調查所得情形估計營業費用總以出少入多爲主酌量辦理並將該分廠所送調查表冊詳報鈞署在案茲據該分廠長林朝宗呈稱竊分廠開辦以來已將一載各局處收數未能達於暢旺雖竭力督催而硝戶應募仍屬寥寥推厥原因實緣定價過小人民不敷工食情願停業歷據各局處呈請加價分廠長以定章所在未便率予改更現在接度情勢實有不能不量爲變通者請爲廠長縷晰陳之查分廠收硝價值根據前華興公司該公司平時收買硝助於繳硝多數者復酌加五文或十文之獎勵金商辦性質原可任意低昂自各局處

設立之初秤兩遵照規定收價亦係額定復不免因以前價值過昂奉飭有略予核減之處由是硝戶均未能踴躍領照且糧食柴薪較前昂貴僉謂無利可圖難顧生活近來東省寔業漸次發達勞動界之生計又隨地方情形爲變遷強壯者往往改操他業所仍前煎熬者大都貧苦而艱於謀生之人如是而期硝務發達有非僅恃催督所能爲力者此各局處之普通情形也至曹縣一局尤爲產硝大宗惟與河南接壤交界之村鎮如劉家口崔樓潘口閻集孫付集楊壩褚帽店劉通集考城縣等九處皆設立硝局吸收曹境私硝始則加價招徠近且各局抬價競買現已增至銅元十二枚利之所在人民爭趨分廠長因其地屬河南不便越境干涉雖飭局員竭力堵截而地面遼闊巡役無幾防範亦有難周欲圖挽救計無從出若城武單縣魚台鉅野聊城等處則均以價小不能獲利爲辭情願繳照停熬惟高苑局及博興分處產硝成色較各縣爲高收價亦向來較大今較前減少均減至銅元十枚不免紛紛停業此各局處之分別情形也分廠長再四籌思該局處所陳各節尙屬實情似非量予變通恐收數難期暢旺雖據呈請增加或擬銅元二三枚及一二枚不等惟成本攸關不能不覈實妥議茲擬曹縣收硝局及城武單縣魚台鉅野聊城等收硝分處因原價低廉均酌加硝價銅元二枚高苑收硝局暨博興收硝分處因原價較鉅酌加硝價銅元一枚半皆係按照實在情形分別切實擬訂至發售價值亦應量爲增益以資招注又查東省硝斤銷路以登萊青一帶爲最曹縣城武單縣魚台鉅野聊

城等處皆偏在西南無論售自分廠或自各局均屬路程寫遠運費浩繁嗣後售確擬請按照規定價值每百斤酌加銀元一元高苑博興所產之硝成色較高運輸便利商人樂購擬請按照規定價值每百斤酌加銀元二元其拆包零售之價則於加價之外仍每百斤加銀元一元五角濰縣售確分處現尙未設將來售價俟酌度情形請示核辦如此通融辦理於收數固期暢達於成本亦可顧全仍由分廠通令各局員經理員等認真查催嚴杜走漏硝務前途當有起色所有籌擬變通收確售價價值辦法是否有當伏候察核示遵等情前來廠長查總廠所屬直隸一省各局處今年因收數不旺擬請酌加收價經詳奉批准遵行前月擬加售價復奉指令照准該分廠事同一律收數不旺自應亟圖進行銷售辦法亦當重加釐定惟逐加審核該分廠長所擬將曹縣一局及城武單縣魚台鉅野聊城等分處收價酌加銅元二枚一層查報載各該局處收價曹縣城武單縣魚台聊城各處原係津錢一百二十文鉅野一處原係津錢一百文若概加銅元二枚則將以銅元爲定位曹縣城武單縣魚台聊城等局處已合成銅元八枚鉅野一處合成銅元七枚其高苑一局博興一分處所擬酌加銅元一枚半一層查報載高苑博興各原係津錢二百文據稱已改爲銅元十枚再各加一枚半則亦以銅元爲定位合成銅元十一枚半參差不一又較總廠各局處收價爲鉅且統以銅元二枚一枚半相計未免考核不精然因地變通亦屬權宜辦法廠長擬准仍由該分廠長斟酌各局處情形凡計津錢者仍計津錢

不必額用銅元曹縣城武單縣魚台聊城等局處以津錢一百六十文爲主高苑一局博興一處以津錢二百三十文爲主若鉅野之價獨爲一百文者加成津錢一百四十文逐細審其出入以求實在至所請將售確價值因成色高下略爲變更之處廠長擬准其於曹縣城武單縣魚台鉅野聊城等局處之確照本廠現加售價整售每百斤十三元之規定再加一元合爲十四元高苑博興等局處之確則整售每百斤加成十六元零售仍各照加一元五角悉由該分廠長因宜應付審慎辦理是否可行祇乞示遵所有山東官確分廠呈請變通收確售確價值擬具辦法緣由理合據情呈請鑒核指令施行實爲公便謹呈

鹽政彙覽第一編

單行規程 東三省一

指令東三省運使奉天鹽稅折收錢幣辦法文 五年九月二十一日指令第四百二十五號

據呈已悉查此案現據奉天分所擬定每大洋一元按小洋一元三角折合准收鈔票詳經總所核准電知矣至鹽稅本應繳納大洋因奉省習慣通用小洋是以准其折合嗣後商人倘以現大洋繳稅自應一體照收併仰遵照辦理此令

東三省運使原呈

呈爲陳明鹽稅改收現款後情形可否仍准收納鈔票請示事竊於上月十四日奉鈞署電開該區鹽稅應自本月十五日起概收現款等因奉此遵即公佈實行在案惟一月以來默察情形市面金融已漸恢復商民頗多困難銷數又受影響勢不得不略予變通敬將原因爲鈞署詳晰陳之查鹽稅稅率照章每擔徵收大洋二元徒以奉省市面習慣通用小洋及中交兩官銀號小洋鈔票缺少大洋是以民國三年間呈准鈞署仍照習慣一律徵收小洋假定一二五折合數年以來現票兼收以小洋兌換大洋終年市價平均在一元二角二三分左右鮮有超過一元二角五分者而鹽稅不問市價之如何均照一二五收入商民實已隱受多繳之負擔本年五月間突受停兌風潮本省小洋鈔票與現小洋

每百元竟驟跌至六七元之多於是鹽款收入有鈔票而無現洋以之撥解銀行團誠多折耗自奉鈞署改收現洋之令未及旬日鈔票漸已恢復原狀近今市價比較現洋每百元不過略低一元數角所耗無幾因思鹽稅稅率本規定爲大洋今以小洋鈔票兌換大洋尙不及一二五之折價是照一二五核收實已有盈無絀似未便再行拒絕鈔票不予收納致失公允其在商民方面則更多困難者各銀行不能有充分之兌現而省令禁止市面不准以鈔票買賣現洋並嚴禁甲縣之現洋運至乙縣違則重罰兼以地方不靖攜帶爲難綜此數因迭據各鹽商及奉商務總會稟呈前來確屬實在情形况現秋銷最旺關係緊要計八月十五日收現之日起至九月十四日止營口區征收營盤兩場稅款照銷鹽額應銷鹽九萬担現僅銷鹽三萬五千餘擔未始非受收現之影響其餘各場雖未據報確數大致不易足額若長此不變則將來銷數必形短絀反於國家收入損失本使有督徵疏銷之責考成所在未敢緘默可否仰懇鈞署俯賜飭商總所取銷前令仍按一二五折合准收鈔票以期便利如果將來小洋鈔票折合大洋超過一二五以上者再由本使會商分所隨時加高折價另行呈明辦理除函達分所轉報總所外所有陳明鹽稅改收現款後一切情形擬請仍准收納鈔票各緣由理合呈請鈞署查核迅予電令祇遵再奉省金融現將改爲使用大洋區域倘商人每擔繳納鹽稅現大洋二元應否收納並祈核示謹再陳明謹呈

訓令東三省運使分所派駐營口安東等處驗放員改爲稽查員駐場查驗員改爲驗放員文

五月
十月

第十七日訓令
第四百號

據稽核總所文稱奉天所屬營口安東等處前經核定由分所派員駐于該處製驗局內辦理檢收放鹽准單並註銷運照等事又將該員職務切實規定先後函飭分所並付知在案惟查此項人員原名爲驗放員應改爲稽查員所有職務仍應照舊辦理至各處駐場查驗員可改爲驗放員除函飭分所外請查核轉飭前來合將總所致分所原函隨文抄發即仰該運使遵照本八月間第八百七十五號飭文及九月間第三百三十九號指令辦理此令

附總所致奉天分所原函

逕啓者關於由貴分所派員一人駐于運使所屬之營口暨安東兩製局以便檢收放鹽准單並註銷運照一節業經總所民國五年五月十日第六百二十六號函令知遵照而關於此項人員之職務又經總所五年九月二十五日第七百二十六號函切實規定各在案前奉總會辦諭令知嗣後此項人員之名稱應由驗放員改爲稽查員惟各該人員之事務暨職權不得因更改名稱而受影響查放鹽員之名稱乃專指在場監視秤放鹽斤各員而言此項人員之漢文名稱應由查驗員改爲驗放員所有場秤放鹽斤之人員連同各場務員暨鹽巡實爲產鹽各屬防堵走私之保障現據所知充斥于奉

天市面之大宗私鹽及馬經理附于貴經協理民國五年九月二日第九百四十一號函之報告所陳關於雙台子鹽巡就近緝獲私鹽之案則知上開各局均未認真辦事也貴經協理應通令所有派駐各場之放鹽員將各該員等職務重要之處切實聲明並令彼等于查有走私情事時無論曾否實行緝獲均應即行呈報貴分所查核此致

訓令吉黑權運局核准在滬繳稅應以墨洋交付中行文 五年十一月十八日訓令第五百十號

總務處案呈民國五年十一月十五日准稽核總所漢文股股長付開據吉黑稽核員電稱鹽稅匯滬是否交中國銀洋抑墨西哥鷹洋乞速電示遵等情查前經本所電知奉天分所如吉黑權運局以墨洋在滬繳稅可准照辦並於本年十月二十七日第二千六百三十八號付請轉飭在案茲據前情查在滬繳稅應以墨洋交付中國銀行除電飭該稽核員外相應將電稿抄付查照轉陳查核飭遵等情到署合亟抄錄電稿訓令該局長遵照此令

附稽核總所付文

稽核總所漢文股股長爲付知事據吉黑稽核員電稱鹽稅匯滬是否交中國銀洋抑墨西哥鷹洋乞速電示遵等情查前經本所電知奉天分所如吉黑權運局以墨洋在滬繳稅可准照辦並於本年十月二十七日第二千六百三十八號付請轉飭在案茲據前情查在滬繳稅應以墨洋交付中國銀行

鹽政彙覽第一編

單行規程 山東一

訓令山東運使核定各支所驗放員司秤員書記等及各場署灘務書記等旅費章程文
五月二十三日

日訓令第五
百二十五號

總務處案呈民國五年十一月十七日准稽核總所漢文股股長付開據山東分所詳擬各支所驗放員
司秤員書記及各場署灘務員書記等旅費章程四條(甲)凡陸路旅行本區內(如官岡濤維及東岸等
區)每日旅費一元(乙)凡陸路旅行出本區以外者(如由濤維赴官岡之類)每日旅費二元(丙)凡旅行
時有舟車票價等用准於規定之旅費外實報實銷(丁)凡旅行乘公家船隻每日旅費一元等情請示前
來查所擬甲乙丁三條應按通融辦法核准施行除函飭該分所並飭海州分所查照外相應將各該函
稿抄付查照轉陳查核飭遵等情到署合行令仰該運使遵照此令

附稽核總所付文

稽核總所漢文股股長爲付知事據山東分所詳擬各支所驗放員司秤員書記等及各場署灘務員
書記等旅費章程四條(甲)凡陸路旅行本區內(如官岡濤維及東岸等區)每日旅費一元(乙)凡陸路
旅行出本區以外者(如由濤維赴官岡之類)每日旅費二元(丙)凡旅行時有用舟車票價等用准於

鹽 正 頁 五
規定之旅費外實報實銷(丁)凡旅行乘公家船隻每日旅費一元等情請示前來查所擬甲乙丁三條應按通融辦法核准施行除函飭該分所并飭海州分所查照外相應將各該函稿抄付貴處查照轉陳督辦署長查核分別飭遵可也此付

訓令山東運使核定徵收濤維鹽稅暨設局派員辦法文 五年十一月三十日訓令
第五百五十一號

場產廳案呈准稽核總所漢文股股長付稱據山東分所呈送關於濤維場食鹽漁鹽暨豬鹽收稅辦法查濤維各場春運食鹽豬鹽應由民國五年十二月一日起每担實行徵稅四角漁鹽每担徵稅二角於未將存放鹽斤辦法酌定以前所有鹽斤均應由現在存放各處掣放又擬添設驗放局四處應予照准惟每月每局經費不得超過八十元將來仍須將所定實在辦法暨實支經費呈核又各售票處應准購置木櫃五具該款不得超過五十元濤維收稅局擬請添派司帳員一人月薪四十元錄事一人月薪二十元均可照准又所請於冬季內暫由羊角溝調派驗放員或監秤員前往濤維一節亦可照准該員人數不得多過四人漁船所繳釐金應俟漁鹽每担實行徵收二角後設法豁免所擬食鹽暨醃豬鹽收稅單及運照均可照准所送運使之通告可即照辦除函飭分所外抄稿付請轉陳查核前來查所擬徵收濤維食鹽漁鹽稅則暨規定設局經費各辦法均尙妥洽應即照准除通告文件該運署已經有案毋庸抄發外合行照錄總分所往來函件令仰該運使遵照可也此令

附稽核總所致山東分所原函

逕復者據民國五年九月二十九日第一百九十六號函稱等情茲奉總會辦諭令知如下 (二)由濤
碓各場春運之食鹽暨醃豬之鹽應由民國五年十二月一日起每担實行徵稅四角漁鹽每担徵稅
二角 (三)於未將嗣後存放鹽斤爲何辦法之問題完全酌定以前所有鹽斤均應由現在存放之各
處掣放 (四)添設驗放局四處業已核查惟每月每局之經費不得超過八十元之額將來仍須將所
定之實在辦法暨實支之經費呈報前來以便再行批示 (五)所請爲各售票處購置木櫃五具之款
亦已核准惟該款不得超過五十元之額 (六)濤碓收稅局所請添派司帳員一人月薪四十元錄事
一人月薪二十元一節亦已核准 (七)所請於冬季內暫由羊角溝調派驗放員或監秤員前往濤碓
一節可以照辦惟該員等之人數不得多過四人 (八)漁船所繳釐金俟漁鹽每担實行徵稅二角後
設法豁免一等亦已照准 (九)所擬食鹽暨醃豬鹽之收稅單及運照亦已核准印用 (十)所呈送運
使之通諭總會辦亦已照准 (十一)鹽務署現正照此令知運使遵照矣此復

山東稽核分所原函

敬肅者前奉鈞所八月十九日第四百十一號函開擬定山東之濤碓場及淮北之贛榆場收稅新章
飭及早實行等因奉此本分所茲接到洋助理員畢祿爵調查濤碓場情形報告書謹爲轉呈鑒閱並

將本分所對於濤維鹽務有所陳述及請加經費各節謹臚舉如下 (一)濤維修訂稅率開徵辦法運使對於濤維實行新章已印就告示三種不日分發各縣張貼今將此項示文抄呈察閱備案(甲)濤維場漁船註冊及春運漁鹽每司碼秤一担款稅大洋二角均自民國五年十二月一日實行(乙)山東之臨沂郯城費縣沂水四屬運銷濤維贛榆兩場鹽斤每司碼秤一担徵稅一元二角五分業已招商開辦(丙)山東之日照莒縣二屬運銷濤維或贛榆場食鹽及醃猪鹽每司馬秤一担徵稅大洋四角自民國五年十二月一日實行刻因出示通告及布置一切徵稅手續尚須時日故濤維徵收運銷本地之食鹽及魚鹽新稅率應請自本年十二月一日起實行屆時贛榆場對於施行新章當可進行有效矣查畢助理員報告書第一頁(贛榆場)內載濤維施行新章有效與否端視贛榆場管理之寬嚴以爲斷此言的是確論其中尤以商辦臨郯等四屬關係最爲密切但目下贛榆管理辦法雖未周備而濤維應行之四角本地食鹽稅率及二角魚鹽稅率不妨先期實行蓋一方面有切實之辦法頗足以促彼方面之進行也 (二)收稅准單式樣今擬定濤維場運銷本地食鹽及醃猪鹽准單一種(請查閱鈞所八月十九日第四百十一號函)除寄淮北分所查照外謹將式樣寄呈察閱備案商辦一元二角五分稅率各屬仍發給尋常放鹽准單特赴濤維或贛榆場均可運鹽至魚鹽准單式樣本分所已於九月二十三日第一百九十號函寄呈鑒閱矣 (三)設立掣驗局兩處查八月十九日第四百十一

號鈞函第五節內開濶維區域內應設立掣驗局兩處本分所業已函詢運使關於(甲)應掣驗局之地點(乙)該局等每月經費應如何撥匯(丙)如有緝獲私鹽應如何處理請擬具章程各節在案今尙未准答復 (四)濶維放鹽及存鹽辦法查畢助理員報告書內第一頁至第四頁詳載濶維管理存鹽頗爲困難並謂產額並無相當之加增而存鹽地點竟自二十四處增至四十處之多場署人員對此亦未嘗有取締辦法查該場鹽灘沿長至二十英里其中尙有間斷故畢助理員報告書內第四頁所載應將存鹽地點減爲十處一層恐驟難辦到該場鹽灘大半合股開晒組織甚爲複雜所以畢助理員條陳存鹽聚散爲整辦法頗難實行惟目下僅可指定若干坨垣爲放鹽之一定地點觀其成效以決後圖所有修築鹽坨十處應需費用若干本分所刻正調查俟得有切實估計再行呈報核辦 (五)請給各驗放處辦公費查閱畢助理員報告內地圖可知濶維全場略分爲南北中總四區其報告內第五六兩頁述各驗放處可增加辦公費即作爲發給運鹽准單之處本分所業與該助理員討論各該驗放處辦公費擬請自十一月一日起月支最多不得過八十元至四月分減去煤炭費二十八元月支不得過五十二元茲擬定分配辦法列表如左並乞總會辦批示祇遵

濤維場各驗放處(即給發准單處)地點及月支辦公費表

區域	驗放處地點	驗放人員			請給辦公費				
		高級月薪六十元	尋常月薪四十元	司秤員月薪二十元	房租	油水文具等費	五個月煤炭費	旅費	共
北區	董家灘 林家灘	一人			三元	四元	五元	四元	二十六元
中區	張家厥頭		一人	一人	四元	五元	五元	四元	十八元
總區	濤維鎮		一人	一人	三元		三元	十元	二十六元
南區	營子			一人	十四元		三元	二元	十八元
共計		一人	二人	三人	十四元	十四元	八元	四元	八十元

註(甲)高級驗放員須間日輪流巡查該兩處灘池並須負管理駐在林家灘司秤員之責(乙)營子須

間日設櫃售票由濤維鎮派員辦理所有營子之油水等費可由已核准之濤維支所五十五元

公費內開支不必另給(丙)所有驗放員三人司秤員三人均經奉鈞所批准委用在案(丁)上列請

給費用數日均係預計最多之數且此項公費須有確實單據方可支給

(六)各售票處須購備木櫃各灘垣售票處均有銀錢准單等重要物件應妥為存儲今擬購備暗鎖木

櫃五具計價至多不得過五十元 (七)請添派濤維支所職員查該支所現有支所長一人月薪一百

元文牘一人月薪四十元書記一人月薪二十元茲因實行收稅新章公事較忙應請添派司帳員一人月薪四十元書記一人月薪二十元自十一月一日起支 (八)濤維驗放員擬暫由羊角溝調派冬季驗放事宜在羊角溝甚閒而在濤維甚忙今冬如濤維須添加驗放人員擬請暫由羊角溝調派驗放員或司秤員三四人赴濤襄助所用旅費准其實報實銷 (九)警舍及驗放處房屋之支配濤維鹽警擬照畢助理員報告書第五頁表內所列辦法分配惟人數則暫時不必增加將來各該處擬照羊角溝辦法建築警舍及驗放處房屋以資長川辦公所需費用容另函呈報核辦 (十)取締漁船繳納厘金舊規查畢助理員報告書內第七頁載濤維漁船仍繳納少數之厘金本分所刻正設法豁免 (十一)信陽場鍋灶課及濤維灘地稅查畢助理員報告書內第七頁所載各節與鈞所本年六月二十二日第三百九十號函飭查山東雜稅情形頗有關係日後當一併呈報察核 (十二)知會運使及淮北分所此函即當抄錄原稿知會淮北分所及山東鹽運使現運使雖因公離濟而其對於上述各節當可表同意也以上各節務乞總會辦鑒核迅賜批准祇遵是為至禱肅泐敬頌公祺

鹽政彙覽第一編

單行規程 河東一

指令河東運使核准豫岸車運運單辦法文 五年七月二十五日指令第八百五十三號

前據饒前運使詳擬豫岸行鹽車運運單辦法當經行商總所核議並批行知照在案茲據復稱該運使所擬車運運單辦法尙無不合應准照行至運陝之鹽自可照舊辦理除函飭分所外請查核飭遵前來合將總所致分所函隨文抄發卽仰該運使遵照此令

河東運使原呈

詳爲遵飭陳明運鹽運照改由銷鹽地方之縣知事蓋印交由原商繳回運城其中諸多困難並另擬火車裝運鹽斤行用照票辦法具文仰祈鑒核示遵事案照前奉鈞署電開查火車運鹽流弊甚多欲加取締必須鹽照相隨現經本署咨准交通部復稱鐵路運鹽除零星散運外胥用整車運送倘非按照鐵路貨車噸數每車給照一張恐多窒碍譬如鹽百噸到站報運適該站只有空車一輛先爲裝運或尙有餘車同時俱爲裝妥而適遇此列貨車之拖力僅能挂帶一輛前項運照或只發一張鹽照必致相離等因究竟潞鹽行銷豫岸由汴洛京漢車裝運者各若干縣若干站名向用何種憑照能否使裝車時鹽照符合兩不相離仰速逐一核明並籌議辦法電復以便咨明交通部核定飭遵等因當

經飭行潞網鹽務總會派員前往豫岸實地調查尙未據覆復奉鈞署第二百三十八號飭開爲飭知事據稽核總所轉據河東分所詳稱奉飭嗣後鹽斤車運無運照者作私鹽論不允承運等因查潞網舊制凡運往豫陝兩岸者所有連環運票均在晉省邊界繳銷近日豫省商販始利用隴海鐵路運鹽至潞網東界其所專銷之地有運至河南府者有運至鄭州以輪運南陽及其餘潞網東南各境者更有從京漢路自鄭州運至漯河以使用船或車運往南陽者今按鈞飭非給以運照商人將不復能得鐵路運鹽之利分所竊擬將運鹽運照向於過河時繳銷者改爲在該處於運照上加蓋運銷陝省或豫省之戳記仍交商人俾持此爲由鐵路運輸之用現發運照每冊三百張每張可運鹽一担全冊適符三百担一單之數如以分所所擬爲然此項運照可繳由銷鹽地方之縣知事蓋印再交連商責其於一定期限內寄回運城請示遵等語查分所所議各節尙無不合除飭行外請查核飭遵前來查火車運鹽自以鹽照相隨爲主業於本年一月有日電飭籌議辦法並將車運經過站名具復應由該運使遵照前電迅速詳復以憑咨明交通部核定飭遵其未經核定以前即照分所所議於晉省邊界蓋戳及繳由銷鹽地方縣知事蓋印再交由商人責令依限呈繳各辦法先行試辦仰即遵照此飭等因奉此仰見鈞署整飭運銷立法周至遵奉之下欽服莫名竊查潞網鹽務惟晉岸四十四縣係屬包販其豫岸及陝岸之渭南各縣均屬散販性質凡有照章納稅者即准運銷一經渡河隨處皆可銷售並

無一定地點可以稽考故其繳票辦法豫岸之票即在茅津驗放局繳銷陝岸之票即在夾下馬口驗放局繳銷行之已久尙無不便今者豫省火車通行行豫鹽斤車運在所恒有自以鹽票相隨官私乃可有所區別惟以多年沿襲之舊法一旦遽議更張究於民習網情有無窒碍亦不得不熟計詳籌以期妥善當經飭行潞網鹽務總會連同鈞署前電飭查各節併案切實查議去後茲據該總會詳稱奉飭前因遵即轉據豫網分會商等復稱竊查潞鹽行豫全以陝縣之會興鎮爲總銷場商人由茅津渡河抵會興鎮時鹽票相隨自抵會驗收後即將原票繳回多年因地野人刁不敢自行銷售專俟散販接買零星銷售但買無定數售無定處未必不出潞鹽銷場以外如將運票蓋戳繳由地方縣知事蓋印仍由商人依限呈繳在晉省已難辦到倘運往蘆潞並銷之地拘定如此辦法竊恐藉官行私轉致弊害相因而生銷場課稅不日益見大受影響且負擔小販愈轉而愈多鹽票愈行而愈遠商等無從稽查誤限必咎于戾此誠商等所不敢遵行也至火車裝運暨船運本係爲交通便利顧運顧銷卽係顧稅且亦係由散販接買並非專商報運等情並據陝網分會商等覆稱陝岸自前清咸豐年間免商後所有引地改歸民販自由封運即在夾下馬口設局驗放三河口設局批驗繳票自此以後陝岸行銷潞引即屬運無定人銷無定地商等運鹽渡河繳票後有由潼鈞運至終南山一帶而轉售各處零星散販過山銷售者有由潼鈞一帶運至商縣龍駒寨鎮轉售各處散販出口零售任其所之者是陝

岸鹽務雖經商販販運渡河並不向各地銷售且各縣引岸商運民銷不責地點已歷六七年現在三河口批驗局裁撤運票改歸夾下馬口兩局分繳行之尙無不便若果責成商等改由各縣繳票非惟窒碍難行而在各縣小販行踪靡定來去無常倘令攜帶運票不僅散漫無稽且亦無從根究將至一票數鹽影射行私真偽莫辨即使定限綦嚴其如各該散販之不繳票更復無從根究何各等情先後到會敝會參閱兩綱所稱各節大致相同一以豫省陝縣之會興鎮爲存鹽之處一以陝省屬之潼鈞草灘爲儲鹽之區均以經委驗票轉發各販肩挑背負驢馱車載運往各處售銷散販行無定處銷無定額歷年已久毫無窒碍一旦驟擬携票銷鹽由各地方知事蓋印依限交商繳運窒碍難行不敢承認尙屬實在理由伏思兩岸商運由河東運鹽過渡趕先恐後一經到岸相時銷售有時隨到隨售亦有行市不宜販戶稀少竟至數月一單未售者轉運遷移積存堆壓其間遲速緩急耽延時日在在不免或由鑣項需用在即不得不減價出售亦所難料此運商所以不便於限制者也至於肩挑馱載之販戶姑無論由地方知事蓋印之難易即以接買分賣分販票限如何區別而言之販戶有大有小小販每次不過販運三五十斤百八十斤此指零星散賣而言至大販每次販運鹽斤三千五千三萬五萬甚至十萬八萬者或散賣或轉販其轉販者復不定三宗五宗票照實屬無法支配大凡營業性質原期多銷速銷惟利是視倘遇暢旺之月竟以携票限制無人敢於接買是又坐視誤運誤

銷無異膠柱鼓瑟更且此輩營業之人但使資財充足視此節節爲難動羅法網自必改圖而之他勢難強令以從同也且其間道途之遠近人面之生熟一旦令其携票售鹽限期蓋印早繳不僅不肯承允縱使免強給予亦恐未必經由地方官蓋印如遇路近人熟尙未設法索追免致遺票倘遇路遠人生即使再四叮囑彼若竟不經由地方官蓋印亦屬無法以善其後彼時查不勝查找不勝找誤限失票咎將誰歸總之來去無常不負責任從違自由誠難約束况小民素存懷法之念兼又利重錙銖因覓蠅頭微利動與官司交涉且又路途之遠近官署之忙閒天時之阻隔人事之變遷牽掣紛擾累月經旬縱使知事潔白勤明其闔署人員豈能盡皆守法是不至於始則規避繼則潛逃窒碍運銷害及稅收遷動全綱不止此非該運商等之一己自私計寔乃全綱消長之機亦即公家稅收盈虛之漸此所以不能承認窒碍難行之實在情形也我運憲無微不至自有權衡當此商民極困之秋絕大維持專賴旋乾轉坤救民水火俾該運商等免於塗炭溝壑之苦則衆商銘感於無既矣所有飭議運票繳由銷鹽地方知事蓋印依限交商繳運辦法窒碍難行各緣由理合備文詳請核奪轉詳施行等情並將豫岸火車運鹽經過縣名站名開單一併具復前來本司復加查核豫陝兩岸商販其中自運自銷者雖亦間有其人而躉存口岸坐待散販接買者實居十之八九如必鹽票相隨則躉商於鹽斤轉售時原領運票亦須交歸散販携帶轉授受稽核即難此項接買散販並無家世可稽萬一運售以後

並不遵章將票繳銷或繳而不齊其將從何追問甚至不肖奸商或且恃有此項運票藉以爲影射運私之護符流弊所極更難究詰且散販接買純屬商民交易斤數多寡局無一定限制而運票則每聯一担並無畸零假如散販接買之數不及一担或一担有奇此項運票尤苦無從分配該總會所陳困難各節均尙係屬實在情形如必強飭遵行恐轉於稅課商情兩有弗利惟火車裝運設不稍加取締亦無以重運務而嚴考核茲由本司一再籌畫擬於運票以外另立一種運單專爲火車運鹽之用此項運單由司刊印編號交由尖坪茅津各驗放員分別領存俟有豫省散販到岸接買鹽斤時先由該局領取此項運單即由各該商將由何處裝車及由何處卸載於單內逐一填明各驗放員於前項運單填明發商後一面函知起運火車首站站長俟鹽斤到站時即由該站長於運單內加蓋戳記查驗運行一面並函知卸載地點之車站站長俟鹽斤運到後驗明鹽單相符即將運單蓋戳收回按月彙總寄由首站站長轉寄各該驗放員查收繳司備案如此辦理不獨於稅課綱情毫無妨碍即按之考核運銷之意亦屬殊途同歸可否之處仍候鈞裁惟此項辦法專就豫岸火車裝運而言陝岸火車尙未通軌全屬水運商船載渡來去無時運單一層萬難適用惟有徐籌良法再行隨時詳陳所有奉飭陝豫商人携票運鹽改由銷鹽地方之縣知事蓋印交由原商繳回運城其中諸多困難并另擬火車裝運鹽斤行用照票辦法緣由理合具文詳請鈞署鑒核轉咨交通部查核飭行隴海汴洛京漢各路

鹽政彙覽第一編

單行規程 兩淮一

指令兩淮運使北鹽配濟南銷前六後四作爲年額定案文

五年八月二十六日指令
第二百六十六號

淮北三場配濟南銷一案前據方前運使詳請將南岸舊額銷數暨新增銷數分作兩等配法以疏銷息爭等情正核辦間復據該運使具詳前情查本署前飭規定北鹽配額十萬引於支配先後之序本無成見來詳請以淮南每年銷六十萬引爲標準銷數在六十萬引以內每年先配淮北五萬引又建昌一萬引共六萬引銷數在六十萬引以外再搭銷淮北四萬引仍符十萬引之數事屬可行惟方前運使所請以後配之四萬引作爲特別公物現在專配淮北積鹽將來濟南淮南亦有積鹽即以移之濟南淮南等語名爲公共之物即人人得而覬覦留此葛藤徒滋爭執自應毋庸置議經此次批定之後北鹽濟南前六後四應即作爲年額定案所有本年已運之鹽均應在此數內扣算其從前朱灝許鴻賓等所稟報効江皖賑捐請運餘鹽四百萬包到圩一案應行註銷即將已運到圩之鹽查明確數一併歸入本案辦理至裕泰長提運北鹽二萬五千引係熊宣慰使特請照准嗣又准馮上將軍來電商定辦法准其辦理一次此後不得援以爲例並不准他商效尤甫經定議未便再行翻案所請搭配濟南二萬引北鹽五千引之處碍難照准現在淮北已經配運之鹽有建昌一萬引又湘鄂輪運二萬引加以裕泰長提運之二萬

五千引尙不足前批應運六萬引之數應先將朱瀨已運到圩之鹽掣配足數下餘之鹽歸入後批四萬引內配銷該使綜筭淮鹽有督運之責此項歲銷六十五萬引係四岸額定比較務須督飭運商掣配如額毋任稍有短絀切切此令

兩淮運使原呈

呈爲淮北新灘與濟南場鹽配銷辦法懇祈核定案以息爭端而利運銷事據濟南製鹽七公司大德等稟稱商等勦辦濟南專產原因淮南產不敷銷曾奉前清江督端奏准於江北葦蕩左營灘地建築鹽圩以補通泰南鹽之缺統計七公司先後成立共鋪一百三十五圩所產之鹽均指定湘鄂西皖四岸爲行銷引地後經特設專場即以濟南名之此濟南之歷史產銷之情形也至淮北板中臨三場產鹽定章向銷江蘇淮徐海各屬之十一縣及皖北之十九縣暨豫省之汝光兩屬是爲北鹽引界迨辛秋變政以還汝光兩屬爲蘆鹽侵佔該北商等無力回復淮北三場之鹽因而稍有積壓乃北商自知抵制蘆鹽勢有不敵遂以昔年移鋪新灘亦有接濟南銷之案赴京一再要求請與濟南專產一例支配淮南濟銷前鹽務署長龔未悉舊章念其原有之引岸一時既不能規復准以八十萬包含十萬引配銷淮南嗣經商等迭舉淮北新灘實無接濟南銷專案種種証據稟電署司請予取消始蒙方前司長一再調停按淮南歲額六十萬引計除通泰濟南各配二十七萬五千引外下餘五萬引暫配淮

北如銷至六十萬引以外再酌配淮北積鹽以銷完積鹽爲止倘南鹽或有不以濟南補之濟南不足以淮北補之等因詳請鹽務署核示在案在方前司長通盤籌畫具有苦心無如商等害切剝膚仍難承認伏思淮北三場浮收朦報久成痼習即如中正一場存鹽現經鄭知事破除情面澈底清丈幾缺十分之四鈞署有案可稽其板臨兩場存鹽一經派員澈查則虛報之數可想而知他若淮北新灘老灘影射牽混弊竇叢生商等亦不願揭破其隱但其虛報之弊既經舉發斑斑可證是朱灝邵長鎔等迭次所稱新灘每年可產二百萬包以及堆儲積鹽數百萬包各節謂非虛捏其誰信耶商等調查淮北三場本年收數比較往年不及十分之五姑以三場冊數而論不過共收一百十五萬餘包無論虛實留備北岸銷市尙虞不足猶斷斷爭配濟南有是理乎今淮北虛報之弊情形如此本年產收之數短絀如彼倘再任其虛佔配額何以折服衆商之心惟有仰懇鈞恩迅將淮北新灘產鹽支配南銷一案詳請鹽務署取消縱念近年北商困敝除顧足淮北正綱之外所餘之鹽暫以二三十萬包借銷淮南俟積鹽疏通即行截止已屬格外通融抑商等更有請者上次湘鄂兩岸奉准輪運十萬引方前司長因配數未定勸諭商等讓出二萬引權配淮北祇以迫司局諄諄勸諭不得不勉爲讓步此次湘岸租商裕泰長藉口湘西需銷捏稱濟南無鹽朦請指運北鹽五十票合二萬五千引伏讀署飭原文首先叙明如果濟南確係產不敷銷則於淮北連圩數內酌提等語足徵署長一秉大公無偏無倚旋

經熊宣慰代爲請求始允所請撥厥鹽務署之意一則或疑濟南無鹽再則或疑淮北粒鹽方合民食自爲力顧岸銷起見殊不知本年濟南春掃已收二十四萬餘引而濟南淮北同屬粒鹽且湘西歷年所運濟南爲數甚夥民情慣食相沿已久斷無不能合銷之理今若全購淮北不啻反客爲主似失事理之平值此通年配數未定惟有仍請查照上次湘鄂輪運二百票臨時辦法暫配濟南二萬引淮北五千引以期雙方兼顧一俟全案解決再按年配淮北若干起除湘鄂二百票已配北鹽二萬引及此次裕泰長暫配北鹽五千引之外餘以北商朱灝運存十二圩之二十萬包約合二萬五千引前後統計如已足額本年即毋庸再運北鹽俾清年度一面仍將朱灝存圩之鹽按照淮南定章挨輪搭配以免久羈再此案既已另行規定所有朱灝許鴻賓等初議以報効江皖賑捐爲托詞請運餘鹽四百萬包原案並乞隨詳聲請鹽務署註銷免致一案兩歧轉滋藉口爲此瀝情伏懇司長鑒核迅賜酌奪轉詳並乞批示祇遵不勝叩禱待命之至等情前來當飭經理場運局邀集諸商妥籌議復去後茲據該局復稱淮北三場鹽引除江蘇淮徐海各食岸之十一縣及安徽之十九縣照舊運銷外所有河南之汝光兩屬亦爲北產固有之引地現爲蘆鹽侵佔不得已遂以移鋪新灘要求接濟南銷鹽務署酌盈劑虛念其原有之引岸一時不能規復故准以八十萬包合十萬引配銷淮南引地乃濟南七公司以濟南出產專銷淮南奉定有案迭經詳叙理由稟電交馳誓不承認司長任事後尤復引證原案爭持

不已以致案懸未結雖經方前司長一再調停暫以淮南各岸歲銷六十萬引科計除去淮南通泰專銷之食岸十萬引外湘鄂西皖四大岸歲銷約五十萬引暫准淮北搭銷五萬引歲銷至六十萬引以外再酌配淮北積鹽以銷完積鹽爲止倘南鹽或有不足以濟南補之濟南不足以淮北補之等因似此通盤籌畫具有苦心其於調停辦法未定以前湘鄂兩岸先後稟請輪運二百票幾經審度勸令濟南讓出二萬引權配淮北亦爲兩造暫弭爭端力顧全局起見所謂臨時辦法一案也查方前司長前詳雖未奉到鹽署鈞批而鹽署對於湘鄂兩次輪運之案固已飭准放行現在陸續啓輪成爲事實惟調查本綱產數淮北三場比較往年勉敷十成之五而濟南實產已有二十四萬餘引之多若不通籌全局則三場北鹽供給皖北岸銷必有不足之慮職局詳稽檔卷博採羣言咸以北鹽配銷淮南之湘鄂西三引岸爲從來所未有現欲雙方兼顧息訟弭爭祇有仰懇司長轉詳鹽署俯准查照方前司長原詳每年淮南銷市以六十萬爲標準凡銷數在六十萬引以內每年應先配淮北三場鹽五萬引又建昌一萬引共六萬引銷數在六十萬引以外再搭銷淮北四萬引以銷完積鹽爲止似此前六後四北商當無不平庶幾紛爭可息積贖可清運銷可利矣抑更有陳者此次裕泰長輪運北鹽藉口於濟南場鹽不足及北鹽合平湘西食岸爲詞不知濟南淮北同爲粒鹽斷無不合民食之理况湘西歷年所運大批粒鹽皆係濟南并無淮北三場尤斑斑可考且本綱產數三場細而濟南優亦更無不足之

慮故濟南各公司於此案競爭尤甚可否請於裕泰長二萬五千引由北鹽與濟南場鹽照案搭配若干以示均勻至此項北鹽配銷淮南引地雖未定案然本年湘鄂兩岸兩次輪運已搭運北鹽二萬引連同建昌一萬引加以裕泰長之輪運若照方前司長所議是本年北鹽配銷淮南引岸爲數無幾而存圩未售北鹽仍有朱瀨承運之二十萬包合二萬五千引佔攔已久急待配銷職局管見可否將朱商之二十萬包先予配售以示體恤之處并候訓示遵行等因據此本司覆查淮北垣商與濟南公司年額配銷一案雙方爭持已久若長此不已於運銷大局極有障碍今核場運局所擬配數尙屬妥協蓋北鹽前六後四中間以濟南應銷之額於北商可紓其急切求售之苦於濟南可安其不平則鳴之心雖與方前司二月感電所陳北鹽濟南銷六掣四之旨微有不同而與鈞署所定十萬引原飭并無違背此北鹽與濟南場鹽以後按年配銷之辦法也至本年配數前奉鈞署養電淮北三場鹽斤配銷南引年十萬引除此次提運二萬五千引外尙餘七萬五千引應如何與濟南場鹽均勻配搭以昭公允之處即妥議詳候核奪等因奉此仰見鈞署權衡審慎欽佩莫名查北鹽所餘之七萬五千引內尙除去湘鄂兩次輪運之二萬引又應并計建昌一萬引又朱瀨到圩待銷之二萬五千引蓋北鹽與濟南場鹽搭配南銷之事從前實所未有自鈞署北鹽十萬引飭行以後湘鄂先後各五萬引始行發生當時諸商競爭正烈方前司乃勉爲調停兩次暫配北鹽二萬引所謂臨時辦法事既由十萬引而生

則此二萬引當於所餘七萬五千引內除去又建昌爲西省所屬自在西岸範圍以內伏查鈞署四年十二月二十日飭文內亦有西岸建屬配銷北鹽之語則建昌之一萬引亦應於所餘七萬五千引中併計未便別樹一幟至朱瀨到圩之二萬五千引雖屬專案然係北鹽而後來裕泰長之二萬五千引亦屬專案亦係北鹽裕泰長之數既於十萬引內提除朱瀨之數如果配銷似亦應在此十萬引內沖算此北鹽與濟南場鹽本年配銷之辦法也查濟南場鹽與淮北三場所產同屬大粒色老滷輕配銷湘岸并無歧視而本綱產數又實三場細而濟南獨優亦無不足之說若能如該局所擬於此次裕泰長二萬五千引內北鹽與濟南場鹽照案搭配是於湘岸民食固無參差而於場商亦免爭執如此配搭庶爲均勻况裕泰長一案雖奉飭准行而該商號猶在措資購鹽尙未僱輪開放倘蒙俯允配搭諒無不可綜而計之湘鄂兩岸輪運本年已搭運淮北三場運南配銷鹽數連同建昌年銷一萬引已得五萬五千引之數如鈞署以方前司暨此次場運局籌議辦法爲然則湘商裕泰長請運之二萬五千引似可搭濟南二萬引北鹽五千引以昭平允竊以爲照此支配雙方既無所偏枯且與方前司所議前六後四之說亦有結果本司爲息爭利運起見所有以上緣由是否有當理合具文詳請鈞署迅賜核定示遵實爲公便謹詳

訓令淮北運副新安鎮等處稽查局應歸運副節制並由分所派員接洽准單及辦理秤放事宜文

五年九月六日訓令第二百三十二號

據稽核總所轉據海州分所函稱新關新安鎮兩稽查局辦事不濟擬請將該兩局劃歸分所或由分所在該處另立機關等情查本總所前於淮北走私案內議及將來在新關新安鎮或其他能監視鹽河支流來往孔道之適宜地點由運副設一掣驗局由分局派一委員駐於該局檢收所有鹽斤運往西壩所憑之放鹽准單並將艙口單或船照在印信上壓印塗銷以免重用函飭分所並請轉飭該運副遵照各在案茲據前情查新關新安鎮兩稽查局仍應歸運副節制所擬由分所另設機關亦未便照准惟該分所經協理可於該兩稽查局酌擇一處派委員一員及秤手等辦理前付所開各職務查新安鎮似係適宜地點應由該經協理會同運副商酌辦理如派員於一稽查局實不足以統轄鹽河各支流亦可於第二稽查局派委員一員及秤手辦理該經協理可會商運副將應用人員暨經費開送核奪除函飭分所外請查核飭遵各等情查淮北近場五岸鹽店走私經總所商明本署將各鹽店專賣權及五縣監銷局一併撤銷改爲自由貿易並由運副設局掣驗各節業於本月第一百六十二號令行該運副遵照在案茲據前情合將總分所來往原函一併隨文抄發即仰該運副會同分所按照本署一百六十二號訓令及此次總所函開各節切實辦理並將與分所商議各辦法及劃清權限各情形分別詳報核奪再行飭遵此令

咨呈國務總理兩淮及蘇五屬緝私營歸江蘇督軍指揮與成案相符合文 五年九月八日

為咨呈事准 函開准江蘇督軍電請將兩淮緝私及蘇屬鹽捕營查照舊章併歸江蘇督軍統轄俾與陸軍聯絡等語指揮任之督軍管轄仍歸貴部一兵兩用事屬可行抄電函達查酌見復等因查原電所請自係為兼顧地方起見惟前年馮上將軍曾以管轄蘇五屬緝私營一再咨商當經本部以緝私事權不能統一窒礙滋多正咨商間旋由該上將軍電呈

前大總統電令兩浙緝私營隊於蘇省捕匪治盜事宜仍宜該上將軍節制指揮不得以鹽務地方稍分畛域所擬將蘇屬鹽捕營仍歸蘇省長官管轄直接稟承辦理之處可毋庸議等因由政事堂抄交到部茲馮督軍擬將兩淮緝私及蘇屬鹽捕營隊歸併江蘇督軍統轄如果事無窒礙何敢稍有異詞惟是目前各省緝私薪餉統在鹽款項下開支即入稽核範圍之內上年淮南墾務局以墾務開始詳准在通屬就近緝私營隊內酌撥保護稽核總所會辦洋員丁恩屢以地方不得調遣緝兵為言迭相詰難即此類推可以概見 貴院所擬指揮任之督軍管轄仍歸本部最為持平辦法且與上年所定蘇屬緝私營隊歸將軍指揮成案亦相符合嗣後兩淮及蘇五屬緝私各營應仍歸中央統轄關於任用員弁編制營隊均由該管運使督率統領秉承本部辦理並一而將營隊數目駐紮地點隨時呈報該省督軍遇有地方捕匪治盜事宜應受該督軍之指揮倘各該統領或有不聽指揮情事儘可由該督軍電咨本部核辦相

應咨呈 貴總理電覆馮督軍查照並將復電抄交本部以便分飭各該統領遵照此咨呈

訓令兩淮運使兩浙運使各緝私營隊數目駐紮地點應呈報江蘇督軍文 五年九月十五日訓令第二百五十四號

准國務院咨准江蘇馮督軍電開兩淮緝私及蘇屬鹽捕營應查照舊章併歸江蘇督軍統轄以免隔閡等因咨商前來當經本部署查核以現在緝餉既在鹽款開支即入稽核範圍之內所有任用員弁編制營隊仍由該管運使督率統領秉承本部署辦理其一切營隊數目駐紮地點應隨時呈報該省督軍遇有地方捕匪治盜事宜則應受該省督軍之指揮倘有不聽指揮情事儘由該省督軍電咨本部核辦各等語咨由國務院轉咨江蘇督軍查照在案合行令仰該運使轉行該統領切實遵照並飭將一切營隊數目駐紮地點先行呈報江蘇督軍毋得遲違此令

訓令兩淮運使核定變通充公物件拍賣辦法文 五年十月六日訓令第三百七十六號

據稽核總所轉據揚州分所函稱前奉飭開充公物件應由經協理會同運使當衆拍賣等因茲准運使轉據緝私統領陳請將前項章程量予變通即淮南各營充公物件每次價洋在一百元以下者擬仍由緝私營隨時隨地變賣毋庸陳明運使及分所辦理按該統領所擬辦法如蒙核准照行經協理以爲凡變賣之處或附近地方如駐有場知事或監秤員則變賣時應函請該場知事或監秤員到場監賣至充公物件價在一百元以上者自應仍照定章辦理抄錄咨覆運使原文請核示各等情查所請將拍賣物

件辦法量予變通應即照准惟于拍賣時應請相距較近之場知事助理員或監秤員到場監視此項辦法試辦六個月後是否合宜應由該分所呈報再查緝私充賞辦法第七條內開緝獲私鹽後該管人員應即編具報告兩分分呈分所運使一節仍應遵照辦理除函飭分所外請查核飭遵前來合將總所致分所原函隨文抄發即仰該運使轉行該統領切實遵照此令

訓令兩淮運使和土功鹽查非故意攙雜准按每斤十六文價交棧文

五年十月九日訓令
第三百八十一號

據稽核總所轉據揚州分所函稱查長江巡緝局所緝和土功鹽江甯食商乙和祥不願承買一節前經陳明在案茲已將此項和土鹽斤由十二圩助理員經管功鹽成本項下撥價購買歸揚子總棧收儲每斤係按十六文給價經協理按此種收買功鹽辦法暫時可以繼續照辦即不問其鹽質內含土成數是否逾過抑不足百分之五十祇須查明並非緝獲之人有意攙和雜質希圖多得售價即每斤按十六文價格收買至鈞示辦法或有未能推行之處即所緝和土鹽斤如認為含土在百分之五十以下則按八文一斤給價收買以備重行煎煮然鹽斤含土之成數果否逾限定五十分以上初無一定憑準兩方因此爭執勢必難免誠恐如此辦理將來收買和土功鹽絕無認為含土成數在五十分以上者至若不問其含土成數多少一概給以每斤八文之價值則對於所緝功鹽其含土成數祇占十分至二十分者緝獲人應得之賞號未免難期公允陳請鑒核等情查和土之鹽如和土不及五成應在圩提煉變價歸入

鹽款另於鹽款項下給緝私充賞錢每斤八文前經函飭分所酌議茲據前情查該和土功鹽設非確有理由係由緝獲功鹽之人將雜質攙入藉增重量所有擬按每斤十六文之價交與揚子棧長一節應即照准至緝獲功鹽賞款應照業已頒行各辦法發給再此項辦法暫行核准試辦三個月應于六年一月第一星期內將辦理成績報告以憑核奪除函飭分所外請查核轉飭前來合行令仰該運使遵照辦理此令

指令兩淮運使江船編號清冊應准備案嗣後凡未編號入冊之船概不准承裝鹽斤文

五年十月二十日指

令第七百七號

呈悉江船號數未經編號者尙有一百三十一艘既據該棧長查明實因窮困阻滯並非有意延宕分別已編未編各造清冊應准備案嗣後各運商僱裝鹽斤以冊列有名爲斷其未入冊之船一概不准承運以示限制冊存此令

兩淮運使原呈

呈爲揚子棧報明第十二次續編江船號數及現屆期滿截止彙總分造已編未編各船花名清冊仰祈鑒核令遵事竊據揚子棧長張鵬呈稱竊奉司飭奉鹽務署飭查十二圩運鹽江船編立號數一案奉經遵辦至本年五月底止計十一次據圩棧巡警局督同各幫董就泊圩地各船挨次先後編號一

千六十八隻造具冊結詳送在案茲又據該局呈據各幫董陸續來局報告續到各江船請予編號當即督董挨船編查截至現在止共續編江船二百三十六隻取具船戶切結編釘號牌連前統計已編江船共有一千三百四隻比較前報總冊一千四百三十五隻之數尙有一百三十一船未經編釘查此案上年九月奉前棧長劉飭奉司長轉飭奉鹽務署特飭催辦前來令傳各董會議將未編各船從速訂立限期一律編齊等因當經轉飭各董集議趕辦嗣據各董公稟稱各船生計艱難不能放空下駛羈滯在上江者多以撥運輪鹽短餼爲生一時驟難齊集請限以本年陰歷五月底截止等情由本局詳請前棧長劉轉詳司長奉准照准在案茲奉棧長面諭各董所請編釘江船限期屆滿已久雖經迭次寬期以示體恤然仍不能到齊現在逾限已將兩月並奉部文催詢萬難再事延候飭即截止造報等因奉此遵即以奉諭之日截止不再編釘謹將先後所編江船一千三百四隻彙總造具花名年歲籍貫暨編定號數清冊並另造具未編各船清冊一本以資考核惟查未編各船久不回駛原因詢之各商會稱均爲生計窘迫所致故不能放空回圩加之年來上江發生軍務或因運兵展轉因滯或因裝運輪鹽短餼藉以餬口所羈云云若照所稱所有報而未編之船胥爲窮困使然是因艱困向隅致失其素業生計其情洵堪憫惻然茲限期逾屆萬難延待可否仰祈棧長俯賜體恤曲予變通成全之處則出自逾格鴻慈非局長所敢擅便也所有奉飭截止江船編號緣由理合造具已編未編清冊

各一本並續取切結具文詳送仰祈鑒核轉報等情並清冊切結呈請轉報前來查此案前以期限將屆迭經棧長飭行該局轉飭各幫董催造未編各船迅即來圩編釘以便截止造報詎至限期屆滿冊查未編之船尙有三百餘號之多不得不稍寬時日用示體恤雖據該局續又編釘二百餘號仍有一百三十一船因事羈滯在岸未能回圩棧長當以期逾將屆兩月未便再事延候飭即截止分別彙造清冊呈送核轉茲據該局呈稱查詢未編各船久不回駛原因胥爲生計艱困使然或因軍務運兵展轉困滯或因裝運輸鹽短備藉以餬口等情業經棧長詳加諮詢所呈情形尙屬相符是未編各船實因窮困阻滯並非有意延宕若令向隅致失生計其情誠堪憫惻爰爲據情呈請可否仰祈司長鑒核俯賜轉呈鹽務署長量予變通成全准其陸續補編查各幫江船花名前於開始編釘時業經造具總冊呈送在案此次遺而未編之船亦據該局於總冊內剔出另造清冊呈送如蒙准予補編總以冊列有名爲斷不得溢出冊報之外以示限制是否有當伏候鈞裁酌奪施行據呈前情除指令外理合將送到第十二次續編後彙總分造已編未編清冊並切結各二分呈請核轉等情並冊結二分到司據此查此案前據該棧劉前棧長及該棧長造送第一次起至第十一次編查船戶花名號數清冊即經方前司及本司先後詳奉鈞署批示轉行各在案據呈前情本司覆查該棧先後十一次已經編竣江船共計一千三百四隻未經編號江船仍有一百三十一隻久不回駛均爲生計窘迫年來上江發生

軍務或因運兵困滯湘鄂或因裝運輸鹽短儼藉資餬口一時不能放空回牙該棧長所陳各節係屬實在情形應以册列有名應准各運商僱裝鹽引如未編號入册者應如該棧長所請一概不准承裝淮鹽以示限制而昭慎重是否有當除將清册留存一分備案外理合將送到清册二本具文呈送仰祈鈞署鑒核查考伏候指令飭遵深爲公便謹呈

訓令兩淮運使淮北薪餉應歸海州分所簽發文 五年十月二十日訓令第四百十六號

據稽核總所文稱據海州分所函稱關於淮北鹽巡經費各等情并附單前來查淮北鹽巡應仍歸兩淮季統領統轄惟薪餉并一切經費可用統領名義向海州分所支取此項辦法應自十一月一日起實行該運使暨該統領應將淮北區內實用鹽巡人數并薪餉辦公軍衣等費以及其他所需各件之特別經費詳細數目列表送交海州分所查核至該統領所擬各節應與現由揚州分所開支兩淮鹽巡經費表比較如所擬各節尙屬平允且不致增加經費海州分所可由十月一日起將淮北鹽巡經費簽發並就近交與駐紮淮北之各緝私營管帶分別給發仍由各該管帶將每月所領之數暨如何開支之處報明統領並將此項經費月帳送交海州分所查核除分別函飭海州揚州各分所外請查核飭遵各等情查淮北緝私薪餉六月間據該運使詳請仍由揚州分所簽發當經批飭候商總所核復再行飭遵在案茲據前情合將海州分所致總所原函隨文抄發即仰該運使遵照總所所擬辦法辦理並與淮北運副緝

私統領詳慎妥商劃定淮北鹽巡及薪餉雜費各數目列表送交海州分所就近簽支仍呈報本署查核至該分所函稱剋扣兵餉任用私人以及私鹽放斤存貯功鹽各節應由該運使一面確查呈復一面責令該統領切實整頓毋令再滋弊端致貽口實仰卽分別遵照並轉行淮北運副緝私統領一體遵照此令

電淮北運副據呈請增設青口事務所及增加稽查局員額各端已交所核議文
五年十月二十五日
該運副第十二號呈請增設青口事務所及增加稽查局員額各端均悉已將所擬經費表飭交稽核總所核議應俟該所議復後再行令知並一面由該運副直接向分所接洽署

淮北運副原呈

呈爲陳明青口擬設臨興場事務所並以青口稽查局爲純粹掣驗機關懇請分別追加經費事案奉鈞署第一百六十四號令開據稽核所文稱關於海州分所報告青口稽查局舞弊一案業於八月間付請轉飭澈查究辦在案茲經核定在青口設立支所並劃定該支所權限除函飭分所外請查核飭遵各等情合將總所致分所原函隨文抄發卽由該運副按照總所函開第三節分別飭遵至海州分所報告青口稽查局員役勒索規費各節業於八月十八日第八十六號訓令該運副查復核辦在案仰俟查復後卽行具報此令等因准此查青口三曠在前清乾隆時原設興望場一缺迨道光時裁撤

改設稽查局專司醃切漁鹽事宜今沿其舊三疇池灘散漫南北綿亙殆百餘里現歸臨興場管轄該場駐在新浦距青口七十里去三疇則更遠鞭長莫及遙制葦難從前折派正鋼均由票販繳價歸場承辦鹽勛則捆至臨浦就近掣放其醃切漁鹽即歸稽查局代掣積久相沿於管理場產實多偏廢現在青口增設支所將來行政方面手續繁重若不另籌辦法則運往山東之鹽不能再由臨浦掣放偵責之稽查局兼管則名實未符辦理恐多障礙茲擬在青口設立臨興場事務所一處所有三疇場產及秤放鹽斤事宜均由該知事完全管理往來辦事該稽查局即為純粹掣驗機關凡由三疇出場之鹽無論行銷山東六縣並贛榆縣就地以及醃切漁鹽均由該局長實行掣驗分劃權限各專責成且青口支所本為海州分所之一部分今以臨興場對待支所猶之運副之對待分所似較名正而言順惟臨興場原定經費月文四百四十六元嗣減為三百九十六元出入相衡本已萬分竭蹶每月實支之款恒不敷數十元至每百元不等其原設員額僅課員六人人少事繁就場署部分已屬難於分配此後分設青口事務所辦事需員該知事來往旅費以及房租雜費又在在需款非添設員額酌加經費實難為無米之炊茲經詳審事實摺節預計列表呈候鈞核至青口稽查局既為純粹掣驗機關責任較重且山東六岸開辦以後三疇鹽斤行銷葦廣若不認真查驗則夾私重斤之弊潛滋暗長實於國課收入影響至大該局現設柘汪唐生朱蓬分卡三處每卡設司事一人總局除局長外止雇員一

人僅司醃切漁鹽尙虞不敷分布此後擴張範圍實行職務更恐顧此失彼無裨實濟且該局每月額支公費三十元除總局房租十元唐生分卡房租二元朱蓬柘汪兩卡各房租三元祇餘雜支十二元各卡且併計在內辦公場驟屢請增加該局自葉局長任事以來鑒於歐前局長之控案嚴革陋規力圖振作舉從前積弊爲之一清員司夫役除薪工外毫無沾潤倘再以區區之收入賠補公虧將何以勸廉隅而昭公允其廉再三審察亦應分別酌增員額經費用資展布謹核實支配列表附呈擬懇俯准與臨興場應增經費一併照數追加以策進行再三醃鹽斤向由灶戶自行存儲零星堆積勢若散沙稽察固屬難周掣放尤多未便欲求根本上之整理惟有於三醃分建一坨或於適中地點總建一坨俾鹽有歸宿各方面管理較易爲力惟茲事非財莫舉經濟困窘籌辦維艱尙當督同臨興場從長計議又青口與山東壤地相接路徑紛歧應如何廣設巡卡扼要稽查以杜私弊應俟派員調查明確另文陳明候示至青口醃切漁鹽事宜擬仍循舊由稽查局管理並指定一人承辦以專責成理合具文呈請鑒核示遵再聞青口支所開辦在即亟須預爲籌備現呈陳請各節並祈迅賜核定電示遵行無任迫切待命之至謹呈

附青口稽查局擬增員額經費表

類 別	原設員額	擬增員額	每月追加數	備 考
-----	------	------	-------	-----

總局司事	無	三	四十八元	每員十六元
巡役	二	二	十二元	每名六元
局役	二	一	五元	
公費	三十元		十元	按總局公費額支三十元除總局房租十元唐生分卡房租二元朱蓬柘汪房租各三元祇餘雜支十二元
唐生卡司事	一	一	十六元	
局役	二	一	五元	
公費	無		六元	
朱蓬卡司事	一	一	十六元	
局役	三	一	五元	
公費	無		六元	
柘汪卡司事	一	一	十六元	
局役	三	一	五元	
公費	無		六元	
合計			一百五十六元	

單行規程 兩淮 十 鹽務署刊行

明 說

附臨興場青口事務所擬增員額經費表

類 別	員 別	每月追加數	備 考
助理員	一	三十元	
辦事員	二	三十二元	每員十六元
公 役	四	二十四元	每名六元
雜 役	二	十元	每名五元
房 租		十二元	
旅 費		二十元	
雜 支		二十元	
總務員	一	二十四元	
雇 員	二	二十八元	每員十四元

秤手	四	三十二元	每名八元
雜役	二	十元	每名五元
雜支		十元	
合計		二百五十二元	
明說	<p>訓令淮北運副青口設立事務所經費已由所核准抄函飭遵並將稽查局增加經費會同查報文 五年十一月二十四日訓令第五百二十八號</p> <p>前據呈請擬在青口設立臨興場事務所及增加青口查驗局經費一案當經飭交稽核總所核議去後 茲據復稱查青口設立事務所尙無不合應予照准開支經費每月一百九十元其旅費可按通令支領 至增加稽查局經費一節應令海州分所會同運副查報等情並將致分所函稿抄送前來查該運副前 送臨興場事務所經費表係列每月二百五十二元現經總所核議計裁去秤手四名月支三十二元雜 支十元並將旅費一項二十元改爲臨時支領之款計共准月支一百九十元應即由該運副遵照辦理 至稽查局增加經費一節並應與分所接洽查報合行抄錄函稿令飭遵照此令</p>		

附稽核總所致海州分所原函

逕啓者關於在青口地方設立場務分局暨於青口掣驗局添派員司增加經費一節前經准北運副呈明鹽務署在案茲奉總會辦諭令將運副呈文連同附件一併抄寄查照 (二)在青口設立場務分局一節業經核准並准支下開各項經費

俸給費

課員一人三十元 僱員二人每人十六元三十二元 僕役四人每人六元二十四元 信差二人每人五元十元 管理水堰員一人二十四元 又僱員二人每人十四元二十八元 又僕役二人每人五元十元 共計一百五十八元 辦公費房租在內三十二元 總計每月一百九十元至旅費一項可按照通令支領 (三)關於擬將青口掣驗局之俸給暨辦公各費酌增一節希即與運副詳加磋商然後將所擬增加之處是否有當具呈前來關於此節茲特聲明該掣驗局無需如運副所稱將所有由青口鹽場起運之鹽全行查驗蓋支所業已成立所有收稅以及秤放鹽斤之事宜自應由該支所辦理如場務局長與各助理員以及兩處屬員均能各盡其職則掣驗局可辦之事似無甚多蓋所有由鹽河運輸之鹽將由新安鎮新關暨西壩各掣驗卡悉數查驗也故亟應將一切實情詳細查明並應將擬加經費一層是否爲必要之舉悉心籌議再行呈報前來 (四)

鹽務署現正照此令行運副遵照矣

指令淮北運副淮北六岸招商辦法現已另行規定該運副所擬臨時辦法應毋庸議文

五年十一月十七日指

令第八百七十六號

據呈已悉查六岸招商辦法現已另行規定電飭遵照並抄錄總所函件另文令行查照該運副所擬臨時辦法應即毋庸置議此令

電令淮北運副核准六岸招商辦法文 五年十一月七日

據該運副呈擬淮北六岸臨時辦法請核示遵行等情正核辦間稽核總所據海州分所條陳六岸商運辦法凡商人請運鹽斤應先儘西臨存鹽配運每擔收稅一元五角以十萬擔爲限如溢出額外即按三元收稅所繳稅款均准適用中行三個月期票嗣後無論何等鹽店皆不准專賣其商人亦應具穩妥擔保以資信守等因業經總所准予照辦除另文令知外即仰該運副按照所定辦法與分所接洽辦理至招商一節係屬運副職權所有商人稟請運鹽事宜應令直接稟由運副核奪并分呈分所備案分所即將此項文件函送運副審查運副於收到商人稟帖及分所咨送審查之件後應秉公調查據正當之理由分別准駁以明權限署 虞茅印

淮北運副原呈

呈爲淮北六岸銷務廢弛已久擬訂臨時辦法請賜鑒核示遵事竊查淮北六岸自舊商樊瀆奉飭取銷後始則改整爲散繼則改歸官運旋復奉電緩辦暫招散商承運而歐前運副對於招商辦法或散或整未能抱定宗旨在晉益永等五家認辦則爲散商在李高裕獨力認辦則爲專商聚訟紛爭終無結果前奉鈞署電飭在未經開辦官運以前凡有商人納稅運鹽行銷六食岸者均可暫時照准等因雖經出示曉諭奈各散商始則因官運辦法未定咸懷觀望繼則因五岸已改自由貿易更不敢輕於投資計自上年舊商樊瀆取消以迄於今脫銷已至年餘之久徒令民食虛懸私鹽充斥卽於國家稅收亦受鉅數之損失若不急起直追速籌辦法實於國計民生大有妨碍惟淮北五岸現已奉文取消專賣權改行自由貿易之制而自由貿易辦法勢須統籌詳訂方便推行否則散漫難稽事實上必多窒碍迭與海州分所就近協商在自由貿易辦法未實行以前暫訂臨時辦法試予施行該所頗表同意現已分別協訂刻正另文呈報至六岸官運辦法既未完全取消將來或歸官辦或與五岸一律改爲自由貿易尙待鈞座主持候示遵辦在未經定案以前亦應暫定一種臨時辦法以維民食茲經參照五岸目前辦法並體察六岸情形擬訂辦法十六條呈請察核至六岸緝費一向由各商擔任月繳三千餘串嗣經舊商樊瀆稟由兩淮運使詳准減爲二千串原因庫帑奇絀籌款維艱不得不借資商力以謀補助惟緝私經費本在國家歲出預算範圍以內取之於公則名正言順取之於商則適成例

外商視兵爲僱傭兵以商爲依附小之徇情容隱大之勾結營私流弊所及奚可勝言其廉之愚以爲前項經費似宜列入追加預算由政府按月支發未可再由商民擔負以杜弊端倘荷採納即請令飭季統領添募兵隊迅速編制否則仍當飭商認交循舊辦理並於前項辦法內一併加入用資遵守其各縣稅率原定概照一元五角納稅但體察情形實有未盡適宜之處容即會同海分所商酌改訂另呈候示再關於第十第十一兩條海分所加印並第十四條海分所調查鹽帳各規定已於呈報五縣臨時辦法文內陳明意見伏祈裁示理合繕摺具文呈請鈞署鑒核指令遵行再六岸脫銷已久迭據淮安淮陰商會並各縣商民紛紛請求運鹽濟銷以維現狀應請迅賜核定飭遵不勝迫切待命之至

謹呈

訓令淮北運副稽核所付陳六岸招商辦法文

五年十一月八日訓令
第四百八十一號

運銷廳案陳稽核總所付稱據海州分所函陳六招商承運辦法尙無不合應予照准惟須裝運西鹽斤并須由運副將運商註冊除電該分所外抄錄電稿連同原函付請轉飭等因到署除先電知外合行照錄原件并本署商定招商辦法令仰該運副遵照辦理此令

附海州稽核分所陳總所原函

敬肅者奉鈞所函飭將六岸官運緩辦等因奉此分所竊以爲按照右列辦法則可立時覓得商人承

運(一)每担徵稅一元五角每年以十萬担爲最多銷額如溢出所規定之銷額外則每担應照皖岸三元全稅抽收(二)繳納全稅方法無論每担一元五角或三元皆用中國銀行之期票三個月期滿後支現其理由詳見分所第五百九十五號公函(三)無論何等指定之鹽皆不准其專賣(四)非商人有不正之處官廳不得干預商運營業如本年春季所行辦法要求商人勒令停業以留官運之餘地(五)商人須先行輸運西臨存鹽隨再配運別場產鹽則偷漏素著之西臨散漫灘池當可藉此策勵私風亦可稍戢矣(六)商人應具穩妥担保以資信守而盡職務以上各節是否有當請賜電祇遵

訓令淮北運副稽核總所函復海分所六岸招商辦法抄錄原件令行遵照文五年十一月十七日訓令第四百八十七號

運銷廳案呈稽核總所付稱查海州分所呈擬六岸招商承運辦法前經本所核准電飭分所並付請轉飭在案除再函飭該分所外相應抄錄函稿付請查核飭遵等因到署查此案前與總所商定辦法業經電飭遵照並抄錄總所電稿連同分所原函另文行知在案茲准前因合亟照錄原函令仰該運副遵照辦理此令

附稽核總所致海州分所原函

逕復者據函擬具六岸招商運鹽辦法陳請批示等情業經電准在案茲奉總會辦諭令將上稱之電徵實並再令知如下(一)現須注意凡運西臨鹽斤應按每担一元五角之率繳稅如溢出十萬担之額

則每担繳稅三元皆用期票繳納如販運他種之鹽斤則須按照現在運鹽至皖北或汝光之辦法先繳半稅(一)凡殷實商人皆准運鹽前赴六岸但應由運副將其名字註冊作為運鹽至該區域之運商凡商人欲稟請運鹽者應向運副具稟並一面將稟帖抄送分所俟運副將稟帖審查後是否准駁再行咨照貴經協理如遇批駁之件運副當同時將理由相告如有商人無理被駁不准運鹽者應由貴經協理將情形呈明總會辦因政府之政策係欲設法招徠多數之殷實商人運鹽而此競爭之舉可使官鹽之價低落並可杜絕走私也嗣後售賣鹽斤不准專利三上開各辦法之辦理情形應於民國五年年底具報前來其鹽係由何場所運請運之鹽為數若干繳稅若干實運若干均應一併聲叙凡合格運鹽之商人暨稟請受駁之商人亦應分別開列清單呈寄前來此復

訓令兩淮運使淮北運副松江運副飭知修正山東魚鹽執照准單及漁船註冊單各式樣文

十五年十一月

月十三日訓令第
四百九十三號

查山東魚鹽營業執照准單及漁船註冊單各式樣前據稽核總所聲稱此項准單應將每次已納稅鹽斤總數填明於收單及存根內等情當經飭知山東運使遵照在案茲據該所復稱據山東分所詳報前情查修正各該式樣尚無不合應即照准除函飭該分所並行知海州揚州松江各分所酌議具復外抄錄各該函稿連同分所原函及所送各式樣一併付知查照飭遵等情前來除分行外合行抄錄總所付

送各原件令飭該運使運副會同分所妥議具報以憑核奪此令

附稽核總所致海州揚州松江各分所原函

逕啓者茲奉總會辨諭令將本總所民國五年十月二十六日關於核准山東經協理所擬於魯省境內採用之漁船營業執照及魚鹽稅單暨漁船註冊單各格式所致山東分所之第四百三十四號函抄寄貴經協理查照聞此種單照格式業已由山東分所直接寄交貴分所查照矣此種單照格式對於貴區內之本地特別情形倘無修改之必要即准於貴區內一體採用可也此致

電湖南省長廢除湘省鹽斤六項附稅由中央撥款抵補文五年十一月十四日

接譚省長勸電已悉湘省鹽斤六項附稅前准沈巡按使咨請撥還當以此項附稅業已廢除歸入正稅併收悉在稽核範圍之內碍難劃撥等因咨復在案准電前因中央財政困難已極即有鹽務抵債盈餘稍資接濟尙屬不敷甚鉅實再無餘款可撥惟地方預算收不敷支亦不能不兼籌並顧茲查沈使前咨六項附稅每票約合二千四百四十元照三年分銷鹽二百十六票計算約應收五十二萬餘元照四年分銷鹽三百三十二票計算約應收八十一萬餘元今即以此兩年銷數平均扯算自現編五年度預算開始日起每年由中央撥還六十六萬五千元以資補助至此款沈使前咨本請由中央解款內撥抵湘省應解部款向有中央解款及中央專款兩項現在撥還鹽斤附稅應先就現編五年度預算開始之日

起由中央解款內撥抵不敷再由中央專款湊抵足數祈查照財政部寒印

訓令兩淮運使淮南各場運鹽赴十二圩核准每擔給油耗四斤皮重五斤並實行保結辦法文五

年十一月訓令第五百十二號

查前據揚州分所擬具淮南場商未繳稅運鹽往十二圩保結式樣經稽核總所核准業經另行遵照嗣以各場商對於此舉不無窒碍由該運使續行咨商分所詳經總所核復仍應俟揚州分所先將淮南各場運鹽至十二圩油耗重量查報再行核辦亦經飭知在案茲據總所轉據揚州分所報告淮南各場運鹽赴十二圩油耗擬每担定為四斤等情查此項鹽斤每包司馬秤一百斤准給油耗四斤皮重五斤所有前次核定保結辦法應即實行抄致分所函稿及報告請查核飭遵等情前來合行抄錄原件令仰該運使遵照此令

訓令兩淮鹽運使淮南由場運圩碱片油耗減為每担三斤文

五年十一月二十七日訓令第五百三十八號

據稽核總所文稱據揚州分所電稱查晒鹽之油耗實較煎鹽為少故經協理擬准給油耗三斤在場發放之重量乃一百零八斤而運到十二圩之重量則照常一百零五斤如蒙照准希付請鹽務署轉飭運使遵照等情查碱片油耗減為每担三斤至煎鹽油耗仍暫給四斤該兩項鹽斤皮重照舊一律發給五斤除函飭分所外抄錄函稿請飭遵等情前來查淮南各場運赴十二圩鹽斤經總所核准每担油耗定

爲四斤皮重五斤業經行知在案茲據前情合行照錄原函令仰該運使遵照可也此令

訓令兩淮運使淮南場商運鹽往圩保結辦法文五年十一月二十七日訓令第五百三十七號

據稽核總所文稱據揚州分所電稱鈞所六百五十八號函尙未遵行(商人)現請准予連環具保自十月一日起并未發給准單准予運鹽請即電示祇遵等情查運商具保一節各運商仍應遵照前函所定保結辦法切實辦理如不遵辦將來不准捆運淮南鹽斤但設法改運蘆鹽行銷四岸再該前函第二段所開與鹽業無何種關係一語應即刪去除函飭分所外鈔錄函稿請查核飭遵等情前來查淮南場商未繳稅運鹽往十二圩保結前經總所核定辦法刻期實行并經分行該運使遵照在案茲據前情合行照錄原函令仰該運使知照并轉諭遵照可也此令

鹽政彙覽第一編

單行規程 兩浙一

指令兩浙運使開放永武縉釐地文 五年十月四日指令第五百四十號

據呈已悉兩浙分所主張開放永武縉釐地一節既經該運使一再審核稅律有增無減於國計民生亦無妨碍應即照所擬辦理並傳諭各商知照此令

兩浙運使原呈

呈爲永武縉鹽斤分所主張開放應否照准仰祈鑒核示遵事案准兩浙稽核分所咨開據永武紳商胡登等稟請承辦永武縉鹽斤一案查納稅捆鹽乃自由之貿易無論何種商人皆可准其營業方爲正當之辦法前奉總所函飭關於兩浙鹽業上所有各種權利以及有碍之限制應行竭力消除俾資整頓等因嗣後凡有運往永武二縣及縉雲所屬壺鎮之鹽斤如能案照每節三元二角四分之稅則繳納者應請准予行運以符定章而裕課收等因准此並據該紳商等具稟到司查永武縉鹽斤向由台州運鹽公司運銷本係釐地並無引商既准分所援引總所函飭咨請開放稅則又較現行有增無減一再審核於國計民生似覺尙無妨碍雖台州運鹽公司不免稍受影響亦屬愛莫能助惟有聽其自由競爭而已准咨前因理合具文呈報應否照准仰祈鈞署鑒核示遵謹呈

指令兩浙運使紹蕭六團灶商改運餘鹽辦法現經飭商集議應俟議定轉呈核奪文

五年十月六日指令第五

百七十
七號

呈悉蕭紹改運餘鹽六團灶商既不願放棄營業自應積極進行以暢官銷該灶商等所擬辦法經該運使查核擬將王商股本併入六團公共營業倘王商不願加入則所投資本由六團公估承認辦法甚為平允至年認額引第一年銷不足數緩至次年帶繳以及加認板數建築倉廩地點既規定官巡商巡各節所擬均尚妥愜既經飭商集議應俟該商等議定呈由該運使覆核會商分所後詳署察核再行飭遵仰即遵照此令

兩浙鹽運使原呈

呈為遵令辦理紹蕭灶商改運餘鹽一案先將集議情形具文呈請鑒核示遵事本年八月二十一日奉鈞署第一百七十二號指令據思義詳擬具蕭紹改運餘鹽補救辦法一案內開據詳紹蕭灶商既稱願運曬鹽因勢利導仍照陳前運使詳准成案先儘六團灶商充餘鹽運商等情辦法極是此項運商可由灶商自行組織團體毋庸另立公司名目其保證金一項自可准予免繳以示體恤惟該商承認餘鹽既不願他商攔入則必所運之鹽足敷蕭紹民食而後可若徒知壟斷權利而又不能承運足數設或有誤民食誰職其咎今即假定年銷五萬引除前准王商運銷二成計鹽一萬引外尚餘四萬

引必須責成該灶商承運足額如開運數月察看情形該灶商無力運足即行另招新商與灶商一體承運至灶商既已承運曬鹽則煎鹽自無存在之餘地應即一律廢煎繳銷灶帖以免影射私煎致滋流弊仰即遵辦並將辦理情形隨時具報查核此令等因奉此遵即令行紹屬督銷局傳集六團灶商籌議去後茲據呈稱據灶商集全體公同討論僉以運商先儘六團組織免繳保證金所以體恤灶商者不爲不至商等豈有自甘放棄之理惟此案關係國計民食尤影響於商業前途今以芻議所及條舉數端一查引額爲收稅標準浙江肩稅每擔二元紹蕭以五萬引計應年繳課稅三十萬元果使巡務得力粒私不漏非特僅能及額且有溢銷可期惟私鹽遍地非經數年切實整頓銷路難望起色且王商公盛厥成立後各區支店林立因鹽質無從識別以致影射愈易查緝愈難故商等以爲官私混雜取締小販之私鹽猶易取締影射之私鹽則難欲整頓紹蕭鹽稅無論官辦商辦非先取消王商卽減額至三四萬引亦無把握商等願認引五萬取消王商庶幾辦有專責弊不旁生惟剋辦之初斷難足額預料第一年銷數必有短絀商等賠墊當在三四萬元以上事屬認辦本來無待磋商因尙有設廠建倉辦巡存鹽及各處建設總分處機關在在需款商力有限難以兼籌可否量予變通如第一年銷不及額擬請將不足之數展緩至次年帶繳以紓商困二查紹蕭通銷煎鹽垂數百年且質良味美價目雖稍昂於曬而人民之稍稍溫飽者以及醬房製醬之需仍多樂購設欲將煎灶一概停廢誠屬

難以咄嗟立辦煎灶既難驟廢則年銷曬鹽若干尙無把握故額板一時斷難認足擬暫定一萬塊爲入手預估之數一俟辦有成效再行推廣增認一面將煎鹽產數逐漸遞減爲實行改煎運曬之預備三宜改組巡務以收實效查課與巡本有密切之關係從前課歸商包巡歸商辦頗收指臂相連之效自官辦後灶商祇輸納巡費之義務而無指揮鹽警之權利明知巡不得力銷地糜爛終亦莫可如何此次五萬引稅則既須商等認解將來銷數之溢減全視巡務之良否現辦官巡終不若商巡之痛癢相關易資得力擬請將官巡移駐海口扼守要隘再由商等以固有經費在內地改組商巡分頭游緝其警長一職由商等保請委任應需槍械亦請官廳發給庶內外巡緝互相犄角私絕而稅亦無患不足矣四建築倉廩地點亦經衆議規定擬於餘姚適當之處設立收鹽機關於紹縣鎮塘殿秤放局附近區內設立運鹽總匯之所俾便將餘姚收運之鹽陸續就近秤放撥運各團發販售銷等語理合備文轉呈察核示遵等情到司據此查該灶商等所擬辦法其承銷五萬引請將王商承運二成原案取消雖不無壟斷之見然既係認引即應負衛銷之責若同此銷地各營鹽業彼此並無痛癢之關係終屬難以融洽不如將王商股本併入六團共同營業庶可以泯其畛域而並得互相維持倘王商不願加入則將設店建廩已投之資本並已認之鹽板一律移轉灶商公同估價不令王商虧蝕似亦足以昭平允而利進行至所稱承辦額引第一年恐難銷足又以開辦經費需用較巨擬俟次年帶繳以紓

商困等情尙屬近理自可准行煎灶一時不能全廢亦應就六團營業情狀某灶情願運曬某灶仍願業煎或某灶業煎而兼願運曬分別開單聲明以資查攷其完全運曬者隨將灶帖繳銷其留煎之灶以及煎而兼運者准將灶帖仍予權執以示通融惟此次運曬本旨專爲疏銷餘鹽及減輕紹蕭鹽斤成本而設僅認額板一萬塊爲數過多應仍切實加認並議定逐年推廣辦法以達實行廢煎之目的巡費一項紹蕭已隨課帶繳一成其官辦巡費亦即由稽核分所簽發斷難改變成案仍歸商辦如該商等願衛官銷另行設巡以輔官巡之不逮亦可照准惟經費則非自籌不可設厰建倉地點自以便於收鹽及秤放爲宜餘姚及鎮塘殿兩處各設總匯機關事屬可行以上各節商諸分所亦以爲然除指令紹屬督銷局轉行灶商再將集議尅日進行另文呈報外理合先將籌議情形具文呈報仰乞鈞署鑒核示遵謹呈

指令兩浙運使解釋售鹽規則尙屬正當惟商人所陳不無可採抄飭另訂細則宣布文

五年十月九日指令

第五百八十一號

早悉所請取締鹽商售鹽規則暫緩修改各節詳加察核理由尙屬正當應即照准辦理惟商人方面慮人誣控亦尙在情理之中現據浙東綱地全體經商樊鳳來等暨蘇五屬鹽商公會周慶雲等前後具呈懇予修正前來查所稱各節雖未盡合要亦不無可採之處况章程文義簡單亦須有另定細則以資解

釋而便施行茲將該商等來呈抄給閱看並於所開清摺內由本署逐條加批即由該運使查照所擬斟酌妥善另定細則明白宣布俾釋羣疑此令

兩浙運使原呈

呈爲取締鹽商售鹽規則暫緩修改仰祈鑒核示遵事本年九月十一日奉鈞署二百十三號訓令內開查前據該運使擬具取締兩浙鹽商售鹽規則八條詳陳到署當經部署核准令知試辦在案茲據兩浙鹽業協會電稱據兩浙商人報稱此次奉頒試辦取締兩浙鹽商售鹽規則八條其第三條第五條原文均希加以修改以杜紛擾而衛稅銷據情電乞修正再行頒發等情到署合行抄錄原電令飭該運使按照所陳各節妥擬具復以憑核辦並抄件等因奉此查此項規則起草之時係依據鈞署飭發取締長蘆鹽商售鹽規則六條之規定其中略有增損之處除關係地方特別情形不能從同之條文字句外尙有較原章特予從寬之處專商之害在於把持壟斷其利則在於銷額確實管理容易必保障與取締並行然後國計民生庶幾交受其利而不至蒙其害本年浙省獨立之時鹽商衆情惶惑相率停運觀望皆有朝不保夕之憂而本省人民之妬忌該商等者乘此推翻舊制之時機即以該商等歷年積弊如私自加價尅扣斤兩攙和泥土購買私鹽爲詞紛紛控告爲革除舊商另設新商之計自詳定此項規則後不但地方無間執之口實而行之一月有餘成效亦復昭著未聞再有以此等弊

端來署攻訐者該商等如稍明事理須知取締之從嚴即爲保障之加厚自非希圖散法則長蘆運商所能遵守者豈在兩浙而有獨異乃觀兩浙鹽業協會原電所列該商等報告各節有深爲詫異者如謂規則第一條私加售價尅扣斤兩攙和泥土購買私鹽四項商等守法謹嚴無敢或犯從未有被人告發之案今鹽運使忽規定罰則在長官對於不法行爲自可有取締方法惟查第五條所載由食戶告發並得將罰款提給五成充賞下文並無反坐之條不啻懸賞以招誣控一經地方官曉諭周知向之士豪勢惡地痞流氓恃販私爲恒業者平日本視官鹽爲仇敵今知誣告無反坐之罪勢必羣起尋釁既洩私忿且圖重賞其爲患何堪設想商等再四思維惟有請將第五條加增該食戶告發時須先具反坐甘結罰金一如鹽商庶幾法劑其平無枉無縱其餘各攙和雜質之條其故在鹽場在巡功在船戶而不在運鹽之商應責成場巡掣三處管理官廳取締等語不但此二條辦法亦係遵照鈞署飭發取締長蘆鹽商售鹽規則原文且第五條明定須經鹽運使復查屬實方予處分斷無聽信一面之詞輒加人罪之理此種事實須有證據方能斷定屬虛屬實不難立即證明既無拖累之堪虞更何誣告之可慮原電恐販私爲業之徒羣起與鹽商爲釁不知私販誣告鹽商是以有罪而控無罪鹽商亦具有口舌自可據實稟訴私販之罪一經該商發見則私鹽治罪法煌煌具在該商等諒亦知之是就此節而言更無總總過慮之必要又原電謂第三條凡夥友犯上列各款須分別所犯之款係出於己

意抑出於鹽商授意必兼得其情而後可定罪名似不能概由商人担負完全責任等語夫夥友犯法而主人不負責任求諸法理更所未聞故鹽業協會亦未置議及此思義自管理浙鹽以來已逾一載所有興革事宜無不以兼顧國計民生商情爲主旨決不致稍涉偏依致啓弊端如果此項規則誠有亟須修改之處固不厭再四求詳以期施行無滯無如取締之事但恃官廳視聽何能徧及販賣之區勢不能不寄其耳目於一般食戶實究虛坐全在運使之覆查若明定以條文誰復肯據此不干己之事實貪此無定數之獎金結怨鹽商出而爲此究其結果不過此種規則等於虛設而已至謂攙和雜質其故在鹽場在巡功在船戶而不在運鹽之商所言亦殊不盡然船戶舞弊商人而可誘卸其與商人不負夥友之責任何異場巡掣三處管理官廳之取締固應從嚴然一經發見罪證時受罰者果爲何人乎總之此項章程當草定之時思義已再三審慎凡施行稍有困難之處皆經悉心計慮並聲明完稅以十六兩八錢爲一斤出售以十六兩爲一斤所以體恤該商者不爲不至長蘆兩浙行之既效若復朝令夕改成何事體思義尙以爲若由鈞署將此項規則通令各省鹽運使一體施行豈特專商之制不致滋人口實且於鹽務前途裨益實大所有縷陳取締鹽商售鹽規則暫緩修改緣由是否有當理合具文呈請鈞署鑒核示遵謹呈

蘇五屬鹽商公會原呈

爲呈請事竊奉松江鹽運副使令開本年八月十九日准浙運使移開本年八月十三日奉鹽務署第七十七號指令據本使詳擬取締鹽商售鹽規則八條請核示遵行一案內開詳悉所擬售鹽規則尙屬妥協應准試辦仰即遵照此令等因奉此除分行外相應照抄規則二十份備文移請查照即行分別令飭遵照等因准此除照抄規則函致兩浙緝私統領查照暨各縣知事布告商民一體週知並分別牒行外合行照抄規則令仰該幹事即便傳知各商一體遵照等因遵即傳知各商至會僉云聽業上有長官對於不法行爲自可行取締之方法無論有無上列各項之事實而在兩浙之大尤不能以一區域之信用概及全體第就五屬論本無上列各事故有不得不聲明者有不得不疑問者有不得不請求者如第一條甲款所列私自加價查五屬售價向遵官定年來以虧本屢請加價迄未邀准且運且虧何曾私加分毫乙款所列剋扣斤兩查鹽商運鹽到地發交販賣各店向遵法定秤碼從無短少斤兩亦從無與食戶直接買賣至由販賣各店半斤一斤之零星分售者乃與柴米油醬同等交易本屬安於習慣並未聞有所爭執丙款所列攪和沙土及泥水等雜質查鹽商斷無兼運泥沙傾入求售之理惟各營所獲功鹽以及各場細出之腳鹽並船戶中途之偷漏難免不有沙土泥水之攪入但此乃關於各營及各場各船戶之事豈能轉而取締運商此不得不聲明者也至若私自加價五十倍議罰剋扣斤兩五十倍議罰攪和雜質二十倍議罰是由行政而及於司法究竟所定巨大之罰章按

諸法律能否確當平允又如發現上列各犯款如在當場買賣時尙易證明若其與受完畢事過之後重行告發究竟用何方針爲憑證即使派委密查迨報告運司已屬事過情遷何能據爲定論此中無具體之證據則各商難免不受冤抑又如夥友犯上列各款須由商人擔負完全責任此不啻導人爲非蓋商棧所僱夥友豈無良莠若違此條一微末之夥友偶有嫌怨可以犯法之事嫁禍於商人商人其尙有立足之地乎假如子弟犯科作奸但治家長之罪使子弟逍遙法外有是理乎又如屬員貪贓枉法但治長官之罪屬員反得脫離法網有是理乎竊謂凡犯法之事必訊明何人起意而後可定罪名似不能一言以蔽之商人擔負完全責任此不得不疑問者也丁條係干犯鹽法業鹽者引爲垂戒本無嘗試之商自可存而不論至於第五條由食戶告發並得將罰款提給五成充賞查法律無論新舊誣告人者例得反坐祇有私販軍火及煙土兩種但招告者而不予以反坐售鹽究屬正當營業豈得與私販煙土軍火相提並論乃對於此條並無反坐之文似覺鹽商太受偏抑此不得不請求者也等語幹員查各商所稱各條俱有理由而於加入反坐一條言之尤爲痛切雖五屬各商運鹽近數十年從無上列各款發生亦從未經人告發第目前人心不古若照上列各條曉諭通衢是直招人告發豈無食戶希圖充賞委員希圖邀功且於誣告之人並不遭反坐之條則無論何時何地何人皆可構成一種犯法之行爲此端一開是商民官廳本屬相安者從此爭執擾攘永無寧日非獨商業不保即

身家性命亦罹於危險之地矣。幹員等細繹鈞批既有試辦之文，必有待商之處，擬請鈞座俯采芻蕘，將條文重行修正。總期雙方兼顧，商民兩無偏抑，俾保商業而杜紛爭。除呈復副使暫緩移縣出示外，爲此迫切上呈。

浙東綱地全體經商樊鳳來等原呈

爲奉頒規則妨碍營業提出意見請求修正以恤商艱事。竊民國五年八月十七日奉兩浙鹽運使第三十號訓令內開：案查本使前詳取締鹽商售鹽規則八條請核示遵行一案，茲於本月十三日奉鹽務署第七十七號指令內開：所擬售鹽規則尙屬妥協，應准試辦。仰即遵照此令等因。奉此。除分令外，合行照繕售鹽規則一份令仰該經商遵照自奉文日起即行照章辦理。此令計發規則一份等因。奉此。經商遵即照繕規則分知各同商去後，現各同商僉謂奉頒規則詳細研究，凡有關於商人營業之處有妨碍者，亦不得不預先陳述理由，俾免無辜受累。爲第一條私加售價，剋扣斤兩，攙和泥土購買私鹽四項，按之舊鹽法中本有規定，商人將本求利，世業攸關，從不敢稍有違犯。今奉重加取締條文，簡畧際此世風不古，一般私梟痞棍難保不藉此問題陰行其破壞官運之計。及第三條夥友犯規商人負責未証，因果平空代人受過，並第五條食戶告發得受罰款五成之賞，而一切究誣之條件未奉，加有制裁如其授人以柄，貽禍將來莫若綢繆未兩防患於先，自應提出意見請求修正。經商據經接

照規則參核商情對於商人營業上之受妨碍似屬實情理合將奉頒規則按條按款附以意見彙造清摺備文呈請仰祈署長察核俯念商艱按照提出意見修正規則施行實爲公便謹呈

謹將奉頒取締鹽商售鹽規則八條附以各同商提出意見繕具清摺呈請鑒核

第一條凡兩浙商人在各區域內銷售鹽斤如犯左列各款者分別處罰 (甲)私自加價不照各區域內官定價格出售者應查出售鹽斤之多寡計其所得定價外之溢價加五十倍議罰 謹按浙東各地情殊勢異運道有遠近之不同運費有多寡之區別且產地鹽價亦隨時漲跌是以向章各引地鹽斤價格由商人按照成本酌定報官備查一面懸牌售賣從無私加之弊應請將 (私自加價不照各區域內官定價格出售者) 一語修正爲 (商人售賣鹽斤按照報官價格並不懸牌自由增加者) 一語使人易於明瞭 (乙)剋扣斤兩不照法定十六兩秤出售者應查剋扣斤數之多寡按照現行售價加五十倍議罰 謹按鹽秤數量向係法定十六兩從無剋扣之弊惟細繹處罰剋扣條文並無一定標準應請將 (剋扣斤兩不照法定十六兩秤出售者) 一語修正爲 (各地鹽店如備有不足法定十六兩之秤剋扣售賣一經買主察覺將秤留置喊同鄰右或警察證明報告就近行政官廳查係屬實者) 一語以杜誣陷之害 (丙)攪和泥水或沙土等雜質出售者應查其原售之斤數按照現行售價加二十倍議罰 謹按攪和泥水沙土雜質

應從根本上解決在商人售鹽以清潔爲貴俾得以廣招徠蓋目今時局私鹽充斥商人講求鹽質已虞不給斷不肯攙和各種雜質自窒銷路其偶有劣質之鹽其故在產地出售之厥廠及運道之船戶陸路之驟夫而不在鹽商之攙和是根本之取締應責成場巡掣管理官廳辦理商人科罰之條文應請刪除 (丁) 凡有購買私鹽者除將鹽棧發封外仍照私鹽治罪法辦理 謹按販賣私鹽係私梟之行爲商人均有身家豈肯輕於嘗試惟向來緝獲之私鹽係歸棧發賣如無證明文件未免混同應請嗣後緝獲私鹽先送就近縣署由縣備函發棧售賣繳價如此界限碧清不致誤會

第二條各項議罰標準以一百斤爲限不及百斤者照各條分別科罰一百斤以上及併犯二次者除議罰外並將商民革退 謹按是條以證據確鑿案經確定發生效力

第三條凡夥友犯上列各款者仍應由商人負擔完全責任不得藉口推諉 謹接近來人心險詐道德淪亡若夥友因竇東之嫌隙故意違犯規則爲報復之具則營業前途何堪設想應請將此條修正爲 (夥友犯上列各款者如出自己意者應由夥友個人受其處分如夥友係由商人授意夥友提出授意之證據應由商人受其處分) 以免無辜受累

第四條鹽運使應隨時派員分赴各處密查倘商人犯有各項情弊即由鹽運使照以上規定處分

謹按派員密查如果商人確有違犯規則應臚列人證物證經復查之手續然後得使商人受規定之處分如委員以虛偽之報告致商人平空受累一經澈查明確亦須予以相當之處分方足以昭衡平

第五條由地方官就近查明或食戶告發一經鹽運使復查屬實即行處分如有食戶告發並得將罰款提給五成充賞 謹按食戶之告發須令具坐誣之甘結以杜虛偽之弊應請添加（惟食戶告發須先具坐誣之甘結）一語以清流弊

第六條各項罰款按月咨解分所歸入鹽稅項下列報

第七條此項規則應在所有銷售浙鹽各縣內由各縣知事曉諭周知並由各縣知事擔負稽察責任

第八條本規則以詳奉鹽務署核准之日實行

訓令兩浙運使上場局改爲上望場准將局支政費改爲該場政警兩費文 五年十月十六日訓令 第三百九十六號

場產廳案呈據稽核總所漢文股股長付稱據兩浙分所函稱案准運司咨上場一局業已改爲上望場並添設鹽警二十一人所需經費即以總所第一百五十一號函准之四百九十二元原支政費改爲政費二百四十元警費一百五十二元與原預算毫無出入編製預算單咨送到所分所詳加考核尙無不

合並單陳請核示前來查所擬將上塢局改爲上望場暨經費各節應予照准除函飭該分所外付請陳核飭遵等情前來合亟抄錄原函單令行該運司遵照辦理可也此令

附稽核總所致兩浙分所函

逕復者據民國五年九月十三日第五百八十四號函轉據運使擬請將上塢局改組名爲上望場等情茲奉總會辦諭令知所擬將該局改組並將該局原支之經費概算改爲局費三百四十元警費一百五十二元每月共計四百九十二元各節准照辦理鹽務署現正照此令行運使矣此致

上望場修正預算單

場知事一員洋一百元 文牘一員洋三十元 會計兼徵收一員洋二十四元 稽徵三員各二十四元洋七十二元 書記二員各十六元洋三十二元 公役二名各六元洋十二元 辦公費洋七十元 共計洋三百四十元

鹽警預算單

警弁一員洋十六元 警目二名各六元五角洋十三元 警兵十八名各六元洋一百零八元 辦公費房租在內洋十五元 共計洋一百五十二元

政警兩費合計洋四百九十二元

指令兩浙運使餘姚稅則應仍舊徵收文五年十月十七日指令第六百五十號

據呈已悉餘姚引商鮑啓運呈請減稅一節既經該運使覆查未便減輕自應仍照舊率徵收以歸劃一
仰即轉諭該商遵照此令

兩浙鹽運使原呈

呈爲均稅一案既奉核定應請照則徵收俾期劃一仰祈鑒核示遵事本年十月六日案奉鈞署第三百四十五號訓令內開據餘姚引商鮑啓運呈稱實行均稅以後每百斤收稅二元銷數大減請飭下運使減輕課稅照舊辦理等情查曠上餘三縣引商請減稅率一案前經飭據張特派員會同姚前運使查復到署當以統一稅則關係全國計畫且案經呈定未便以一二縣稍有參差致動全案批飭遵照在案惟查張特派員及姚前運使前次查復原詳亦有將曠上百餘四區暫行減收四角之議究竟該縣現在銷市情形如何稅率是否不致吃重合行照錄原呈令仰該運使查復核奪此令計粘抄件等因奉此遵查四年一月兩浙綱肩住各地實行均稅之際曠上百官餘姚四區一律每百斤收稅二元誠屬增加過驟担負難勝惟現在甯紹溫台各釐地業經銳意整頓期達均稅之目的若一方面正擬加稅而又一方面以已經規定之稅率忽又減輕則與平日進行之宗旨自相背謬且住地減稅肩釐各地又將援例以爲請則對付愈難明知近場之鹽遍地化私餘上曠住岸尤爲餘私浸灌之門戶

該引商原呈各節引以爲至苦至痛誠非虛語然所謂賤價敵私無論稅則減至何等終不能敵無稅之私鹽思義以爲正本清源之策尙不在是默觀兩浙鹽場情事煎晒錯雜地形散漫近場之民隨處食私場官稍稍取締地方動起反抗竊以爲整頓之策宜先從廢無油之場入手廢場次序一面開放曬鹽一面淘汰煎鹽即以舊有灶戶改充運商使餘岱私鹽亦有歸宿則產地變爲銷地私鹽化爲官鹽該四區引岸亦將隱受其福矣茲當浙甌改歸過渡之際似應維持現狀於巡務上實行整頓該引商茹痛以待桑榆之收或可作東隅之補也至查該地銷數三年分未經均稅以前祇銷五千一百擔原呈所稱銷數大減一節亦屬不實所有核議餘姚住地稅則仍請照舊徵收緣由是否有當理合具文呈請鈞署鑒核示遵謹呈

指令兩浙運使議覆取締售鹽規則應准將所擬布告刷印頒發文

五年十月二十六日
第七百七十八號

據呈議覆取締鹽商售鹽規則擬請撰示公布無庸另定細則各節尙無不合應准將所擬布告刷印頒發所屬一體曉諭以釋羣疑並將此次解釋理由連同布告一併咨行松江運副轉飭遵照此令

兩浙運使原呈

呈爲遵令覆議取締鹽商售鹽規則擬將未盡事宜撰示公布無庸另定細則仰祈鑒核示遵事竊思義於本年八月間詳定取締鹽商售鹽規則八條前奉鈞署第二百十三號訓令飭照兩浙鹽業協會

來電陳請修改各節妥擬具復等因當經縷陳暫緩修改緣由呈復在案茲奉五百八十一號指令內開呈悉所請取締鹽商售鹽規則暫緩修改各節詳加察核理由尙屬正當應即照准辦理惟商人方面慮人誣控亦尙在情理之中現據浙東綱地全體經商樊鳳來等暨蘇五屬鹽商公會周慶雲等前後具呈懇予修正前來查所稱各節雖未盡合要亦不無可採之處况章程文義簡單亦須有另定細則以資解釋而便施行茲將該商等來呈抄給閱看並於所開清摺內由本署逐條加批即由該運使查照所擬斟酌妥善另定細則明白宣布俾釋羣疑等因並抄件奉此仰見鈞署慎重法令曲體商情之至意欽服莫名惟細核該商等所具對於此項規則之意見書除奉鈞署加批毋庸議各條及關於第一條甲乙兩項之意見可資採取外其餘各條多有未便訂入細則者謹就管見所及縷晰陳之如第一條丁項規定凡有購買私鹽者除將鹽棧發封外仍照私鹽治罪法辦理等語此項意義乃係預防設有鹽棧之商人勾通梟販窩頓私鹽而設其構成犯罪之要件在於購買而不在發賣之時蓋購買之時人證物證俱易明瞭若鹽已入棧則已與官鹽混同一處必知原存官鹽之確數而後能知溢出者爲私鹽鹽棧儲存動盈萬擔秤量非易使無購買私鹽之證據實無從科以罪罰該商等以向來緝獲之私鹽亦係歸棧發賣恐致混同而欲將以後緝獲私鹽先送就近縣署由縣函發鹽棧售賣繳價不知鹽之自身本無所謂官私其辨別蓋在當時之所有者私鹽一經緝獲既入公家其私鹽之性

質即因而消滅當其入棧之時購買私鹽之問題既絕對無從發生斷無被控犯法之理及其入棧以後則官私已經混同初無界限之可別若該棧果別有購買私鹽事情一經發見罪證即有其他承領緝私鹽斤之官文書亦不能據此影射資爲反證希圖脫罪總之條文既以購買爲要件揆之情事實無可與緝獲發棧私鹽混同之理且該商等所請求之辦法在蘇屬或可推行若浙屬寧台溫處等處緝私所獲數極零星一起有少至四五十斤或七八十斤者若一一須由縣知事函發鹽棧手續迂曲太嫌煩瑣與新頒緝獲私鹽處置辦法亦恐微有衝突此毋庸訂入細則者一也又如第三條規定凡夥友犯上列各款者仍應由商人負擔完全責任不得藉口推諉等語該商等欲改之爲夥友犯上列各款者如出自己意者應由夥友個人受其處分如夥友係由商人授意夥友提出授意之證據應由商人受其處分等詞查商事習慣凡夥友於其職權上而爲不法行爲均由商號負責譬如銀行夥友舞弊致損他人權利被害者要求損害賠償必問之於銀行決不能但問之於夥友之個人此在私人問之關係尙且如此况違反行政官廳之命令而商人欲置身事外以推卸於夥友實屬無此辦法且所謂負擔完全責任者不過責任由商人負擔非謂其夥友即可置身事外也所受之處分除第一條丁項之發封鹽棧外其甲乙丙三項皆係罰金之規定但使如數繳納罰金之出自何人官廳原不過問使違反命令之行爲商人果不知情其所罰之金自可索償於夥友否則可以訴諸法庭若令官廳

專對於該夥友爲直接之處分不特一經告發逃匿堪虞且據該商所請求必以是否授意爲區別而授意尤必提出證據夫授意多係兩人間之意思表示有何證據之可提其結果非各執一詞則必盡卸於夥友而止舞弊爲利則商人坐享嬰罰則夥友受之又豈得謂爲平衡至丁項之發封鹽棧係由於購買私鹽夫鹽棧而至購買私鹽商人毫無覺察若不停止其營業流弊何所底止况照私鹽治罪法辦理夥友亦應受第六條之制裁又豈敢以挾嫌報復之故爲此以自陷刑網該商等所請誠可謂鯁鯁過慮總之細則之規定不過主法之補助與主法意義不得兩歧此條旣明定應由商人負擔完全責任不得藉口推諉文義嶄截若於細則又爲區別之規定是不啻將規則第三條全文從根本取消之與刪除無異文義衝突背主法助法之原則此毋庸訂入細則者二也又如第四條規定鹽運使應隨時派員分赴各處密查倘商人犯有各項情弊即由鹽運使照以上規定處分第五條規定由地方官就近查明或食戶告發一經鹽運使覆查屬實即行處分如有食戶告發並得將罰款提給五成充賞各等語該商等爲防委員虛僞之報告及食戶誣捏之告發起見請求爲反坐之規定且似欲以人證物證覆查等手續臚列於條文之內不知此項規則不過一種之行政命令其處分方法不過罰金而止若其罪更重於此者則應受私鹽治罪法之制裁若其罪不關於鹽政者則應受刑法或其他特別法之處分而不應列入本規則之內設使委員爲虛僞之報告其由於要求賄賂者則已構成

刑法上之瀆職罪應受現行刑法第一百四十條之處分處以一等至三等有期徒刑否則亦應受刑法一百四十八條之處分處以四等以下有期徒刑拘役或三百元以下之罰金設使食戶爲誣捏之告發則已構成刑法上之偽證及誣告罪應受現行刑法第一百八十二條之處分處以二等至四等有期徒刑其刑名皆較本規則之罰金爲重且應由司法機關審判非鹽運使所得受理今若規定此等處分於細則若仍以行政罰處之則與刑法相衝突若照刑法所規定則有行政命令侵及司法範圍之嫌凡刑法有正條之犯罪被害者自得向司法機關告訴該商等不明此理遂致此種種之誤會且刑法上罪名數百皆有待於檢察官之告發或被害者之告訴未聞於每條之下皆繫以告發告訴者反坐之明文亦無須備具人證物證覆查手續之贅語蓋反坐在刑法上因已有專條固不必逐條規定在本規則因已有普通法之適用亦毋容贅設其理本同至人證物證之鑑定事實調查之真確本係審理訴訟之通義斷無以毫無證據之事而加人以罰者使執行之官吏而暴橫若此則視法律全部已同無物又豈條文一語所能防維此毋庸訂入細則者三也就該商等所具意見全文觀之可探者不過第一條甲項之私自加價乙項之剋扣斤兩條文稍有渾含其實甲項所罰之私自加價雖明言以官定價格爲標準在鹽價向由商人報官懸牌之區域官既從未定有鹽價斷無以該商等呈報之價而指爲不依官定鹽價處以罰金之理乙項所罰之剋扣斤兩既明以不照法定十六兩秤出

售爲詞自必以秤爲物證必不至以鹽爲物證使以十六兩之秤而與以十四兩之鹽食戶一見可以立辨其買賣已不能成立自無發生訴訟之餘地今該商等既一再陳請無故張皇固可曲從所請惟因此二義特訂細則形式上未免贅疣擬將該商等所具關於此二項之意見採取撰示公布以免誤會至其餘各條項似應毋庸置議如蒙俯允即由 恩 義 將擬具布告刷印令發所屬一體張貼所有違令覆議取締鹽商售鹽規則擬將未盡事宜撰示公布無庸另定細則緣由是否有當伏乞鈞署核示 祇遵謹呈

謹將擬具關於取締鹽商售鹽規則第一條甲乙兩項布告呈請鈞鑒照得鹽商售鹽理應公平交易不許私自加價及剋扣斤兩前經本使詳取締鹽商售鹽規則第一條內明定罰則業經公布在案仍聞向來由商自定鹽價之區往往並不報官核准懸牌公示難保不任意高抬價格貽害食戶又剋扣斤兩之弊由於私製秤桿不符官定重量以致食戶不能辨別受其欺賺種種流弊殊堪痛恨爲此布告鹽商食戶人等一體知悉嗣後售鹽價格其向由官定者須遵照官定之價售賣向係按期自定報官核准者應懸牌公布周知倘未經呈報或呈報後秘不宣示私自增價一經告發即按售出鹽斤所溢之價加五十倍處罰至售鹽秤桿倘有不足法定十六兩之分量剋扣售賣者一經買主發見准其喊同鄰右或警察證明將秤桿保存報告就近縣知事或鹽務機關查明屬實亦

按剋扣斤數之多寡照現行售價加五十倍處罰該食戶等亦不得無故誣告致干律究其各悞違
毋違特此布告

指令兩浙運使上望場知事擬訂煎丁短交產額處罰規則九條應准備案文

五年十月二十八日
指令第八百八號

呈悉該場知事所擬煎丁短交產額處罰規則九條既經該運使令行照辦應准備案抄摺暨冊式存此
令

兩浙運使原呈

呈為轉報上望場擬訂煎丁短交產額處罰規則仰祈察核備案事案據上望場知事徐增祥呈稱職
場收入煎丁短交產額罰款一項歷經援照功鹽章程按月解交溫處收稅官核收在案此項罰款疊
准收稅官函囑妥議章程知事核以上信汀鮑各地煎丁短交產額處罰方法從無專條之規定僅按
情節之輕重及短交數日之多寡由知事分別辦理於事實上尙無違碍惟既准一再函囑自應斟酌
就地情形擬具處罰規則九條並分冊格式呈送鈞署鑒核示遵等情到署思義覆核所擬規則暨分
冊格式尙屬簡要可行除指令准予照辦並候轉呈核示外理合抄具原擬規則暨分冊格式備文呈
請鈞署察核備案

擬訂上望場煎丁短交產額處罰規則

附	
記	

指令浙運使准將查驗所名稱劃一鹽巡官弁准稱鹽巡長并定各督銷局長及警長資格文
十五年

月六日訓令第
八百六十二號

據呈請將紹興嘉興等九處查驗引鹽各機關概定名為查驗所又商巡鹽警在二十名以上者之鹽警
官弁一律改稱鹽警長並取具各該警長履歷由司加委以專責成等情查係為劃一名稱起見自應照
准至擬將各督銷局長資格為薦任待遇鹽警長為委任職各節應並照准仰即將各項職名及詳細履
歷分別造冊呈報備案此令

兩浙運使原呈

呈為劃一查驗機關名稱並場局所及商巡鹽警主任概定名鹽警長分別加委仰祈鑒核示遵事案
查兩浙查驗引鹽各項機關名稱不一有稱為批驗所者如紹興嘉興象山濠河頭四處是也有稱為

擊驗所者如曹娥江是也有稱爲緝私卡者如富陽桐廬嚴州三處是也有稱爲查驗卡者如壺鎮一處是也綜其職務之所在則無非查驗引鹽憑單擊放而已祇以沿習前清舊有之名稱然前清批驗大使係屬寔缺而緝私卡則爲差委故爲此名稱上之區別今則同爲差委且職務性質無一不同而仍因循舊有之名稱殊非劃一整齊之意擬將以上九處機關概命名爲查驗所以所駐之地點冠之於上其主任人員則概稱所長所有人員編制俸薪支配則仍循其舊俾符預算至場局所及商巡所編鹽警額在二十名以上者業經各設鹽警長以資統馭然從前名稱亦復紛錯不一有稱警官者有稱區官者有稱警弁者有稱巡商者且有不由司委而姓名籍貫履歷輒至檔冊之無稽者亦殊非循名核寔之道業經由司分令各屬機關照章一律改稱鹽警長並取具各該警長履歷送司加委以專責成似此分別規定庶於鹽務之進行亦屬以簡馭繁之一助再場知事一職業已定爲荐任所有督銷局長資格擬請定爲薦任待遇其餘查驗所長及鹽警長資格則請均定爲委任職庶於設官行政之本意均屬相符是否有當理合具文呈請鈞署鑒核示遵謹呈

指令兩浙鹽運使肩商設廠納稅辦法准照綱商辦理文

五年十一月十三日指
令第九百四十七號

呈悉廢煎運晒之計畫現正籌議實行若令捆運餘姚毛鹽必須先稅後運則灶商裹足勢所必至該運使所陳各節極有見地業經商准總所於肩灶商人未在鎮塘設廠以前准其暫在綱商鹽廠內捆運

即於捆運時每担連巡費繳洋二元二角以示變通仍應轉飭肩灶各商一面在餘姚認板收鹽一面在鎮塘殿建厥儲鹽俟建築分厥尅日成立後即由肩灶商人直接自運餘姚毛鹽存儲鎮塘殿分厥納稅捆運不得專在綱商鹽厥內捆鹽致滋流弊其王商錫榮亦准照肩灶商人設厥納稅辦法辦理毋庸先在餘姚繳稅以示平允將來肩商捆運餘鹽至鎮塘殿不必先行納稅之辦法施行後紹蕭稅率能否做照綱地辦法每担增至二元五角應由該運使會同分所妥議呈核並將辦理情形隨時具報除由總所飭知分所外合行令仰遵照此令

兩浙鹽運使原呈

呈為遵令籌議蕭紹捆運餘鹽辦法仰祈鑒核飭付總所核議事本年九月二十八日奉鈞署第三百十四號訓令內開據稽核總所轉據兩浙分所函稱奉抄寄肩灶商人稟請將公盛鹽厥取消等因又奉飭將肩灶商人電稱餘鹽運銷紹蕭手續紛繁等語查明具報等因查肩灶商人原准予案每担二元二角之稅繳運餘鹽王錫榮年運餘鹽不得超過紹蕭所銷總額二成業奉飭遵惟當初並無肩商請運餘鹽迨王商捆運餘鹽行銷紹蕭該肩商等乃與綱地商人協議捆配鎮塘殿綱商鹽厥內之餘鹽行銷紹蕭但該厥向徵稅洋每担二元五角借銷紹蕭於現行政策大碍未便照准飭知紹蕭收稅官去後迄無肩商赴該厥捆運聞新安團商人於運銷餘鹽一事不甚樂從嗣由王錫榮運銷到紹遂

要求以紹蕭所認總額二成准王商捆運作限制運銷餘鹽保護煎鹽之計查運使自專賣之制批駁後並未給王錫榮以特別權利嗣以肩商對於餘鹽不甚樂從國家又未便過於強迫因請准於自由運銷以爲提作所有該肩商電控運使廻護王商一節殊屬不實請察核前來查肩灶各商向餘姚自行直接運鹽或有困難之處倘對於捆運餘鹽前往紹蕭區內行銷一節予以便利於稅款不無裨益肩灶各商如向鎮塘殿綱商鹽販購買餘鹽行銷紹蕭區內究竟有無窒碍應由分所呈報核奪又此種鹽斤應於商人繳納每担二元二角之稅後由分所放鹽員秤放並可議定辦法在鎮塘殿繳稅或繳交紹蕭收稅員其放於綱商之鹽雖徵二元五角然尙非有窒碍難行之處除面飭分所外請查核轉飭運使會同分所妥酌呈復各等情合將總所致分所原函隨文抄發即仰該運使會同分所按照總所所開各節詳細妥商呈核飭遵此令計粘抄件等因奉此遵查粘抄總所致分所原函有肩灶各商向餘姚自行直接運鹽或有困難若能予以便利於稅款不無裨益之語又有肩灶商人願意在鎮塘殿購買餘鹽行銷紹蕭區域倘無窒碍並可議定辦法在鎮塘殿就近繳稅或繳交紹蕭收稅員亦可等語是總所對於紹蕭行銷餘鹽辦法並無責令商人先行納稅領單直接赴餘姚秤放之規定乃分所誤會總所前致分所一函有肩灶鹽商不欲在紹蕭區內煎煮鹽斤而欲繳納每担二元之稅運售餘姚鹽斤亦可聽其運售惟該項應納之稅須在鹽斤未由餘姚放出之先預爲繳納之語遂以爲

不准捆運餘姚毛鹽運赴鎮塘殿分厥存儲不知該函第六條載明餘姚運往鎮塘殿海甯濠河頭行銷浙江各屬之鹽斤仍可毋庸繳稅照舊載運前往等語是所謂先行納稅者似指灶戶改運晒鹽未
在鎮塘殿建有商厥者而言若已在該處建有倉厥則仍准先運毛鹽勿庸預爲繳稅觀於原函第八
條有餘姚設局秤放監視運往鎮塘殿及瀏河甯波海甯等處之毛鹽等語其意更爲明顯乃分所誤
會其旨以爲紹蕭肩鹽區域凡運晒鹽一律先行完稅至餘姚驗單秤放不得捆載毛鹽至鎮塘殿儲
倉思義當以紹蕭區域正擬廢煎運晒減輕成本籌暢官銷之際若令先稅後運種種損耗恐阻廢煎
運晒之動議即經咨商去後旋准覆稱案係總所函飭規定未便違章等語咨復前來嗣又據該地運
商王錫榮一再陳明困難情形又經咨商分所變通原案以順商情旋准咨復該運商公所擬請做照
綱鹽辦法將來由餘姚至鎮塘殿所運之鹽仍行作爲毛鹽一節姑候詳請總所察核示遵於未奉核
准以前自應仍照定章辦理未便稍事通融以符功令等因查此咨於八月九號到司距今將及兩月
是否已早總所核辦無從查悉惟是案一日不能解決則紹蕭之銷數恐將有江河日下之勢查總所
核准設立紹蕭收稅官一案以六個月爲試辦期限六個月內新商王錫榮運數若干灶商煎數若干
改運晒鹽若干均須報告以覘成績乃灶商運晒僅有新安團楊仙洲一起報運一百担因分所不允
在鎮塘殿捆配遂亦中止而王商自三月開辦至八月底止祇完稅三千六百五十二担循是以往完

稅之難期踴躍自可逆睹即將來灶商實行改晒有此奇例以相壓制亦斷難副五萬引之比較奉令前因自應遵令與該分所會同將紹蕭行銷晒鹽辦法詳細妥商以期國課商情兩臻便利查得新商王錫榮已在鎮塘殿建有分廠自無須向綱商鹽販購買餘鹽將來灶商實行改晒亦應在餘姚認板設販收買鹽斤一面在鎮塘殿建設分廠完課捆配總所核准在該處綱商鹽販購買餘鹽一節雖爲便利灶商起見然稅則不同易滋影射且綱商分廠係案綱地之銷數認定鹽板陸續運銷若准其配銷肩地則綱地不能得供求相劑之平自以劃分界限爲宜且灶商遷延不決不肯運晒者以分所不准捆運餘姚毛鹽須直接赴販秤放之故並非以建販困難之故乃總所既准在鎮塘殿秤放而分所仍堅持前說必達先稅後運之目的冀以迴護前此誤會之過失誠不知其命意何居請再將先稅後運之窒碍情形爲鈞署觀縷陳之一綱引各商在瀏河海寧鎮塘殿濠河頭各處亦設有分廠先向餘姚場捆運毛鹽載入分廠然後完稅領單歸各處秤放局秤放今各分廠仍沿舊貫獨限於紹蕭肩鹽先須完稅持單赴餘姚秤放未免獨抱向隅此立法之未得其平一也又餘姚運紹之鹽必經海道風波時有所不測事載船駁漏耗又重改晒本爲減輕成本之計今於鹽價運費以外又須加保險漏耗之費恐與煎鹽價格不惟不能減輕而反加重新商虧蝕灶商何肯投以巨資再遭失敗此成本之因而加重二也捆運毛鹽以向未完課往往一批至數十萬之多若先行完稅則担負加重恐分廠之鹽

必不肯先期儲足勢必隨銷隨運若當營銷榮銷之際售鹽稍見踴躍即恐有脫銷之慮此倉儲之不能運足三也尤有一弊最足影響於課銷者則一票兩運之弊是也商人持單赴餘姚場秤放一經秤放以後即爲官鹽若任其所之則紹蕭以港四通八達安保不運到之後仍回至餘姚近海之處私向板戶購鹽再行運回配銷即規定餘姚入境之鹽以鎮塘殿爲總埠不准由他埠公岸售銷固爲官廳權力之所及然船鹽到埠肩販人衆譬如船中所載之散鹽運單上載明一百担而船戶沿途加入十担或二十担一時查驗勢不能按担過秤乘此人衆嘈雜之際偷漏之弊恐所不免偷以稽查難周按担給以護票則肩販又將一闕而來乘間肆其濫混之故智秤放局員警有限勢必疲於奔走偷鹽數較多一日不能配盡則無論日夜均須堅視否則偷漏重運之弊又將百出若以懲於上列諸弊凡餘姚運到之鹽仍須載入鎮塘殿分廠之後方准配銷則與綱引各地運載餘姚毛鹽歸各分廠秤放員管理之辦法仍無稍異何必特設嚴格以重困紹蕭肩地之商人乎故先稅後鹽之制在場產整振私銷絕路以後自可實行現以私鹽遍地之餘姚欲行就場徵稅之制誠恐有百害而無一利即使此策爲總所所主張分所亦應揆其利害據實直陳况總所並未規定且爲便利灶商之計准其就近配售綱鹽詎有自願建築分廠而轉予禁止之理分所誤會宗旨設此例外之取締雖經思義就近一再協商迨無解決之表示理合將遵令籌議紹蕭捆運餘鹽辦法具文呈請鈞署鑒核飭付總所核議轉行

分所遵行實爲公便謹呈

指令兩浙運使所擬整頓辦法六條均尙妥協仰即妥擬詳細辦法分別呈報候核文

五年十一月十六日指令

第九百七十二號

呈悉該省鹽場散漫私產充斥整理之方首當裁併場灶規復銷岸俾產額得有限制而稅收漸可增加該運使所擬整理辦法六端詳加查核均尙妥協仰即按照所陳迅擬詳細辦法分別專案呈候核辦至廢岸減徵稅則一層關係款項並應與該處分所就近接洽以免窒碍此令

兩浙運使原呈

呈爲續籌整理浙鹺辦法仰祈鑒核示遵事竊思籌理浙鹺條途一載所有整理計畫節經建議具陳鈞署在案惟是鹽法之要自其積極政策言之則裕國便民恤商乃至改良鹽質疏通運途無一非治鹺正當之辦法而自消極政策言之凡關於取締鹽民取締連商乃至巡緝稽查種種之職務則無非從絕私入手私不可得而絕殆無積極政策之可言是消極政策不啻爲施行積極政策唯一之先導鹽務行政與普通行政微異者以此而兩浙私銷號稱難治整理浙鹺之策與他省情形又異者亦以此也思曩以爲絕私之道實以官專賣爲不易之圖顧浙產歲約四百萬担以每担收價平均九角計之需三百餘萬元即以三之一資流通亦需官本一百萬以上而設備之經費事實之障碍尙不

計焉處今日國計困難人心浮動之時實未足以語此故反復籌思始有降而爲商專賣之計畫若築室然企圖堂構者不得自爲斲削寄其權於大匠而嚴重監督之猶愈於道謀不負責任者之紛紛也乃商專賣之策復有所扞格而未可行欲求整理之方不得不別籌他法就目前而論所亟應着手者其目的有二一曰廢無滷場灶裁併產滷最少之區域一曰復久廢銷岸漸增輕稅銷地之稅率其施行之手段有六一曰裁併場缺以添警力一曰配銷曬鹽以汰煎鹽一曰築塘養淡以清畸零之鹽田一曰限制產額以使供求之相劑一曰整齊稅率以杜輕稅衝銷之弊一曰擴充官引以清私鹽浸灌之源前四者雖無當於積極之設施然爲絕私計猶不失爲消極之政策後二者則絕私之效至於裕國裕商又所謂由消極政策而爲積極政策之先導者已茲就管見所及彙括以上各條辦法謹爲鈞署陳之查長蘆歲銷三百餘萬石產額尙不止此而設場缺止三處兩淮歲銷四百餘萬石產額亦必有超過而設場缺止十五處今兩浙歲銷不過二百餘萬石就今產額超過一倍亦不過四百餘萬石乃設場缺至三十處之多歲需經費至十一萬餘元之鉅即除蘇屬不計在浙境者且有二十五場此二十五場之中如仁和許村錢清三場皆絕對不產滷之區三江鳴鶴兩場雖有少許之鹽田或坍塌無定或爲數畸零亦與無滷地等此外如清泉穿長大嵩長亭杜瀆五場雖各有鹽田然產額稀微設官專理徒糜國帑今若將不產滷之五場一概停廢而將產額稀微之五場酌量歸併或徑行廢止則

行政經費約省三分之一一場之經費可設鹽警五十人十場之經費即可設鹽警五百人當此國帑支絀之時既不能擴張預算厚警力以從事緝私惟有就定額之內量爲移撥上年裁併杭縣鹽警局以擴充仁和場鹽警本年裁併溫處各場局以擴充溫處各場鹽警裁併曹娥場大道頭新塩杭州等查驗所以擴充甯紹各場鹽警俱循此方鍼也惟已廢之場其向無產滷者當爲鹽民籌生計其產滷而不多者且當爲海疆盡地利由前之說則莫若以灶民充運商使之專運曬鹽行銷於原定區域予以優先之權然後鹽民乃不至以失業而生紛擾而他場溢產之曬鹽得此尾閘不但一反掌間有化私爲官之效且於限制產額亦易於措手蓋目前之配銷既有其途則所限制者不過對於將來之取締而已由後之說於已廢之鹽田急宜籌官帑或設公司爲之築塘養淡俟土壤種植招民承墾所繳之地價必足以彌補築塘之費而有餘南通沙地每畝自四元漲至十五元是其明徵且於鹽田廢置後防止私煎私曬計無愈於此者至廢場原有之灶課自可由所屬縣署帶收與水鄉辦法一律並無窒碍此無滷鹽場及產滷較少之區亟宜分別裁併者一也又查浙境廢岸如仁和之上四鄉許村之袁化鎮鮑郎之澈浦蘆瀝之獨山以及廣屬之廣豐興安等處幾於片引不銷等諸甌脫而甯台各屬私銷則尤汎濫場境稍加干涉動輒釀成反抗風潮稽諸前事案牘重疊然諸廢岸所食之私大半卽爲以上所舉應行裁廢各場所產之私仁和許村不必論卽如甯屬之鳴鶴清泉穿長大嵩台屬之長

亭杜瀆黃巖等場其近場一帶皆久以食私爲習慣若絕其產私之源則人民非食官引無法得鹽廢岸將不期而自復是廢場之策與規復廢岸其機尤息息相通至增添警力限制產額配銷鹽亦係規復廢岸必要之手段則又悉與第一目的相爲因緣者也此外食私各地若其場灶未經停廢以前則創始之初似宜先從輕稅入手養成食戶納稅之習慣以漸至於均稅其事較順而易行今擬照漁鹽稅則以每石納稅二角爲最低限度招販在指定區域以內承銷責成場知事嚴加稽查俟辦理就緒然後仿台鹽辦法按年累增以期稅率之整齊則不但廢岸化爲官引之區即綱引各地亦可免輕稅衝銷之害雖成效未可期諸且夕而目前之着手實有未容置爲緩圖者統計思義在職一年以來上年銷數除彌補八月以前短絀外尙溢全年定額十分之一本年計可溢十分之二而漁配尙不在內使廢岸盡復年來銷數當更有增加此久廢之岸以及稅率較輕之地亟宜設法整理者二也以上所陳皆係概括之計畫如蒙俯允准行容當擬具詳細辦法分別專案具陳所有續籌整理浙巖辦法各緣由是否有當理合具文呈請鈞署鑒核示遵謹呈

指令兩浙運使溫處鹽行鹽店暫行規則應准備案文

五年十一月二十二日
指令第一千四十一號

據呈暨簡章二份均悉應即備案此令

兩浙運使原呈

呈爲溫處督銷局擬定取締鹽行鹽店暫行規則據情轉呈仰祈鑒核備案事案據溫處督銷局局長盧兆梅呈稱竊維裕增鹽稅首在疏通銷路疏通銷路尤不可無運銷機關現查溫處運銷機關不過鹽行與鹽店兩項本年改組以來各場整理場產亦粗有端緒各屬商家漸知杜絕離業日有起色往往集合資本稟請開設鹽行鹽店者已非一處惟鹽行鹽店其內容之組織界限之劃分向未有詳細規則以資遵守故何地宜設鹽行何地宜設鹽店範圍既未明晰辦理無從依據請爲詳細解釋等情到司查溫處二處鹽行之設其性質等於綱引地之鹽販係爲便利坦戶客販購運起見而鹽店純然銷售零鹽並無代買之權自今以後凡屬行銷食鹽區域如有商人願在扼要地點開設鹽行者自應照准然須責令集資收買俾得鹽有所歸宿而遠近鹽店鹽販均可隨時向行購運以應銷市至於行銷籍鹽區域尙未設有鹽店者亦應准其開設惟不得有代客買賣之權致與鹽行辦法兩生抵觸總以鹽行須飭開放主意不必認定銷地以除專商之弊惟鹽店僅祇限於一隅取利又屬微薄况有銷額認定似不能不暫加限制以杜傾軋併即體察該處情形分別鹽行鹽店妥擬詳細規則呈候核奪指令遵照在案去後茲據該局長根據從前取締鹽行簡章參酌現行鹽商售鹽規則擬定鹽行暫行規則十七條鹽店暫行規則十五條繕摺呈送前來察核所擬規則尙屬周妥除指令切實辦理外所有取締紹處鹽行鹽店緣由理合連同規則據情呈請鈞署鑒核備案謹呈

溫處鹽店暫行簡章

第一條 在紹處城區域內無論銷售籌鹽食鹽凡屬扼要地點經官廳認為合宜者准開設鹽店

第二條 凡商民稟請開設鹽店者須將牌照各費先行照章繳納並取具切結暨就地殷實商店兩家以上保結稟准督銷總局批准呈奉運署填給執照方准開設

第三條 凡設有厥商地方鹽店應向厥購鹽照章完稅領照其有商厥兼有鹽商地方則祇向鹽行購買如併無商厥及鹽行地方則向鹽牙兌價再由鹽牙開單報由就地厥局收稅

第四條 鹽店須於開設時將銷地及每年認銷總額約計稟准存案如經官廳查實該地銷數浮於約計之數或該店約計之數過多時得再准許他人添開鹽店或查實該地銷數不及約計之數得設法取締其暗中以輕衝重等弊

第五條 鹽店於所認定銷額滿一年後由就地主任官署切實攷查銷過認額之半數者得由官廳准許他人添設鹽店其銷不及認額之半數經官廳查實該店確因無資營業或係不願業鹽者得呈由運署將該店封禁之

第六條 鹽店須於甲月下旬估計乙月購鹽洋數并加月息計算勻攤鹽斤酌定賣價稟由就地各場局主任官核定牌示及至乙月售鹽鹽店不得違背牌價任意壟斷違者案照奉頒售鹽規則第

一條甲項處罰

第七條 鹽店得自備價製定司馬秤桿惟製定後須納由督銷總局較准烙印以資識別進出鹽斤一律通用不得有私自製用及重入輕出情事違者案照奉頒售鹽規則第一條乙項處罰

第八條 鹽店應用簿冊應送由就地各場局編號蓋印就地各場局得隨時吊簿檢查

第九條 鹽店只准銷售零鹽不得有打籬出境及代客販賣之權並不得巧立名目額外勒索

第十條 鹽店所在地如有私店未經繳捐給照以及私販挑運私鹽妨害官銷者得由鹽店隨時查報由就地緝私或查驗機關緝拿並照章給以該賞款之二成

第十一條 鹽店不得購買私鹽違者案照奉頒售鹽規則第一條丁項懲辦

第十二條 鹽店售鹽不得攙和泥水或沙土等雜質違者案照奉頒售鹽規則第一條丙項處罰

第十三條 以上各條鹽店均應遵守如敢違背除各項已有懲罰規定照章辦理外並得由就地各場局主管官案照情弊輕重酌量懲辦

第十四條 本簡章以呈奉兩浙運使核准之日由溫處督銷總局公布施行

第十五條 本簡章如有未盡事宜或因管理上之不便得由鹽店所在地之鹽務主管官署隨時函由溫處督銷總局轉呈兩浙鹽運使修正

溫處鹽行暫行簡章

第一條 在溫處區域內無論銷售筭鹽食鹽凡屬扼要地點經官廳查核認為合宜者均准開設鹽行

第二條 凡商民稟請開設鹽行者須將照貼各費先行照章繳納並取具切結暨就地殷實商店兩家以上保結稟經督銷總局批准呈奉運署填給執照方准開設

第三條 鹽行代售鹽勛無論船戶客販均應聽其自由投行鹽行不得強制留難

第四條 鹽行代客販賣不准囤積居奇所代售之鹽應隨時報明該鹽行所在地之廠局查驗後儘數秤收入厥其無官販地方得由鹽行另屋存儲惟須一律由場局監督啓閉其離廠署較遠之鹽行應聽候派委員司照上法行之

第五條 鹽行所在地其附近各場局者凡運銷鹽勛應聽候廠局啓封開倉(或鹽行存鹽之屋)秤放及查驗方准運銷其離廠局較遠之鹽行應聽候廠局派委員司照上法行之

第六條 鹽行只准代客販賣並按照各筭食區域分別大小筭鹽先稅後抽領照行運不得零售散鹽致生管理上之障礙

第七條 鹽行除酌取仲金外不得另立名目勒索淨收

第八條 鹽行得自由販賣無須認定銷地致滋專商壟斷之弊

第九條 鹽行應用簿冊須送由鹽行所在地鹽務主任官署編號蓋印以憑隨時吊驗

第十條 凡廠境未設商販地方官廳得因便利坦戶疏通官銷起見准鹽行自向坦戶購鹽惟收買之鹽應遵照本章程第四條規定辦理其已設商販地方鹽行只能向商販購鹽其完稅捆籤等事應另遵照商簡章之規定

第十一條 鹽行進出鹽價暫聽各行自行從公估計但不得聯合同業把持一味高抬抑勒倘各廠商販成立鹽行只能向商販購鹽其價格一項應另遵照商簡章之規定

第十二條 於各場商販未成立以前鹽行遇有區域內鹽產不敷時得稟由督銷總局呈准運署逕赴他場收運其收運之方法現經訂有規則者自應遵照辦理其未經訂有規則者應隨時由官廳妥訂呈准遵行

第十三條 凡設有鹽行地方無論鹽店客販均可隨時向鹽行購售以應銷市而免混弊

第十四條 鹽行承售功鹽應遵照官廳每月酌定價目售銷

第十五條 以上各條鹽行均應遵守如敢違犯一經查出或被告發查明屬實者即由督銷總局或各鹽行所在地場局主任官按照情弊輕重的量懲辦其重者得將行帖取消商人律究

第十六條 本簡章以奉到兩浙運使核准之日由溫處督銷局公布實行

第十七條 本簡章如有未盡事宜或因管理上之不便得由各鹽行所在之鹽務主管官署隨時函

由溫處督銷總局轉呈兩浙運使修正

訓令兩浙運使核定新壩義橋兩處查驗所預算經費二百八十元應即照准

五年十二月二十六日訓令第六百五十六

號四

總務處案呈民國五年十二月二十一日准稽核總所漢文股股長付字第二八八三號付開據兩浙分所呈稱案准運使咨稱查新壩義橋兩處係綱商運鹽至銷地必由之要路自應設立查驗所以資查驗該兩所統歸紹興批驗所兼管茲將該批驗所原預算暨修改預算送請查核原預算所長一員月支洋一百元文牘一員月支洋三十元會計一員月支洋二十四元稽查一員月支洋二十元書記一員月支洋十六元鹽警六名各六元月支洋三十六元公役二名各六元月支洋十二元辦公費月支洋四十二元共計月支洋二百八十元修改預算所長一員月支洋八十元文牘兼會計一員月支洋二十四元書記一員月支洋十六元稽查三員一駐批驗所二十元一駐新壩二十四元一駐義橋二十元月支洋六十四元鹽警十名各六元六名駐批驗所兩名駐新壩兩名駐義橋月支洋六十元辦公費批驗所二十元新壩義橋各八元月支洋三十六元共計月支洋二百八十元等因到所查新壩義橋兩處從前本設

有查驗卡嗣經運使裁撤現在體察情形亟應重行規復藉資查驗至其修改預算核與原預算毫無出入應否准予照辦之處理合具文陳請鈞所訓示祇遵等情前來查所擬將紹興批驗所每月經費預算二百八十元復行修改尙無不合應即照准除函飭該分所外應將該函稿抄付查照陳核飭遵等情到署合行照錄總所函稿訓令該運使轉行遵照此令

鹽政彙覽第一編

單行規程 福建一

指令福建運使省議會調查鹽務無庸將案卷正式交會文 五年十一月二十七日指令第一千七

十四號

呈悉鹽務爲國家行政運使爲中央特設之官對於省議會之質問本不負答覆之義務但爲開布公誠排除隔閡起見來詳擬請省會議員蒞署見詢隨條答覆並臨時檢閱案卷之處亦屬可行此項案卷仍無庸正式交會以明權限此令

福建運使原呈

呈爲省議會調查鹽務應否答覆請示遵行事案准福建省長函開准省議會函開准本會議員周道南邱復邱嘉謨雷壽彭謝紹箕陳延香張時覺廖上清陳鶴年林晴孫賴其復施蔭常謝漢潮蔡楊江新黃王謨林榮晉葉在畚鍾毓英王亮澄郭曾墀等函開閩疆海濱鹽爲歲入大宗雖屬國稅問題然究與人民負擔有重要關係究竟吾省每年銷鹽總額若何鹽政支出若何辦理圍場計畫專賣後收入之比較若何除稅課外各縣有無附加稅售出之鹽斤有無加價其秤斗有無劃一加價有無一定之標準且全省緝私營隊總數若何所緝私鹽及所科罰金是否定有專條其罰金究有若干供何用

途有無彙報以上各項均與國計民生所關匪細疑義所在未忍緘默用特函請轉致省長查明逐一見復爲禱等因相應函請查照轉向鹽運使署調查見復等因除先行函復外相應函請查照辦理見復爲荷等因准此業經函復以鹽務係屬國稅自鹽稅抵借外債各省設稽核分所所有進出款日均經洋員稽核省議會調查各項本署應否按條答復現已呈請部示俟奉復後行函請轉致惟省議會諸君瞻懷桑梓鹽務收支狀況進行方法誠如來函所云均與國計民生所關匪細自宜博訪周諮應請省議會諸君定期惠臨本署自當開誠相告或有疑義之處亦可臨時檢閱檔卷以期詳悉相應孝祚省長察照轉達爲荷等語竊因本署圍場銷運正在邁往圖功案牘紛繁帳目頗瑣稽核分所函詢駁剔已屬日不暇給若增以省議會之問答誠恐舉一漏百徒事糾紛於要公轉致貽誤故請其蒞署如有見詢隨條答復並可檢視案卷以期簡便至應否按條答復之處理合具文呈請鈞署察鑒指令祇遵實爲公便謹呈

鹽政彙覽第一編

單行規程兩廣一

訓令兩廣運使福建運使潮橋運副由閩運粵鹽斤未經在閩抽厘應由廣東分所補徵文 五年八月三十一日訓令第一百十七號

運銷廳案陳稽核總所付稱據廣東分所函稱現接汕頭支所來函以商人楊安運來西埔鹽斤五船因未經繳納西埔鹽厘已飭其如數補繳交中國銀行收入歸入鹽款項下等情前來查該支所辦理此事尙屬平允惟查汕頭秩序仍未恢復將來倘有此等案件發生應如何辦理之處伏候示遵茲謹將汕頭支所來函附陳鈞核等情前來查該商人補繳西埔鹽厘七百五十八元應准照辦歸入鹽款帳內嗣後如有他故不能按章在閩征厘即照此辦理除函飭廣東福建各分所外抄錄稿函暨附件付請轉飭知照等因到署除分行外合函照錄原件令行該運使運副查照此令

附總所致福建分所函

逕啓者關於由福建運往廣東之鹽斤嗣後應按劃一之率每擔抽收厘金四角一節業經本總所民國五年六月三十日第二百零九號函飭遵在案茲奉總會辦諭飭將廣東分所民國五年五月二十九日第四百二十五號函(連同附件)及總所民國五年七月十一日第五百十五號復函抄寄貴經

協理查閱俾得辦理關於新埔厘局所需之一切事宜此致

附總所致廣東分所函

逕復者據民國五年五月二十九日第四百三十五號函稱等情茲總會辦諭飭知該助理員等之辦法業經照准現應將業已歸入鹽款帳內之款七百五十八元作為已收之款列入現款帳內（分所第八號單式）並作為應收之稅款列入該帳（即分所第七號單式）特設之厘金項目欄內又作為雜收之款列入分所第二十八號帳單（一）嗣後如有他故不能按照定章在閩征收鹽厘則應照此辦理關於此事應請注意總所民國五年六月三十日第五百號函（二）現在總所正將此函抄送福建經協理查照

附潮橋支所致廣東分所函

經理協理鈞鑒敬稟者案查自前潮安獨立兩星期後當地方秩序紊亂之時四月十三日有商人楊安報稱赴閩配運鹽斤回汕銷售以濟民食到支所領水程照以資配運其時潮橋運副已逃避省垣商人無從領照敝支所祇得暫行變通辦理維持國稅發給水程照該商四月二十八日經有鹽五船到汕當即派員往驗旋據報稱確係閩鹽惟該商未繳納西埔出口厘金請示辦法助理員等查地方多故該商未能繳納西埔厘金事所常有應即在支所補繳以顧國稅所有該商補繳西埔厘金七百

五十八元仍交中國銀行歸入國家鹽款項下該鹽五船共計一千八百九十五擔經照稅率上稅其補繳西埔厘金一項未悉如何入數懇請議示辦理仍乞轉詳總所察核實爲公便

電兩廣運使東港官場已定出租辦法逕與分所商辦具復文 五年十月三日

感電悉東港官場據姚前運使擬陳辦法業經署所商定應將該官場尅期出租訂明年限並與承租之人訂與政府最屬相宜之條件及設法訂取充足之租價同時並將官場局即行裁撤移歸墩白場知事管理等語於本年四月由總所函知分所有案仰即逕與會商遵辦具復核奪署江買印

附兩廣運使原電

署鈞鑒案查姚前使詳擬招商批租河港官場一案奉批付所核覆酌定飭遵等因現經日久該場止修壅塞堤壞產鹽愈劣且值地方紛擾運艱銷滯入不敷支頗難維持如決批商則早日開投倘仍官辦須另設法籌款修塌嚴加整頓方有成效應如何辦理仰祈辯賜核定電飭遵行丁乃揚叩感無

訓令兩廣運使香安漁船發給料票一律由分所辦理文 五年十月六日訓令第三百六十二號

場產廳案呈稽核總所漢文股股長付據廣東分所函稱香安埠漁船須領料票擬由分所發給等情查漁船準單前經核定由分所派員發給此項料票自應一律由分所辦理業經函飭該分所相應抄錄該函稿暨原函付請核飭等情前來查該所前付關於香安屬漁船給發準單一案當經抄飭知照茲據付

稱前情合即照錄原件令行該運使查照辦理可也此令

附稽核總所致廣東分所函

逕復者據民國五年八月三十一日第五百四十三號函擬將料票改歸分所給發等情茲奉總會辦諭令知所擬一節業經核准此項料票即核准蓬船運鹽出海售與漁船所發之准票應即援照總所民國五年七月十三日第五百十七號函關於漁船准票所令之辦法一律辦理此項料票應裝訂成帙依次編印號數加蓋分所印信由收稅局於按照來函所開稅率交納稅款時發給本總所現正付請鹽務署轉令運使遵照矣此致

訓令兩廣運使核定廣東海南三亞場及各局廠鹽警開辦經常各費文

五年十月二十四日訓令第四百二十一號

總務處案呈民國五年十月十四日准稽核總所漢文股股長付開據廣東分所函稱關於海南場署及各收稅局於籌備時期內實用經費一萬一千四百四十八元八角九分由運使在截留另款項下撥給等情並附經費表前來查此項實支之款計一萬一千四百四十八元八角九分既由截留款項撥給自應准予核銷俟該處秩序恢復可以重行開辦時所有各場務局及鹽巡經費可暫照該分所前次所送預算數目開支每月不得超過二千五百五十六元由各該局實行開支之日起支惟於未經呈請核准以前不得再支開辦費除函飭該分所外相應將該函稿連同經費表暨該分所前此所送之預算冊一

併抄付查照轉陳查核飭遵等情到署合亟抄錄總分所函稿並該場署暨收稅局經費表又姚前運使原送分所咨文暨三亞場署及佐治廠局並鹽警開辦經常各費預算冊稿訓令該運使轉行該場知事遵照此令

訓令兩廣運使據總所稱關於核擬水程照費及繳稅收據秤鹽丈量各辦法抄飭知照文

五月二十

六日訓令第四百三十號

場產廳案呈據稽核總所漢文股付稱據廣東分所函稱現接汕頭支所函據汕頭承商林適梧等稟稱章程窒碍運銷困難請予變通辦理等情查該商等請將收據與准單同時發給及請加派各場監秤人員各節業經函請汕頭支所切實擬議俟函復到所再行轉陳察核至該商等請將水程照費每張由十元減至一元一節查水程照費若照現在徵收數目未免過重該商等所請減輕照費尙屬公允理合照繕該商等原稟陳請察核示遵等情并附件前來查汕頭水程照費每張可由十元減爲一元繳稅收據應與放鹽准單同時發給俟鹽斤發放後應由放鹽員於送交該員之准單內將此節註明然後送還該助理員至關於秤鹽問題前經電令該助理員暫用丈量之法茲該商等擬請將從前橋上大小河鹽落船後再行丈量辦法實行於橋下各節應由該分所詳細報告并擬具辦法送核除函飭該分所外將該函稿連同附件一併抄付查照轉陳查核等情合行抄錄總所付送各原件令飭該運使知照此令

附稽核總所致廣東分所函

逕復者據民國五年八月二十八日第五百四十號函稱等情茲奉總會辦諭令知所擬各節業經照准汕頭水程照費亦可減至一元(二)繳稅之收據應與放鹽准單同時發給俟鹽斤發放後應由放鹽員於送交該員之准單內將此節註明然後送還該助理員等所發給商人之准單內亦應照此簽註(三)關於總所民國五年九月五日第五百六十六號函所開令汕頭助理員等切實丈量各船之鹽數無須過秤俟會辦前赴汕頭調查時再定辦法各節既據上開第五百四十號函附件聲稱該商人等擬請將從前橋上大小河各屬之駁船存貯辦法施行於橋下各等情茲奉諭令貴經協理詳細報告一切並擬具妥切辦法俾免在各鹽船秤鹽之舉有令人苦惱之耽延情事如鹽斤概由散運並不裝包則採用該商人等所擬之辦法或尙有益也此致

指令兩廣運使呈報續行審定南樞運商應准備案文 五年十月二十八日指令第八百九號

據呈報續行審定運商陳業新承運南樞鹽斤等情應准備案仰即與分所妥爲接洽此令

兩廣運使原呈

呈爲續行審定南樞運商具呈仰懇鑒核備案事竊查平南樞取銷包商改定坐配附場稅率招商承運一案經姚前運使審定商人李觀成李裕劉豐唐惟善等四人承運南樞鹽斤准予給證辦運其續

請運鹽之陳業新等各商亦經按名註冊俟在先認運各商有不合格或違章剔除者再行挨次核補並已將辦理情形分別詳報咨飭在案嗣奉鈞署飭行准稽核總所核定辦法凡一人運鹽不得超過最高之定額或以成數而論以全額二成爲限飭即遵照等因自應遵照辦理查南樞銷額原定八萬擔按全額十分之二核計每人應占運一萬六千担該商李觀成李裕劉豐唐惟善等四人應共占運鹽斤六萬四千担所餘一萬六千担銷額照章應由續請運鹽註冊在先之陳業新承運前據該商陳業新稟請承運前項所餘銷額經前鹽政處派員審查資本尙屬殷實未及辦竣移交前來復經運使派員再查該商確係正當商人資本殷實可靠自應准予給證俾與李觀成等四商一體辦運業令該商陳業新暨李觀成等遵照每人每年准運南樞鹽一萬六千担如有逾限多運即照省河配鹽辦法每担按二元五角之稅率繳足以符定章除咨會稽核分所暨分令知照外所有續行審定南樞運商各緣由理合具呈仰懇鈞署鑒核俯准備案實爲公便謹呈

第四百四十三號

訓令西岸樞運局潮鹽已收足稅款者應予免除口捐惟積存舊鹽仍應照章抽捐文
十五年十月二十八日訓令

查潮鹽入贖所徵口捐一項前經本署核定俟該處新稅實行之後即予免除所設各卡專事查驗電飭該局與潮橋運副接洽辦理嗣以潮屬軍事發生新稅未能實行復經電令該局仍照舊辦理在案茲據

會昌筠嶺商務分會電稱徵稅鹽運贛已久乞迅令取銷贛局釐捐等語查現在潮橋徵稅辦法業已漸次實行該局自當查照本署前飭辦法妥為籌備如潮鹽入贛已經收足二元五角稅款者應即查驗運照放行所徵口捐即予免除惟積存舊鹽未經收足稅款者行銷贛省仍須照章抽捐以示區別至如何將各卡歸併改設之處仍仰與潮橋運副接洽商定辦法呈候核奪此令

訓令兩廣運使取消鹽業專利及嗣後商人稟請註冊辦法文

五年十一月十一日訓令第四百九十一號

場產廳案呈稽核總所漢文股付稱廣東全省實行自由貿易一節現據廣東分所詳稱運使核准商人十二名承運平南鹽斤十二名中僅得一人其十一名係屬偽名似此辦法實與專利無異應請核准撤銷恢復自由辦法等情查取消鹽業專利不准商人再行規避定章各節及取消昌發公司在欽廉兩州鹽業專利一案並關於商人稟請在平南及粵省其他各處連鹽註冊等項業經本所總會辦核定辦法函飭分所相應抄錄原件付請查核飭遵等情據此合將原件抄發仰即按照該所辦法迅將關於取消昌發公司鹽業專利一案會同公所出示曉諭並分別抄發俾眾週知至嗣後商人稟請連鹽註冊一節除照章由該運使審查外並應諭知該商人隨時具稟分所或支所備案此令

附稽核總所致廣東分所函

逕啓者關於總所民國五年三月十八日第四百零一號函貴分所民國五年八月八日第五百十七

號函總所民國五年八月三十一日第五百五十九號函內所附總所民國五年八月二十五日所致平南支所之第五百五十五號電所稱各等情茲奉總會辦諭令知如下(一)關於取消各處鹽業專利暨嚴究所有再行設法規避定章(即廣東省內採用真正自由貿易辦法所定之章程)之人各節中國政府業已核定該項辦法斷難取消至於取消昌發公司在欽廉兩州地方之鹽業專利一案應即遵照定章辦理並應竭力將政府所核定之辦法廣為宣示貴經協理應即與運使會銜出示曉諭商民人等並應將該告示繕備若干份分寄平南及汕頭兩支所除令各該支所將該項告示張貼於辦公室外並應分發各鹽商俾一體遵照此外貴分所內應存留一份備案再另抄若干份分寄本地之新聞報館及香港報館登報宣佈俾衆週知(三)關於商人稟請在平南及粵省其他各處運鹽之註冊辦法茲奉諭令知如下(四)嗣後所有稟請運鹽之商人除逕向運使稟請立案外亦應將稟另具一分送呈分所或支所俾分所或支所收到該稟之後再據情咨詢運使稟請之案或准駁或均為運使之專責惟貴經協理倘見得該運使拒駁之案並無充足之理由應即呈明總會辦(五)本總所現正將此函抄寄北海支所查照並付請鹽務署令行運使矣此致

電令潮橋運副核定潮鹽掣驗辦法文 五年十一月二十二日

查潮鹽掣驗辦法現廣東分所函經總所核准所有前定丈量辦法應即取銷仍照舊用秤等因即仰該

鹽政彙覽第一編

單行規程 四川一

呈 大總統陳明四川辦理鹽務經過情形及現在變通辦法文 五年十月七日

呈爲陳明四川辦理鹽務經過情形及現在變通辦法仰祈 鈞鑒事竊四川鹽務向分票地引地票課係屬歸丁引鹽則歸官運民國初元官運廢止破岸均稅成法蕩然自現任鹽運使晏安瀾到任後悉心殫盡力圖整頓於票地則設立公垣仍由民販於引地則聯絡廠岸組織公司川省釐綱規模粗立當時輿論可否頗不一致而尤以富榮鹽業公司反對爲最力經部署於前年九月呈准四川鹽務組織公司應將製鹽運鹽劃分辦法以杜紛爭並經核定運鹽公司辦法大綱准其試辦一年批飭該運使遵照中經一再磋商始於上年四月決定運鹽公司辦法並據詳報於六月一日成立各在案在此一年試辦期內該運使慘淡經營不遺餘力雖其間遭值軍興進行仍不稍懈綜計一年引票鹽稅在前清時代僅徵六百三十萬兩者竟徵收至六百五十餘萬兩恢復舊額而有餘以極敝之川釐整理至此該運使之功實有不可沒者但上年決議之時原以前清舊額六百三十萬兩爲準內分票鹽應徵稅款一百二十九萬餘兩公司認定稅款四百七十九萬餘兩其比較舊額不足之數另行設法彌補乃一年辦理之結果票鹽徵至二百四十萬餘兩視應徵之數大有增加公司則僅徵四百萬餘兩即以公司收買積鹽補稅

及黔岸通過稅等項一併科計亦視認定之額尙有虧短故合引票言之固屬收數有盈而專就公司引鹽言之則稅收猶未足額也洋員丁恩依照善後借款合同有稽核稅款之職權並有襄助改良鹽務之責任對於公司虧短稅額頗有異詞並以引票成績相較謂引地各公司若與票鹽同一辦法准民販自由貿易其成績或當更有進步於是取銷公司之建議部署因茲事體大再四籌酌以爲公司機關之存廢關係尙小而井廠根本之動搖影響實大川鹽各井廠大小不一製鹽成本亦輕重不同全賴分廠分岸各占銷路而又有稅率等差以調劑之若徒慕就場徵稅任其所之之美名而破岸均稅純任自由則小廠銷岸必將爲大廠所侵占本重之鹽又必爲本輕之鹽所排斥恐民國初年之覆轍又將復見於今日是以決議取銷公司專賣制度一律改爲散商仍照分廠分岸舊章指運何岸必配何廠之鹽各按現行稅率繳納至公司方面亦須亟圖結束所有認額未運之鹽虧欠額稅即予豁免其已稅未運之鹽照常運銷各公司仍准以散商資格與其他商人一體營業並將保證金發還以示體恤如此變通辦理不過易專商爲散販化壟斷爲競爭於井廠根本不致動搖而稅收亦可更求進步計畫既定即於本年公司試辦期滿飭令該運使將公司辦法照案取銷並以事關稅款飭由稽核總所行知四川分所一體遵照伏念四川鹽務辦理最難當前年公司創議之始衆口聳呶是非各執及公司試辦案定爭議始得稍息而反對者以鹽廠阜積指公司爲詬病猶時有之今政策變更辦法既易則昔之反對者必轉而

贊成昔之贊成者又必轉而反對此一是非彼亦一是非議論紛紜又將聚訟箕風畢雨既好惡之不同暑雨祁寒終怨咨之不免部署綜持離法惟有權衡利弊斟酌時宜本一定之政見以貫徹其主張力排羣議督促進行冀達改良鹽務之希望至於扶持廠困接濟岸銷部署職任所在自當督飭運使切寔辦理斷不敢稍有貽誤致隳離綱所有陳明四川辦理鹽務經過情形及現在變通辦法緣由理合具呈伏乞 鈞鑒謹呈

電四川鹽運使所擬設查驗局辦法已交所核議可即照此籌辦文 五年十月二十五日

佳電悉所擬將查驗經費即就分所已經簽支之七千七百九十元酌量支配甚屬妥善即可照此籌辦至此項經費數目及設局辦法已飭交總所核議倘該所仍有異議當再另行籌撥署有落印

四川鹽運使原電

虞電敬悉分所自本年六月起每月簽支督銷緝私局經費六千二百七十元又監運經費一千五百二十元總共每月簽支七千七百九十元實不止簽支監運經費一項運使冬電擬設查驗機關三十處即使一律准設而於查驗收繳運票等事仍多罅漏且查驗之煩難十倍於督銷監運其責任亦極重大運使尙未敢擔負昨奉鈞署三百四號訓令知總所於濟楚之鹽擬令中行擔保否則仍舊退稅又擬將富榮等廠票鹽增加稅率以防避重就輕之弊似總所但注意於富榮等廠之稅率並不注

意於邊計各岸之查驗鈞署以此提商亦未必發生效力惟現聞各處私鹽偏地緝不勝緝且有大宗梟販持械橫行若以剖斗析衡之說施於今日正不知流弊伊於胡底今擬就款項以設機關暫時保存成法勿使一旦掃地而盡以昭慎重所有查驗經費可否即照分所已經簽支督銷監運經費七千七百九十元之數酌量支配將來或去或留或增或減俟辦理數月後再行察看情形詳請定案仍乞電示以便遵擬地點具陳晏安瀾叩 眞佳印

四川鹽運使原電

有電敬悉查驗一事即當預爲籌備一俟總所議覆再行改設晏安瀾叩 勸言印

電令四川運使填發運照按照前發分岸配銷單辦理文五年十一月十四日

勘電悉所論極是查本署八月間第九十一號訓令內附發分岸配銷單內銷鹽區域本已分別規定現在填發運照應即以單開區域填列如商人由鍵廠運鹽至涪計岸各縣者即填寫涪計岸至涪邊岸者即填寫涪邊岸業已商明總所電飭分所按照前次所發之單辦理特電復署 寒右印

四川運使原電

署川鹽現雖改爲自由貿易部令仍應分廠分岸粘單所列行鹽區域共十八處於配鹽廠分銷鹽地點均經註明如鍵計則有滇永涪納之別鍵邊則有滇邊永邊涪邊之分區域遼闊非劃清地段不能

酌劑產銷之盈虛現在散商運鹽五通橋支所僅填捷岸字樣未免範圍太廣與照舊分廠分岸辦法不符不但查驗爲難亦恐於場產岸銷均有窒碍應請鈞署提商總所轉飭分所支所查照舊章填明地點以杜侵越晏安瀾叩勸言印

訓令四川運使川北運副飭知川北收稅監秤委派收稅員秤手辦法文

五年十一月十七日
訓令第五百六號

場產廳案呈據稽核總所漢文股付稱據川北分所報告關於川北監秤員各節查該處收稅及監秤事宜不得仍由公垣辦理可委派收稅員五人駐於目前所指定最重要之鹽區五處并可在各該區公垣內派駐秤手至其他各區如遇需用秤手時亦可酌量委派但各區司務及巡丁仍須酌留若干人歸場知事管轄以便辦理公垣及緝私各項職務所有擬派秤手須會商運副酌量辦理除電飭該分所外將該電稿連同原函抄付查照轉陳查核等情前來查川北收稅及監秤各節前經署所商定辦法將重要鹽區場知事之兼充收稅官名目取消另設會計員辦理收稅事宜飭知籌議具報在案茲據該所付知前情除分行外合行抄錄各原件令飭該運使運副遵照並將前飭歸併鹽場改定鹽區各節迅速會同分所籌議具覆以憑核辦此令

附稽核總所致川北分所電稿

綿陽川北稽核分所鑒十月十日第二百零五號函悉總所二月十日第六十四號函所令各節業經

第一百零七號函修改在案但現據呈稱各節而觀則第一百零七號函之令亦須稍爲修改現在總會辦不願將收稅及秤鹽之事宜仍由公垣辦理故應委派收稅員五人駐於日前所指定最重要之鹽區五處此項人員自當從速遴選派往并可在各該鹽區所有公垣之內派駐秤手因運副現不能分派充足之能幹及願意辦理秤鹽事宜之司務及巡丁駐於各該區內也至其他各區若遇需用秤手之時亦可酌量委派但所有各區之司務及巡丁必須酌留若干人歸場知事管轄俾得辦理公垣及緝私之各項職務故所有擬派秤手情事必須會商運副酌量辦理並將所擬之辦法電陳前來至所擬將各鹽區改定劃分一節應候運使具報前來再行辦理現可着手預備將各鹽井及棧倉分別註冊其詳情請參閱總所第一百十一號函可也總所

川北分所原函

敬肅者案奉鈞所第一百四十六號電開監秤人員辦法應照本所第一百零七號公函規定從前命令均應作爲更改倘非得有特別准許後項命令不得廢除之並應參看本所第一百四十六號公函又將來舉行新辦法之前俱應函知運副等因奉此經協理遵查本年七月二十七日鈞所第一百零七號專函並無飭知關於更改本年二月十日第六十四號專函核准監秤人員預算表一案之命令自收到此號專函後分所並無舉行何項新政然經協理以爲監秤人員一案既已奉准故所有核准

預算仍舊實行撥俟鈞所所擬政策與運使商妥之後再將新預算表送呈查核分所自奉到本年二月十日鈞所第六十四號專函三月起漸漸在急需之處添設監秤員新設之始均有函知運副及場知事然運副及場知事對分所則未嘗表示同種禮貌如今夏設立鹽巡警一案故分所此時不能確定此項賬目然在已經設置監秤員之區關於更動或加添人員分所則無函知運副及場知事茲種變更僅函知監秤長而已因各分所習慣皆然也查運副從來關於其公署及其屬員公署所有變更永無函知分所則分所關於人員更動亦自毋庸函知運副若欲變此辦法則懇請鈞所明示以便遵循經協理關於委派監秤人員及秤放鹽斤概係准照稽核分所章程及鈞所核准預算表辦理今復受譴不無驚駭委派監秤人員實於稅收有所裨益察之附表所列關於本年六七八九四個月收款即可以見

七月 本月初旬因不承認違背定章委派西鹽稅官一節分所遂派黃調查員前往考察賬目及監理稅收事宜其結果該月稅收漲出從來所未嘗有之界限其餘超出六月之區則有樂至綿陽蓬遂三處因各該處在六月多受紛亂影響商業大半停滯是以七月增多又簡陽增多之故因運鹽公司在該月交款也

八月 分所於七月抄及八月初邊在三台蓬中綿陽射洪各要區均經添設監秤員此四處稅收

在八月分均極形增多此外並無他處有此同等增多西鹽一場決計應待改良緣缺乏人員故第一次過後又復漸就低下

九月 樂至於本月有所增加因八月間於稅官更變有所延誤雖然其統計結果在樂至尙不得稱爲滿足蓬中射洪因各地均設有監秤員故仍繼續加增至綿陽三台兩處緣未經遍設監秤員因而減少南閬蓬遂西鹽中江各處均未着手進行故亦從而減少簡陽則無一定之例此月因收有運鹽公司稅款也

照以上事實可知凡何處何時分所着手寔行稽核分所章程則稅款可以增加又何處何時分所因維持管轄之力稍弱則稅款即爲減少向者分所之賴維持有二(甲)委派耿協理與以明白命令設法寔行稽核分所章程(乙)恢復劉經理係表示組織穩固之地位以期寔行改良嗣因認運使反對各節爲正當事實反對之力因而益強在前月間經協理所行各節因缺維持之力對於舉行改良機會已失不少現擬仰懇鈞所與以時日並加鼎力維持使在射蓬之外各處亦爲改良想各該處再行添設監秤人員對於十月分稅款無疑必能增加查所有誤會關於秤放鹽斤之故因各場官均不知稽核分所章程並對於鹽務行政毫無經驗使能用搜索分所之短及設法阻撓寔行分所章程暨鈞所命令之力用而採取一種政策可以有效管轄所有鹽區即無何項要政不能以舉又鈞所一百零七號

專函所擬辦法經協理固深知其足爲將來改良之導軌然其間詳細處不無誤聽不得不畧陳之第一件場知事所轄司務並無監督秤放鹽斤所有稱放鹽斤皆公垣或公司自爲之除其間數處分所已設監秤員外並未嘗實行正式監察又徵收稅款大概非由司務皆由公垣收之按期繳納場知事各稅署按旬所報存款皆非現款貯存稅署或收稅處對於此款皆由公垣負責細譯鈞所所擬辦法當是將來分所所委監秤員在各要區應將收稅之權由公垣收回設使一百零七號專函意在將從前已決定改良辦法勿庸施行參觀二月十日第六十四號函則秤放鹽斤與分所章程反對勢必仍歸原始現象由商人管理並非期望漸漸收回國家管理經協理深恐將來必成至危險現象又川北欲求改良誠不能無有反對而成事不過以固定堅持態度行之終可達到目的實際應如何及何時在各區可以實行改良非再三詳細調查不可現經協理業經親身及由分所人員調查有數非僅照卞良臣君坐安與於都市與場知事或縣知事口談而已因其不足以知事情設想如何或應如何但知其現在情形耳經協理曾經目擊各處不妥辦法不少又日日收到各區控告收稅官或公垣函件如盡行轉詳則嫌其憚煩據經協理意見如欲實行改良及增多川北鹽稅獨一辦法惟有實行稽核分所章程即委派監秤員與他處稽核分所相同並與以同種改良之責此種辦法在各處均經呈有完善結果即照上節所述在此間開始亦未嘗有失敗也設使此項監秤員將來在各區改成收稅員

亦極易之辦法四現有樂至監秤員一案亦不得不爲鈞所陳之自其到差後數日即受鹽巡警毆打身負重傷現已送往遂寧醫治查所有各處此種反對監秤員之故實發生於運使反對分所人員管轄權之結果於此可證分所管轄稱放鹽斤是可反對現經協理並不抗辯人民反對之事惟留以待鈞裁究竟國家利益何在也分所監秤員辦事誠有碍難惟經協理向以該監秤員辦事果屬遵照分所章程而行所有發生困難情形自應竭力維持然現時經協理則不能維持其結果但求免於罪責而已經協理意見所有求行應須漸漸由一區而進一區以期強健分所管轄之權是爲最善辦法并信所有干涉分所之事祇是以增加後起者之困難（現經協理俱擬俟四五個月後即請長假並希望以後調往他處）照現在辦理國家在川北每年僅能繼續徵收一百七十五萬元以至二百萬元設使實行稽核分所章程則可得徵收三百萬元以至四百萬元然此項辦法初步應從由國家監督秤放鹽斤着手現查九月分稅款與前一月及去年九月比較均覺減少實即經協理所希望是以證明是由運使及運副干涉之結果也以上所陳各節是否有當理合具文詳請鈞鑒肅此謹上

電令四川運使調回銷岸鹽巡分駐各場並核定冬季軍衣價目文五年十一月二十七日

川南分所堅請調回各銷岸鹽巡分駐各場茲經總所商定將持械鹽巡一千一百七十名分配駐自流井二百五十名燧樂兩廠二百五十名雲陽二十二名大甯井仁各十二名川北之射蓬射洪四十三名

南閬二十一名三台樂至各十七名蓬中十六名綿陽十四名蓬遂十名西鹽十名至較少各廠分配數目准參酌本地情形量予更改其新募鹽巡五百三十名應加入上開鹽巡之內者若干應給軍械者若干應由該運使會商分所呈核又原有鹽巡一千一百七十名冬季軍衣每套准給價四元其新募鹽巡並准照該運使與分所酌留之數購製軍衣除總所電飭川南分所外合電飭遵署沁無印

訓令四川運使核定雲陽場暫派收稅官文

五年十一月三十日訓令第五百五十五號

總務處案呈民國五年十一月二十五日准稽核總所漢文股股長付開據四川萬邑商人張樹芝等稟稱雲陽場知事對於商人按照定章繳稅者多方藉口不允放鹽等情除電飭川南分所查報并准從速暫派收稅官一員駐於雲陽月薪一百五十元呈候核奪外相應將該電稿連同原稟一併抄付查照轉陳查核飭遵等情到署合行令仰該運使遵照此令

訓令四川運使鹽務人員不得兼任他職文

五年十二月十一日訓令第五百九十六號

總務處案呈稽核總所漢文股股長付稱據川南分所詳稱分所前以鹽官能否兼任別職向未規定有案曾經電請核示旋奉鈞所本月三日電開鹽務人員除特准外不得兼任別職所指究竟何人著即呈報等因奉此查分所日前曾據調查員殷李溢由瀘呈報現任該處督銷局長李豐芭除本職外尙兼任瀘縣承審委員兼軍糧所幫辦二職等情查該員名片亦列有瀘縣承審委員兼軍糧所幫辦等職銜可

爲確鑿證據其餘運使統屬人員雖未經分所查悉亦恐不無兼差之事所有遵飭呈復瀘納督銷局長兼差一案緣由理合呈請核示等情前來查由鹽款項下支領薪俸人員如未經鈞署暨本所核准均不得兼任他職除函飭該分所外相應將該函稿抄付轉陳查核飭遵等語合亟抄錄總所致分所稿函令行該運使知照此令

鹽政彙覽第一編

單行規程 雲南一

呈 大總統爲劃一滇省鹽稅定期實行文 五年十一月三日

爲劃一滇省鹽稅定期實行以資整頓恭呈仰祈 鈞鑒事竊維滇鹽稅率紛煩秤斤複雜邊岸腹地情形各不相同欲施整理之方自非設法通籌折衷定制不可迭經部署督飭運使稽核分所會同妥議旋據迭次陳述該省困難情形並詳細擬議前來查滇省產鹽地方向分三大井區每井銷鹽區域均有內岸邊岸之分其運道之險夷與夫成本之輕重兩岸本有不同勢不能強歸一律舊制分岸行鹽原屬甚善惟從前內岸稅率每百斤征收四元七角以至二元八角邊岸稅率每百斤征收二元七角以至三元四角多寡不等稽核爲難所宜權衡重輕化散爲整至如內邊兩岸所用鹽秤內岸則有百零五與加二十八之別邊岸則有加三十八與百五十八之殊名目煩碎虧耗尤多加以邊岸各屬地隣緬越無稅私鹽任意充斥官鹽由內地運往往有半途私卸衝銷內岸者故變法之始必須妥慎圖維量爲防制俾輕之不滋倒灌之虞重之不啓侵銷之漸至確定斤兩改行新秤則尤應相輔而行不容或緩因於上年九月間改訂新章定爲內岸每運鹽百斤征稅三元五角邊岸每運鹽百斤征稅二元無論內岸邊岸均按庫平十六兩八錢之新定鹽秤放鹽收稅從前加秤名目一律取消其邊鹽出場亦照內地稅率先

行收足三元五角俟到岸後證明該鹽係實銷邊岸再將產地多收之每百斤一元五角發還商販以免半途拆卸影射私銷之弊定案後當飭運使於本年一月施行惟彼時適值滇省軍事發生未及舉辦現在該省秩序業已恢復新任運使由雲龍遵照前案商明稽核分所電請於明年一月一日起開始試辦前來部署查此案規定已久未便再延自應准如所擬以資整飭除由部署電飭遵照外理合據實呈明伏乞 鈞鑒謹呈 大總統

電雲南運使劃一稅率一案遵照籌備文 五年十一月四日

陽電悉劃一稅率一案現經署所商定自明年一月一日起內岸每百斤徵稅三元五角邊岸每百斤徵稅二元惟邊鹽起運時應先照內地稅率繳足俟到岸再行每担發還一元五角除呈明 大總統並電飭分所外仰即遵照籌備並先期示諭遵照署 支春印

雲南運使原電

鹽務署鈞鑒卅電敬悉遵即查照前案並體察現情與分所切實會商現經議定劃一稅率內鹽百斤徵收三元五角邊鹽百斤徵收二元五角蓋內岸稅率稍減期於推銷邊岸稍重以防倒灌擬即先期會銜布告定於六年一月一日起開始試辦果進行無碍即請定案至開騰邊岸現經協商同意俟調查結果應再明定簡易辦法期於節用除弊除由分所電報總所外謹電祈鑒核示遵滇運使由雲龍

叩陽

電雲南運使官運邊鹽直征二元一節已據情商所俟得復再行核飭文 五年十一月六日

先電悉劃一稅率一事署所商定辦法已另電飭遵至所稱官運邊鹽直徵二元一節已據情商所俟得復再行核飭署 魚雨印

雲南運使原電

鹽務署鈞鑒昨遵卅電與分所商訂稅率分電鈞署總所請示遵行現分所函奉總所復電每司碼秤鹽百斤徵稅三元五角邊鹽到岸退還一元五角等因函商會同布告前來以未奉鈞示暫緩照辦又原電所定邊稅自係指商鹽為率惟開騰兩岸官運邊鹽就岸徵稅本無須還稅之手續是否即直徵二元統乞垂查前今電陳迅予明電示遵俾便先期布告屆時遵行滇運使由雲龍叩先 玉印

訓令雲南鹽運使滇省劃一稅率一案總所函電原稿抄粘令知遵照文 五年十一月七日訓令第四百七十五號

查滇省劃一稅率一案前據該運使陽電當經署所商訂辦法定自六年一月一日起內岸每百斤徵稅三元五角邊岸每百斤徵稅二元惟邊鹽起運時應照內地稅率繳足俟到岸後再行發還每百斤一元五角另電飭遵在案茲據總所先後抄錄此案飭行分所各函電原稿付請查照前來合行照錄該所原稿令行該運使遵照可也此令

附稽核總所致雲南分所原函

逕啓者前據民國五年十月七日電稱擬由明年一月一日起按新稅率徵稅等情業經總所十月十六日第三百三十號電復在案茲奉總會辦諭令知於接到此令後應即籌備由民國六年一月一日起按照所開之新稅率徵稅 (二)所有雲南所產之鹽均應先行按照每擔三元五角徵收全稅實行改用司碼秤並不得發給滷耗關於運銷邊岸之鹽斤如經證明確已運到邊岸者應將所繳之稅每擔發還一元五角其運照應由分所派駐邊岸之專員繳還分所然後再由分所將應還之款付予繳稅之商人或商人所委託之人或運鹽前赴邊岸銷售之官運局 (三)於鹽斤確已運到後須發還一元五角之各邊岸即總所民國四年九月十一日第一百九十六號第二節所指定之各岸也 (四)邊岸所賣之鹽斤亦應由分所派專員加意監視以免運到各該處之輕稅鹽斤重行運赴徵收重稅之各地此次所准之辦法對於廣南鹽稅有何影響尤當詳細查報所有與廣南繳稅二元之鹽斤互相競爭者祇有廣東之鹽然此項鹽斤於運到雲南邊界以前每擔最少亦須繳稅三元六角五分也 (五)現正將此函移付鹽務署以便轉令運司知照此致

稽核總所致雲南分所電稿

雲南分所鑒十月虞日電悉所擬由明年一月一日起施行新稅率一節已現照准如下鹽斤每司碼

鹽政彙覽第一編

單行規程 口北一

訓令口北蒙鹽局長興豐合併擇要先設局卡經費應准由鹽款帳內照支文 五年十一月二日訓

令第四百六十四號

前據該局長呈請核銷興豐合併擇要先設局卡經費當經行商總所核復並令行該局長知照各在案茲據總所復稱蒙鹽局所請各局卡經常臨時等費一百二十六元七角八分尙無不合應准由鹽款帳內照支除函飭多倫收稅局外請查核飭遵各等情合行令仰該局長遵照此令

口北蒙鹽局原詳

詳爲改組局卡有神樞務兩局經費再加縮減遵照通籌核復仰祈鑒核批示遵行事竊前詳興豐合併改組局卡一案奉鈞批及附件暨清摺兩扣圖說一紙均悉前以豐鎮收稅減少不敷開支故歸併興和以節經費茲據附片聲稱豐鎮商務繁盛仍擬將該分局移設豐鎮攷諸地勢似較適中惟以興和稅收較多之地僅設支局而於豐鎮收稅較少之區設立分局措置是否合宜應再由該局長詳細攷查詳候核奪又大海灘地方前晉北局以無稅可收詳請緩設支卡現復設支卡於天鎮村以收岱海灘土鹽之稅究竟大海灘是否岱海灘應再查明併復其餘如裁撤塔喇胡同支局並以老大營支

局移設高烏蘇村豪瀨溝支局移設二十號地及豐鎮所屬之隆盛德口隆盛莊陶林涼城張皋各局卡興和所屬之馬市口土木祿各地點設立支卡均應俟該局長將豐鎮設局天鎮村設卡查明具復後併案核辦至興豐兩局經費較原支一千二百二十餘元數目僅核減二百六十餘元接諸歸併節之本旨尙有未符仰再通籌核覆以憑辦理繳清摺圖說存等因奉此竊惟合併之事體與改組之手續理實相因惟措置一不相宜將恐治絲而棼求益反損亟須從事詳悉攷查當即錄批飭該分局長於接收時間實地調察又恐一己先入之見或有偏護復派本局二等科員王桐蔭馳往協同查勘去後旋電局元日到豐各在案茲該員等會詳前來據稱竊查興和分局原設於興北蒙地馬王廟專爲徵收蒙鹽入境之稅嗣因蒙地土匪滋擾於民國三年移設興和縣內在興屬分設局卡徵收過境之稅其設支局地點則有阿桂廟豪瀨溝塔喇胡同補隆灣老大營七節村凡六支局查阿桂廟收二連大諾鹽稅年收可達一萬五千餘元豪瀨溝收二連大諾鹽稅兼收馬塔鹽稅年收可達九千五百餘元補隆灣徵收二連大諾鹽稅兼徵文貢諾白鹽及大青鹽之稅年收可達四千六百餘元塔喇胡同七節村老大營子三支局向係杜截蒙鹽入境繞道之區每年徵收亦達三千及二千數百元不等統計興屬支局年收三萬七千餘元興和分局僅稽查各支局已稅之票稅收無幾不過爲各支局之督飭而已今既將豐鎮各屬合併必實行落地稅法方能周密查豐鎮商務繁盛戶口之衆多勝於興

和則改收落地稅增收確有把握且豐鎮地當各支局之中點考諸地勢實爲衝要之區且交通便利易於控制此與和分局宜移設於豐鎮之情形也查大海灘即岱海灘在豐鎮之西係出土鹽之地點此項土鹽價值既廉行銷亦旺豐鎮涼城兩縣民戶食土鹽者居十分之七八涼城爲土鹽行銷處所天鎮村距岱海灘二十里係土鹽來豐必由之路稽查灘鹽出產數目較爲便利此涼城分卡天鎮村局必須設立之情形也復查與屬塔喇胡同支局係收文員貢馬塔蒙鹽入境之稅與補隆灣同卡一通補隆灣既設在塔喇胡同之上游則塔喇胡同支局幾同虛設理應裁撤以節經費老大營子移設高烏蘇地方原爲高烏蘇正當察汗爾土鹽諸處所蒙鹽土鹽可以一局而兼收蒙賴溝支局原摺移在二十號地雖距鹽道頗近然距七台之半個蘇木土鹽諸尙有八里既兼辦土鹽稅宜改設七台以資兼顧七節村土木祿馬市口三地方係運鹽出境要路且可繞越上游各局卡三局之設一以查驗稅率一以杜絕繞越至豐屬之隆盛莊陶林縣張臯三支卡亦係戶口繁盛之區行銷蒙鹽必能暢旺支局卡之設萬不可緩查原摺隆盛德口一卡原應設於後壩地方去年晉北因土匪滋擾改設於隆盛德口今擬仍設後壩以便稽征此應行裁併改移各支局卡之情形也查與和局之支配原設分局一支局六月支經費八百一十四元今雖裁撤塔喇胡同七節村兩局復添與和支局一處又改添七節村土木祿馬市口三支卡並接管五七台土鹽諸二處是事多於前而經費並未加增也晉北在豐

鎮設立分局時尙有支卡十處經常臨時各費月支洋五百一十元零現時歸併僅設支局於隆盛莊陶林天鎮村三處設卡於後壩涼城張阜三處皆係按照蒙土兩鹽調查連道銷場地扼要設置即照原摺陳員役名數尙恐不敷分佈此經費勢不能再減之情形也總之豐鎮商務繁盛戶口衆多既實行落地稅法收數必能暢旺岱海灘之土鹽若行按鹽收稅之法再於天鎮村涼城設立局卡實力稽征收入亦稍有把握惟查土鹽配定稅率按斤收稅使蒙鹽土鹽兩不相防而收入亦可望大見起色謹將以上調查各節遵即會同切實擬議備文具由伏祈鈞鑒轉詳施行並將晉局四年份全年收入及月支預算數另單開呈以備參攷附此陳明另函稱豐興合併奉飭會查現當改組之初原有晉北局卡均一律撤回目下豐屬各卡稽征無人稅款必致放棄桐蔭焜暫由分局酌派員司擇定扼要地點趕緊繼續設置以顧收入所需經費在未奉部署批示之先自宜撙節開支實用實銷斷不敢稍糜公款此節擬請鈞局暫爲擔認以免事實之障阻桐蔭調查事竣擬於十九日回口遵飭實領入都合併陳明各等情據此伏思此案局長前詳移局設卡竊從事實上勘驗而知豐屬土鹽暢銷則稽征難產難容放任且晉北移交係併大海灘爲十卡茲於豐局原有支卡除裁撤外其留者設置扼要地點以冀權務有所裨補蒙銷亦可擴充業經聲明係將蒙土兩鹽統籌兼顧迨奉鈞批示及前晉北局以無稅可收詳請緩設支卡等因此次飭查自以灘稅之有無定設卡之存廢茲據該員等詳覆等情與

在口所聞無異天鎮涼城設卡各節意在灘稅之增收應請俯准擬辦理至與合分局收數全恃各支局該分局收數無多歷有冊報可稽豐鎮地勢適中且交通便利移分局於豐鎮實爲優勝他若設置局卡經再履查後前摺豪瀨溝支局移設二十號地者今改設於七台隆盛德口卡今仍設於後壩以及豐屬之隆盛莊陶林涼城張阜興屬之馬市口土木祿均爲扼要地點仍請照依設置再查原詳稱員役尙恐不敷分佈經費勢不能再減一節既增數縣之幅幘鹽爲民食所重國課所關稽征與查緝在在難疏前者晉北局主稿謂豐鎮所屬之十卡一律裁撤歸併興和分局暨所屬各支卡征收是殆執定豐陶涼無稅可收但有上游之興和局卡已足未知稅法以落地爲實在與豐屬各灘諸土鹽之充斥也茲據該員等會詳及另函所稱覺員役自應酌增即經費誠難再減惟仰副歸併摺節之本旨除刪減新附局卡之經費並牽及舊有之局卡計再減經常開支共三十二元另列一表比照兩局經費減至二百九十餘元較興和原有經費仍增加一百一十五元擬准其自成立日起支其原有局卡經費應由下月減支仍俟嗣後辦有成效員差不敷之時再行詳請是否有當除函達多倫收稅局譯詳稽核總所外理合備文詳請鈞鑒批示施行謹詳

鹽政彙覽第一編

單行規程 晉北一

指令晉北權運局此次呈送合同姑準備案嗣後事關出入之件務宜先行呈報毋得疏漏文
十五年十月

第二十八日指令
第八百十二號

呈及合同均悉此次續租民國五六年鹽湖合同條款自應根據民國三四年成案辦理該蒙旗如果於租銀等項另有爭議亦應由該局長先事呈明方為正辦乃查此次所訂合同第五款內載試辦二年期內吉鹽水運磧口能挖銷至四萬石以上者即詳請加給租銀一千兩合原租九千兩挖銷至四萬五千石或至五萬石者即加給租銀二千兩合原租一萬兩等語核與民國三四年租訂條款吉鹽能銷至五萬石以上再由晉北權運局詳請鹽務署酌核加給湖租辦法顯有出入雖據稱由該蒙旗一再要求惟事關改訂合同增加經費該局長并未請示於前率行允准殊屬不合姑念該合同業經訂立未便失信於蒙旗應暫準備案嗣後如有似此情事務宜先行呈報毋再疏漏致干駁斥合同存此令

晉北權運局原呈

晉北權運局呈送續租民國五六年鹽湖合同請查核備案事竊查續租民國五六年鹽湖一案前經局長查照民國三四年條例擬具草合同一份於上年八月二十日派委陽泉蘆鹽收發廠委員張慶

宣持赴北京面與阿拉善王議訂計自五年一月一日起至六年年底止爲租定期限每年租價亦即仍交包平斗分銀八千兩去後旋據該委員函稱阿王擬增租價銀二千兩合原租數目每年共銀一萬兩等情前來復經局長查照三四年合同案內載明如果試辦二年內吉鹽水運磧口能暢銷至五萬石以上應詳請加給湖租否則礙難增加去後復准阿王復函堅囑合同上加明每年如挖鹽至四萬石以內租價還係八千兩如過四萬石之數即作九千兩如至四萬五千石外或至五萬石便作一萬兩暨馱戶脚價每次概給現銀不得搭用貨物並合同內再加一條約嗣後駐磧委員許本王查看優劣各節局長以其要求尙無甚抵觸之處勉照來函即於上年十一月十六日繕就正式合同送請阿王蓋印在案惟路途遼遠轉投遞多費時日茲於本年十月十五日准阿王拉善旗印房將前項正式合同蓋印交由磧口轉運局轉送二份前來除將一份存案外理合以一份呈送鈞署查核備案
謹呈

合同

第一款 吉蘭泰大二兩湖之鹽前於民國三年一月起租於晉北權運局試辦二年應於民國四年年底限滿現仍查照前案接續議訂合同自民國五年一月一號起至六年年底止租於晉北權運局再行試辦二年每年議定包平斗分銀八千兩分爲三次收使由晉北權運局所屬包頭運銷局

就近交付阿拉善王處給收據爲憑租定期內所有大二兩湖之鹽統歸晉北權運總局隨時自由開湖挖收運往行銷區域別人不准私收限內不准徵稅亦不得另立名目額外需索俟租二年期滿再議另立合同

第二款 晉北權運總局派員在磴口設局收鹽公平交易蒙漢馱戶由吉蘭泰大湖載至磴口脚價每斗付銀一錢三分湖上挖鹽蒙漢人等工價每馱付銀四分一釐由二湖載至磴口脚價每斗付銀七分湖上挖鹽人等工價每馱付銀三分三釐蒙漢馱戶不准勒措不馱官員人等不准需索分文如有以上情事均由本旗承當辦理

第三款 派赴磴口鹽湖蒙員二員各月支薪水銀八兩先生二人各月支工食銀六兩跟役二名各月支工食銀三兩管二處鹽湖達木爾四名各月支工食銀一兩共三十八兩係爲催蒙漢運交磴局之鹽及幫查私運等事所有薪工銀兩亦自民國五年一月一號起支至民國六年年底止統由磴局按月發給

第四款 磴局所派收鹽人等將馱載兩湖之鹽用斗量時不准勒扣阻滯運鹽脚價一律改用現銀不攙貨物並不准加入鉛銅應先由阿拉善王出示曉諭各蒙民挖鹽人等嗣後務須較前踴躍不得再有阻滯

第五款 吉蘭泰大二兩湖今既租於晉北權運總局承辦仍照前次合同統由官局隨時自由開挖收運無論銷往何處統歸晉北權運局主持蒙旗不得干預如果試辦二年期內吉鹽水運磧口每年能挖銷至四萬石以上者即由晉北權運局詳請鹽務署加給租銀一千兩合原租九千兩如每年能挖銷至四萬五千石外或至五萬石者即由晉北權運局詳請鹽務署加給租銀二千兩合原租一萬兩若挖銷不及四萬石或僅至四萬石之數者仍照現定租價八千兩付給

第六款 運務最關緊要蒙漢駝戶不准有誤運情事磧口及鹽湖設局用人凡關鹽務或派人催運或商派蒙人照料之處悉由晉北權運總局酌量合宜辦理統由蒙旗保護倘原派蒙員中有辦事不力或不適用之處准由駐磧委員指名移請阿拉善王更換另派委員照料以重運務至駐磧委員亦准由阿拉善王查看優劣如有不合之處應即移知晉北權運局隨時撤換

第七款 本合同係按照前訂民國三年四年合同大旨酌量議定自民國五年一月一號起至民國六年年底止以二年為租定期滿之限

第八款 本合同照繕四分於印押後一詳鹽務署一存阿拉善王處一存晉北權運總局一存磧口分局倘以後有疑難辯論之處彼此就近在磧查對合同以漢文為憑

鹽政彙覽第一編

單行規程 花定一

電復甘肅省議會調取鹽務章程咨准國務院核復無庸照送文 五年十一月二十八日

魚電悉所稱權運局長蒯壽樞辦理鹽務種種不合自當切實查辦以資整頓至貴會調取章程以備答復人民請願一節鹽務章程既經核准施行本無所謂秘密惟關係中央地方行政範圍亦不敢不恪守權限當請國務院核示茲准復稱省議會受理請願以本省行政爲限鹽務爲中央直轄之行政不在本省行政之列甘省議會因答復鹽政請願調取章程事出職權之外毋庸照送等因特此奉復鹽務署勅印

附咨呈國務院原文

爲咨呈事准甘肅省議會魚電內開甘肅自蒯壽樞任權運局長廣植私人肆爲壟斷捏名商包實歸官賣浮收場稅巧取運腳遍設分局攙沙減秤勒買勒賣濫招緝隊苛查苛罰甚至任意加價按戶攤派層層剝削無利不收以致價值奇昂民苦淡食激釀巨案宕懸未結經本會議員建議咨請該局將章程鹽價表咨送到會以便答復人民請願乃據該局長面稱該局直接中央非命令不能公布等語究竟該局辦法是否合章暨鹽務規則有無秘密之必要請電解釋一面迅賜派員澈查究辦以蘇民

因而肅鹽綱等因前來查原電所指花定權運局局長蒯壽樞辦理鹽務種種不合事關鹽務官吏營私舞弊虛實皆應澈究自應由部署派員查辦以明真相而資整頓至所稱鹽務規則有無秘密之必要等鹽務章程既經核准施行自無所謂秘密惟該議會此次調取章程既據聲稱係爲答復人民請願之用鹽務爲國家行政似不在本省行政之列人民對於鹽務行政是否得向省議會請願省議會因受理請願或其他事件對於中央特設之鹽務機關調取章程鹽務機關應否照送此爲中央與地方行政權限所關不可無一定標準以資遵守相應咨呈 貴院務請即日迅予解釋見復以憑辦理此咨

附國務院復文

案准貴部咨開人民對於鹽務行政是否得向省議會請願省議會因受理請願或其他事件對於中央特設之鹽務機關調取章程應否照送請迅予解釋等因查省議暫行法第十六條第八款受理本省人民關於本省行政請願事件是否省議會得受理之請願以關於本省行政者爲限至鹽務爲中央直轄之行政不在本省行政之列人民固不得向省議會請願省議會即無受理此項請願之權至調取章程應否照送一節查該省議會因答復鹽政請願調取章程事出職權之外本可無庸照送如因議事有須借閱文卷以備參攷之處則應否照送當由該官署自行酌定可也相應咨復查照辦理

此咨

電令花定權運局甘省議會調取鹽務章程無庸照送文 五年十一月二十八日

支電悉甘省議會調取鹽務章程經本署咨呈國務院核示茲准復稱該省議會因答復鹽政請願調取章程事出職權之外毋庸照送等因仰即遵照署勅印

鹽政彙覽第一編

附錄一

意大利製鹽方法摘要

叙言

余譯是書之宗旨乃欲使馬得拉司鹽務處人員得一最新科學製造海鹽方法之指南也按馬得拉司鹽務處之政策與孟買不同其對於現行製鹽方法向係切實管理以期獲較潔之鹽質然此等管理必佐以透徹之普通理化知識否則未必有效且不免有害焉

製鹽最要之原理有二是書闡發甚明應為各科學之基礎

(一)海瀟當蒸晒至某度使所含之鈉綠及其他鹽質皆沉澱後應知其體積縮小之成分

(二)應知海瀟所含各種鹽質沉澱之次序

除非知此兩項最要之事實欲設鹽場而使其瀟質充足宜於製造或欲使產鹽潔淨勢必不能

自實行此書所載之原理以來馬得拉司所產之海鹽其質之高實向所未覩足以使吾人否認西戶

千八百七十六年馬得拉司鹽政報告中所稱製造佳鹽費用較大之說

此譯本曾經馬得拉司鹽政副使非非阿尼先生與原本校對余甚感激

意大利製鹽方法摘要

第一章 海鹽 概考

凡蒸晒海水於數貯水池內各池深大適宜其結果即漸次凝結至結晶時其鹽有沈澱於池底者亦有結於水面而成一薄層者

各池須相連貫逐層漸次低下以資滲質之流通但須分之以土壤(該土係由各池底掘出者)且須連之以溝渠然各池必須較低於海平面或無論如何亦須適得其平以便潮長時海水自然由溝流入若各池較高於海平面則必需機械抽水之方法當海水初流入第一池時即使之存貯其中日之熱力與風均足以助其蒸發迨滲之密度漸增至夏梅 *Bainne* (按夏梅係密度表名) 表十二度時碳酸鈣即先沈澱斯時即須將滲放至第二池存貯至二十五密度時碳酸鈣暨硫酸鈣以及他種鹽類即可沈澱海水經過各溝池其密度漸次增加至此而鹽晶遂開始沈澱矣然此必須在結晶池內發現當此時而滲之密度必須增至二十六度但雖至彼時而鹽仍未能與其他各質完全分解倘含有硫酸鎂及硫酸鈉等然已有鹽百分之九十五矣此時鈉綠尚繼續沈澱至三十密度即須停止不然鈉除綠外他種鹽類如鎂綠等亦將沈澱此法在熱帶之國(與地中海緯度相同各國)皆適用若在氣候較低各國中海水之密度不得使之超過夏梅表二十八或二十九度


試就模範製鹽場之組織而說明之按此場(意大利名卡保笛司特里亞(Capo Distria)爲平行四邊形廣約二三噎(每噎六畝有奇)以溝甲圍繞之海水由閘門乙流入大溝丙由是海水漸清然後復由水門已入大池六各以劃壁丁分隔之故海水先入大池庚辛壬而由溝寅入其他小池子丑丑凡海瀘自一級小池而流入他級皆由戊戌戌等水門支配故流通甚緩而密度隨增至鹽沈澱於最後之池卯卯而後止至母瀘(Mother Lignor)則由溝午而入於海遇大雨時可將濃瀘放入有蓋之井酉酉而保存之至晴時再行放出約言之海水流入鹽場必須經過各級鹽池(該項鹽池約占一基羅米達餘之廣)至產鹽後始將母瀘放出自入場水門以至於末級小池欲使海瀘流通無碍地面必須傾斜各級鹽池必須逐次低下以便海瀘自此級而流入他級其末級則爲最低者名之曰沙林尼爾(Saliniere)或「結鹽池」按此組織缺點有二

(一)將瀘抽起至何等高處須用機器而於一定時間內即須放出緣結晶池中之瀘須從速放淨至屬緊要如放水稍有遲延爲害甚大

(二)末級小池既屬最低其所餘瀘汁頗難去之

由此觀之如將各平面妥爲排列使瀘汁自最低池易於流出則爲更妙至抽入鹹水如此之多其費當必不尠因鈉緣必於水之體積縮至八分之一而後沈澱也故最省費之法須俟水之體積與重量經蒸

圖面平場鹽製利大意



發縮減後再行抽入如此辦理抽水較為省力而費用亦減欲達此目的鹽場之計畫須如左

(甲) 蓄水池名之曰樂提卡爾得 (Peti Calde) 居最低平面海水經第一次蒸發者也

(乙) 色爾維多利 Serviori 第一次及第三次蒸發皆在此

(丙) 結鹽池(即沙林尼爾)即鹽結晶之所

抽滷之法可用抽水機或用帶水桶之輪

此等組織鹽場之法多見於地中海各岸其蓄水池計有三級海水流入第一級實係出於自然至體積銳減後則用抽水機抽入第二級復轉入平面較高之第三級亦用抽水機在此平面上仍有蓄水池三排鹹水密度最高時即可結晶於此

民國六年一月出版

定價
全年四元四角
每册四角



編輯
發行處兼

鹽務署總務處第二科

印刷所
財政部印刷局

一彙刊月出一册定價見前

一購至三十六册照每册四角七折購至一百二十册照每册四角六折

份一次購全十六册

照每册四角七折一次購一期或數期滿三十六册亦照每册四角七折餘可類推

一郵費每册二分半

一訂購者須先交售價並郵費方能照寄

售價郵費均不得用郵票替代

一經售處北京鹽務署總務處第二科面訂或函訂均聽便

鹽政彙覽第一編勘誤表

類別	頁數	行數	字數	刊正脫誤	頁數	行數	字數	刊正脫誤
目錄	一	六	十四	准誤準	一	十一	十三	普誤醫
長蘆	三	五	二十一	罰誤置	四	三	七	兩字衍
	三	十七	十八	裨誤俾	三	二十	十	濱誤同
	五	一	十五	卡誤卡	五	九	三十	務下脫處字
	五	二十六	三十四	煉誤煉	七	二十三	三十八	少數字例
	八	十	十五	闕誤闕	九	十	十	密誤蜜
	十	七	十三	豫字衍	十	十九	三十四	煉誤煉
	十一	五	二十八	特誤持	十一	十八	二十七	敵誤敵
	十三	三	十六	五十字例				
東三省	一	三	十四	紙誤錢	二	六	二十六	本下脫署字
	二	十四	一	有下脫由字	三	一	六	核誤查
山東	二	四	十三	如誤爲	二	五	十五	准誤查
	二	十	六	節誤等	二	十七	十七	徵誤款
	二	二十七	十七	持誤特				
河東	二	十	七	千等字例	三	三	二十六	可誤未
	三	十六	二十八	向誤局				
兩淮	五	六	二十三	受誤宜	七	七	十三	批誤准
	九	二	三十一	網誤鋼	九	九	十	支誤文
	九	十	十	每字衍	十一	八	旁註	十四字例
	十三	十	六	陳字衍	十三	十	二十	六下脫岸字
	十三	十四	三十	法誤治	十三	十七	三十二	賁誤賁
	十四	六	二十六	三字脫括弧				
兩浙	一	四	三十	率誤律	一	十九	三十三	暨誤既
	三	四	十五	少誤多	三	八	十三	行誤將
	四	十五	十	廉誤兼	五	二十五	四	事誤員
	六	一	十四	事誤員	六	十	二十二	如誤爲
	六	十四	二十	兩誤兩	八	二十八	二十四	皆誤化
	九	五	十九	革誤歸	九	九	夾註	日下脫指令二字
	十	一	三十八	棧誤機	十	十一	一	間誤問
	十	二十二	十七	詳下脫定字	十	二十五	十九	鹽誤鹽
	十三	一	二	令下脫兩字	十四	十六	三十七	予誤於
	十四	十七	六	倡誤作	十五	十五	二十二	苛誤奇
	十五	二十六	七	車誤事	十六	四	三十二	上誤公
	十六	八	十六	監誤堅	十六	十四	二	迄誤迨
	十七	八	三十	括誤括	十七	十	二十五	令誤今
	十八	三	六	要誤嬰	十八	十六	二十	銷誤消
	十八	十七	三十	知下脫私銷二字	十八	二十四	五	持誤飾
	十八	二十八	四	溫誤紹	十九	二	五	溫誤紹
	十九	二	七	域字衍	十九	五	十四	向下脫商字
	二十	四	十七	帖誤貼	二十一	四	三十	准下脫文字
福建	一	十八	三十一	孝祚二字衍	一	十八	三十二	後下脫再字
	一	二十	十四	署下脫孝祚二字	一	二十一	三	函請誤孝祚
兩廣	一	十	十一	亟誤函	二	八	十五	東誤河
	二	九	二	溝誤壩	二	九	五	壞誤壞
	二	二十五	二	迅誤辯	二	十三	三	准誤準
	二	二十九	二	威駭二字例	二	十三	三	准誤準
四川	一	二十八	九	廠鹽二字例	二	十五	十一	折誤折
	三	十六	三十一	目誤日	四	五	二十	遊誤遊
口北	二	五	七	與誤與				
	二	十六	二十三	員字衍	二	六	一	道誤通
	二	十九	二十九	場下脫產字	二	十九	十三	酌誤配
花定	三	一	三十二	妨誤防	二	二十五	三十九	灘誤灘
	一	十七	二	等下脫語字	一	二十四	二十六	議下脫會字
附錄	二	十二	三十四	否字衍	二	十七	十一	壁誤壁
售例	一	一	三	覽誤刊				